

58559 III  
Mag. St. Dr.







58559 III



ILLVSTRIORA  
THEOREMATA  
ET  
PROBLEMAT  
MATHEMATICA



EX  
OPTICIS  
GEOMETRIA  
ASTRONOMIA  
SPHÆRA ELEMENTARI  
COMPVTO ECCLESIASTICO  
IN ALMA ACADEMIA VILNENSI  
Societatis IESV

*publicè prælecta.*

IOANNES RVDOMINA DVSIATSKI  
EQVES LITHVANVS

Physicæ & Matheseos Auditor

IN EADEM ACADEMIA  
*publicè tuebitur.*


---

ANNO DOMINI MDCXXXIII

Typis Academicis.

*Bibliotheca Collegii Maioris Universitatis  
Cracovienfis*





58559

III





SERENISSIMO  
AC  
POTENTISSIMO  
VLADISLAO IV  
REGI POLONIÆ  
MAGNO DVCI LITHVANIÆ

R VSSIÆ, PRVSSIÆ, MASOVIÆ,  
LIVONIÆ, SAMOGITIÆ, &c.

SVECORVM, GOTHORVM  
VANDALORVMQ; HÆREDITARIO REGI  
ELECTO MAGNO MOSCHOVIÆ DVCI  
DOMINO SVO CLEMENTISSIMO.



Orbem Vniuersi oneri impar

Atlas, affero ad Te, REX POTENTISSIME. Siue muneris magnitudo, siue tenuitas offerentis, locum suum planè inuenerunt. Nam MANVS REGIÆ, & amplitudine sua Orbem (cui magnâ parte gestando fulciendoquè natæ sunt) facilè capient: & animum offerentis, quem inclytâ & per omnes celebratâ humanitate allexerunt, magnoperè deducunt. Caterùm cùm in Mathematico meo Orbe, quicquid, aut Oculum aut Animum admittit, contemplabere; immittes per omnia tuam illam magnam ac parem rebus cogitationem, & Opus Regio obtutu quasi Apotheosi consecrabis. Cùm autem Mundum dies suos in manibus Tuis euoluentem adspicies; oculum defiges ad horæ fermè momentum Astronomico calculo à me deprehensum: quo amplissimis Varſauiz Cœmitijs REX POLONIÆ denunciatus es. Videbis in ingenti illo temporis articulo quasi in optatissi-

ma secu.



ma seculorum metá restitantiem, atq; ex longinquo cursu sese respicientem  
Naturam: Orbiq; Christiano Aureum inde seculum auguraberis, statimq; or-  
dieris. Postremo cum Geometriam Munitionibus, castris, atq; æneis machinis  
accommodatam leges; facile cogitabis hanc Vilnensis Academiæ iuventutem  
iam nunc á teneris, meque potissimum reliquam supra XVI. annos, ætatem,  
quali é longo castrensibus obsequijs accommodare, & sub signis Tuis canos  
vouere. Patere itaque Mathematicum Orbem in Tuas reclinari manus. Ego  
certé cum sub hoc Pondere, auspicijs Reuerendi Patris Osualdi Krügeri Socie-  
tatis IESV, deludarem, animum pariter cum ipso Naturæ Orbe hac vna spe  
sustentabam; fore, vt in manus Tuas, me dedicante, quasi migraret.

Quod si hodie consecutus sum, Respiraui.

*Serenissima Regia Maiestatis Vestra*

Subditus

IOANNES RUDOMINA DVSIATSKI



VERITATVM MATHEMATICARVM  
MAGNIFICVS AC GENEROSVS D. IOANNES RVDOMINA  
DVSIATSKI PROPVGNATOR

Abditas naturæ scrutatur opes.

**F**Æcundioris prouida copia  
Natura mater Numinis artifex  
Quam dextra pulsa noctis umbrâ  
Luminibus decorat diei.  
Euade terras: quid iuuat arduas  
Firmasse densis diuitias seris:  
Glebas quid auri, quid metalla,  
Visceribus tumulasse in imis?  
Fixisse celso sydera quid polo  
Celasse Solem tot regionibus  
Syluisq; Lunam, montibusq;  
Sepibus ut tenuisse Tigres?  
Nunquid caduci sic placet ingeni  
Lusisse Vires, etheris auream  
Legisse sedem, curiosos  
Ut fugeres hominum labores?  
Ne crede pictis tuta palatiis  
Laborioso te sequitur gradu  
Mortale semen, scandit astra,  
Ingrediturq; sacrum Deorum  
Audax Senatum: non via longior  
Horrenda vasti murmura non maris  
Obsessa sexcentis periclis  
Ingenij remorantur artem.  
**DVSIATCIORVM** sanguine nobilis,  
Latè triumphans agminibus Virum,  
Ducens auorum nomen amplum  
Conspicius **RVDOMINA** Patre.  
Te monstat orbis: docta Matheſeos  
Afferta quando non violabili  
Inscindit æri, cuius ausa  
Æmula posteritas probabit.



Hic ipsa viuis picta coloribus,  
Illustris exstas fulgure Palladis,  
Natura mirari patentem  
Ipsa tuum poteris decorem.  
Hic ampla cœli machina vertitur,  
Circumsonanti flammeus ungulâ  
Pulsat polares Phœbus axes,  
Æmula regna probat sororis.  
Monstratur errans orbita syderum  
Fortis Bòotes victor in effedo,  
Atlas olympo colla subdens  
Pleiadum vaga turba septem.  
Librata tellus mole premit sua,  
Constricta abeno carcere compedum  
Subsistit, & centro globali  
Seq. suamq. redegit artem.  
Obliuioſo non pateris sinu  
Claudi JOANNES munificentiam,  
Sed clara nature trophæa  
Eximia veneraris aura.  
Onix pudica mentis, & indoles  
Sublimis aude puluere mutuo  
Certare: te Natura bellis  
Euocat atq. laceſſit audax.  
Instruxit omni flumine copie  
Subtilioris lumine Palladis,  
Natumq. ſupremis benigna  
Ingenium dedit eſſe rebus.  
Exuberanti Lumine gloriæ  
Applaudit impar Calliope mea:  
Hæc claritatis magnitudo.  
Sole manet celebranda primo.

IOANNES KVCZEWSKI  
Physicæ & Matheſeos Auditor.

Metitur



## Metitur cœlum terramque.

*Metiris vasti stellata palati cœli,  
Quantaq̃ syderibus sit peragenda via.  
Et quoties Phœbus versotemone quadrigis  
Oceani gratas linquere cogat aquas.  
Concava quot Luna, montes sylvaq̃ pererrent,  
Et pateat quantum linea ducta solo.  
Limitibus facilis definis omnia certis  
Mensuræ finem discis adesse Deum.*

CYPRIANVS BRZOSTOWSKI Physicæ & Matheseos Auditor

## Palladis & Martis insigne opus.

*Ingenio R VDOMINA tuo clarescere perge  
Qui satis à generis nobilitate nites.  
Si conferre potest famæ quid ab ægide Pallas,  
Purpureum Martis si cohibere mare,  
Hoc unum præstat bellis Diuina Mathesis  
Egregium summe nobilitatis opus.  
In te constituit sedem cum Pallade Maiores,  
Quod Pallas docuit, Mars agitabit idem.*

HIERONYMVS RYCHLOWSKI Physicæ & Matheseos Auditor.

## Optica sola videt laudem.

*Peruigil in sceptro quondam recubabat ocellus,  
Æternos referens, ut nota certa, dies.  
Optica, quam viuus iuuat concedere chartis,  
Eius & ingenio pingere iura stylo.  
Excubias aget æternæ cum nomine laudis  
Quæ tibi parta venit gloria, firma venit.  
Prodidit ó quoties Oculus virtutis honestum!  
Hic scit perpetuum solus amare decus.*

ANDREAS CYGANSKI Physicæ & Matheseos Auditor.

Commen-



# Commendat authorem Diuina mathesis.

*Proposita RVDOMINA theses Schola docta Virorū.  
Egregium studium, nobile laudat opus.*

*Miratur vires, veteremq̃ redisse iuuentam,  
Qua iuuet antiquos seposuisse dies.*

*Sic vires senibus, Juuenis, vitamq̃ ministras,*

*Nobile DVSLACIÆ nomen honorq̃ domus.*

*In te cana nitet morum prudensq̃ senectus,*

*In primo Brumam Vere Mathesis habet,*

STANISLAVS MOCARSKI Physicæ & Matheseos Auditor

*Imprimatur.*

BENEDICTVS DE SOXO Societatis IESV.  
S. Theologiæ Doctor, & Vicecancellarius Almæ  
Academiæ Vilnensis, eiusdem Societatis.




# OPTICA

**C**um in re multum obuia omnibus intuentibus, minus perspecta, cognitu suauissima, veneratus quidem, vt decet, plurimorum eorumq; doctissimorum Philosopho-  
um auctoritatem & sententias, paucorum tamen veritati subscribam, neminem offendi debere. non e-  
nim qua itur sed qua eundum est, cognita veritas ducit, imò resistentem atq; reluctantem vi in sui amo-  
rem pertraheret. Multarum ergo non minus abstrusarum quam iucundarum, dum via non trita se-  
quentibus Theorematis rimabor veritatem, ne eadem sapius intelligendi gratia repetere cogar, hic  
paucis prae mitto.

## PARTEs ET STRVCTVRA OCvLI.

**V**isus praecipui sensus corporei, elegans simul & admirandum author naturae  
organum construxit, septem tunicis, Adnata, Cornea, Sclerode, Ragoide seu  
Vuca, Choroide, Retina & Aranea muniuit & sepsit, tribus ad intra pellu-  
cidis humoribus, Aqueo, Crystallino, & vitreo, varijs ad extra coloribus deco-  
rauit. Crystallinus humor, ad congregandas in vnum dispersas species. sum-  
me est necessarius, hic parte anteriore planior, posteriore semper est rotundior.  
Aqueus vt humectet vuca, ne indurata vitui minus utilis reddatur: rarior est  
Aqueus caeteris humoribus, vt in eo liberius vuca moueri possit. Vitreus quanti-  
tate maior utroq; priore, densior Aqueo, vt e crystallino venientes species citius  
& perfectius in vnam basim aggregentur. Nerus Opticus quatuor membran-  
is inuoluitur: Intimam ipsa cerebri medulla generat, panditurq; in subtilem ac te-  
nuem folliculum, qui ob venulas quibus plenus est, nomen Retinae obtinuit, quae  
vbi Crystallinum vestit, homoresque ab in-  
uicem separat, Aranea nuncupatur. Hanc  
immediate sequens, prodit a pia matre seu  
molli meninge, explicatur in Choroidem  
vestientem humorem vitreum, Crystallinum,  
& in medio Aquei terminatam, quae Vuca  
dicitur, habetq; foramen Pupilla vocatum;  
opaca est, ad impediendum nimij luminis in  
profundum oculi ingressum; dilatabilis &  
constringibilis pro necessitate, dilatatur dum  
minus, constringitur dum nimium lumen o-  
culum circumstat. Tertia a dura meninge  
seu dura matre generata, in Sclerodem, seu  
consolidatiuam, totum oculum ambientem  
euoluitur, haec parte posteriore opaca est,  
antere pellucida, Cornea dicta, eo quod  
sit similis laminae corneae, dura ad exteriores  
incurfus reprimendos. Extrema tandem a  
Pericardio venit, quae Scleroticae insitens o-  
culum vsque ad corneam ambit, vocaturque  
Adnata.



Hae quae de partibus & structura oculi breuiter dicta sunt, vt illustriora euadant  
hac figura explicatius spectanda propono.

A Refert Humorem Crystallinum. B Humorem vitreum. I Humorem A-  
queum




## THEOREMATA

queum simul & pupillam, in medio nigra, vnea est. K Tunicam Adnatam. L. Tunicam Sclerodem. D. Tunicam Choroidem. C. Tunicam Retinam. G. Araneam. H. Corneam. Quæ omnia anatomiam in oculo bouino facienti, cum admiratione, & prædicatione Diuinæ potentiz, patebant.

### RADII OBIECTORVM SPECIES DEFERENTES.

**R**adius ab obiecti puncto aspectabili egressus, ob corpora ad quæ incidit, triplicem sortitur denominationem. Directus est qui per medium æquale in aliud fertur vocaturq; radius Incidens seu Incidentiz vt B. C. punctum verò B. in quo radius incidentiz tangit nouam superficiem, Incidentiz punctum appellatur. Reflexus est cum radius incidens, ad superficiem opacam, redit in idem medium per quod prius venit vt C. B. N. Refractus qui ex vno medio in aliud diaphanum rarius aut densius protrahitur in eoque refringitur, vel ad perpendicularem vt C B G, vel à perpendiculari vt C B I. Perpendicularis autem illa est, quæ per punctum Incidentiz ad superficiem refringentem perpendiculariter erigitur, vt A B F. Ex radiis varij constituuntur anguli. Angulus Refractus B G F. ex linearefracta B. G. & perpendiculari A F. Angulus Refractionis, ex radio incidentiz in directum protracto C B H & radio refracto B G. Cathetus Incidentiz ex superficie refringente aut reflectente, D B E & linea perpendiculari C M, demissa à puncto visibili ad superficiem D B E. Cathetus demum reflexionis est quem constituit superficies reflectens D B E cum linea N O demissa ex loco visus N perpendiculariter ipsi superficiem reflectenti.




### RADIUS ET ANGVLVVS FORMALITER VISORIVS.

**R**adius Visorius duplex est, alius formaliter, alius denominatiue talis. Radius formaliter visorius est particula radij deferentis speciem vltimo refracti in formali organo visus ( quod nos theore: 24 Retinam assignabimus) quæ particula etiam vltimo sentitur, qualis est F A & G B; vnde radius formaliter visorius eo rem visam transfert, quo ipse si in directum extra oculum extraheretur

tur



tur, tenderet, quæ tendentia radius denomi-  
natiuè visorij. G C E & L C D appellatur. An-  
gulus similiter Visorius ( cuius noticia in o-  
ptieis summè est necessaria, ad fallacias, & ap-  
paritiones rerum insidiosas detegendas ) ali-  
us est formaliter talis, ille videlicet, qui inter  
radios formaliter visorios intercipitur. vt  
C G L. Denominatiuè verò talis angulus viso-  
rius C D E, quem efformarent radii formali-  
ter visorii, si in directum ex oculo extende-  
rentur, cum linea D E ipsius obiecti. His præ-  
missis sit.



THEOREMA I.


Quodlibet punctum rei aspectabilis  
radiat in totum Hemisphaerium ra-  
dijs penè infinitis.

**R**adiare punctum in totum Hemisphaerium, est producere illud species sui visibiles lineis rectis per totum hemisphaerium; quod vix non continua experientia tam manifestè declaratur, quam manifestum est punctum illud videri; assignato enim alicuius obiecti puncto, hoc oculus in quocumq; hemisphaerii loco positus conspiciat, quod neutiquam fieret, nisi species puncti, ad omnem hemisphaerii locum pervenirent. Imò Sphaeram punctum radians ex suis radiis constitueret si in aëre suspensum libere penderet.

THEOREM A II.

Radijper medium den-  
sum tranſeuntes Ead  
medium diaphanum  
rarius incidentes refri-  
guntur apperpendiculari.

**P**osito numisma aut ali-  
quod quodcunque corpus  
in vase profundiore, re-  
trocedat erectus qui experi-  
entiam facere velit, a vase  
tam diu, donec ei numisma  
occultetur, tunc stans in e-  
odem loco, sit AA, iubeat  
vas aqua limpida impleri, &  
est vestigio numisma prius oc-  
cultatum per quam distincte.






## T H E O R E M A T A

conspiciet, ex eo solum quia radii à perpendiculari refringuntur, illi enim qui directè ad locum A tendere debebant, opacitate vasis præpediuntur, alii sursum in directum feruntur, accedente verò medio densiore videlicet aquâ, radius B F. (idem de omnibus aliis iudicium esto) qui medio æqualiter denso, tam in vase, quam extra vas existente, ferebatur in F, vt primùm in puncto E superficiem Aquæ C D. attigerit, refringetur à perpendiculari E G vsq; ad locum A. Ergo habita specie numismatis B in loco A, optimè ex eodem loco A prius occultatum numisma conspicitur: cuius cùm alia causa assignari non possit, nisi refractione radiorum à perpendiculari, patet quod propositum est.

## T H E O R E M A III.

*Radij obiectorum per medium diaphanum rarum transeun-  
tes & in medium diaphanum densius incidentes re-  
fringuntur ad perpendicularem.*

**T**heorema hoc adeò clarum est, vt etiã simplicissimos qui de Opticis ratio-  
nibus penitus nil audiuerunt, non lateat; implicite enim asserunt radios so-  
lares ad perpendicularè refringi, dum videntes solem ortum suum verum  
anteuertisse, pluuiam certò futuram prænunciant, & rectè quidem, nam roridis  
vaporibus aeris infimam regionem occupantibus, ad quos radij solis adhuc la-  
tentis refracti ad oculum nostrum perferunt imaginem, fulgoremq; solis; ex ro-  
rido autem aëre quid certius pluuiâ peritissi nus Meteorologus sperabit. Sit Cœ-



lum G F E Terra R, Vapores circa terram roridi B D, oculus videntis in superfi-  
cie terræ in A, sol adhuc in E, aut Luna in G, infra horizontem S. T. Absentibus  
ergò roridis vaporibus, nullus omnino ad oculum latentis Solis aut Lunæ ra-  
dius pertinget, radius E. L & alii omnes inter Cœlum, & terram supra oculum  
A in altum tendunt, Radius E N & alii inferiores ab opaca rotunditate Terræ  
præpediuntur, accedentibus verò roridis vaporibus, radius Solis E M, & Lunæ  
G M qui



## O P T I C A

¶ Miqui in L transiret posito puro circa terram aëre, nunc incidens in puncto M in superficiem vaporum densiorum tertiæ & secundæ regionis, per quem antequam vapores attingeret, ferebatur, refringitur ad perpendicularem MR vsq; ad oculum A. Atq; ita oculus in A habens speciem latentis Solis aut Lunæ, videbit solē aut lunā in P aut V loco viso supra sensibilem horizontē, cuius vnica causa est refractio radiorum ad perpendicularem, transeuntium prius per medium rarum, & in densius incidentium, quod fuit propositum.

### T H E O R E M A IV.

*Eclipsim Lunæ conspici posse viso simul & Sole.*

¶ Vemadmodum ad Essentiam Eclipses Lunæ spectat, vt luminaria existentia in veris locis diametrali oppositione se respiciant, terramq; intermediam habeant, ita eandem Eclipsim non vitiat, si luminaria existentia in visis locis vtrāq; conditione careant. Reuocanda huc est antecedentis theorematismis figura & demonstratio. Sit locus visus Solis P. ex quo sol radios luminosos non vibrat, cum de facto ibi realiter non sit. Visus locus Lunæ V, in quo Luna a Sole in vero loco E existente illuminari nequit, nam vel radii Solares, attingent Sphæram vaporum roridorum. B. D. & sic terram versus ad perpendicularem refringentur, vel excedent dictam Sphæram vaporum, & tum excedent quoq; V locum visum Lunæ. Cum ergo nullus radius Solis existentis in loco vero E, tangere possit Lunam existentem in viso loco V, manifestum est, Lunæ Eclipsim per visum Solem in loco apparente non impediri, quod intendit Theorema.

### T H E O R E M A V.

*Radij species obiectorum deferentes decussati ad oculum veniunt.*

¶ Decussari radios est eosdem se ad inuicem in forma crucis ita secare, vt a superiore parte radij deorsum ab inferiore sursum, a dextra in sinistram, a sinistra in dextram oculi partem ferantur. Theorema hoc demonstrant duæ sequentes experientia.

### E X P E R I E N T I A I.

¶ Occludatur aliquod cubiculum adeo vt nihil lucis ab extra in illud ingrediatur. præterquam per paruulum foramen A vnus digiti latitudinem adæquans: tum foramini directè opposito aliquo corpore opaco, sit munda papyrus Bc, repræsentabuntur in illa obiecta retro posita, verum situ inuerso, pars enim obiecti superior D in inferiore parte chartæ C conspicietur, & pars obiecti inferior E, in parte chartæ superiore B, idem accidit cum lateribus obiecti. Hanc euersionem specierum causant radii obiectorum in foramine decussati, quandoquidem radius ab obiecto veniens ibi speciem quam deferat reponit, quorsum ipse tendit. Cum ergo radius obiecti D deorsum tendat ad partem chartæ C ibi tandem reponit. Porro charta Bc posita in loco F remotiore a foramine, maiores re-


A 3

*b Plinius l. 2. c. 13 sua hist: natur: testatur Eclipsim Luna in occasu, suo tempore visam vtrōq; super terram conspicuo fidere.*




## T H E O R E M A T A

res recipiet species ex eo, quòd radii remotiores à decussatione magis sunt dilati-



### E X P E R I E N T I A I I.

**D** Ispostis luminibus numero qui placuerit, sint  $PQR S$ , sumatur corpus opacum, sit Lamina  $F G H I$  habens in medio vni9 digiti magnitudine foramen, in cuius medietate pèdeat corpusculū opacū  $B$ , oculus passibus decē circiter distans à Luminibus in  $O$ , qui in lumina  $PQR S$  intentus, corpusculum illud  $B$  in foramine appensum in omnibus Luminibus spectabit, ac si plura corpuscula essent. Huius multiplicationis corpusculorum causa alia adæquata non reddetur, quàm decussatio singulorum radiorum in illo corpusculo, nam si lumina viderentur per radios iuxta corpusculum allapsos, & ab eodem non rasos, umbra corpusculi in lumina omnia non incurreret, quod tamen accidit, vt docet experientia.



### T H E O R E M A <sup>I</sup> V I.

*Radij dissipati species obiectorum deferentes congregantur in vnain communem Basim per diaphanum conuexum.*

**O** mne diaphanum Sphæricum intra se radios obiectorum sparſe receptos, vltra se eosdem in vnum locum congregat, hac luculenta experientia, quæ animos




## A T O P T I C A E I I T

animos intuentium in admirationem simul, & oblectationem rapit, declaratur.

### E X P E R I E N T I A

**O**cculo ut prius experientia 1. Theoremate 5. cubiculo, foraminisq; (cuius diameter etiam vnus palmi esse potest) vitro conuexo applicato, species obiectorum quæ sine vitro confusæ, nunc distinctissime propter radios in vnum



locum, qui basis communis radiorum appellatur, congregatos, conspicientur. Sit obiectum A B, vitrum conuexum in foramine C D E, obiecti omnia & singula puncta per theor: 1. projiciunt radios penè infinitos species sui deferentes in totum hemisphærium, hi cum à punctis, veniant ut lineæ à suis centris, quo ulterius & ulterius ab obiectis elongantur, magis ac magis dilatantur, & dissipantur. Ut punctum A, obiecti A B, projicit radios extremè conuexum diaphanum C D E tangentes (alios enim qui conuexum non allabuntur, utpote nostro proposito non seruientes, omitto) A D & A E & alios intermedios ad singula vitri puncta, qui per theorema 3. (cùm absente vitro irrefracti in directum protensi fuissent) refringuntur ad perpendicularem A D H & A E H concurruntq; in communi basi in puncto H. sicut puncti B radii concurrunt in eadem communi basi in puncto I. Porro in communi basi iterum decussati, post eam dissipantur. E. H. K. & D H F. & idem de puncto B, aliisq; omnibus punctis Obiecti A B. iudicium esto. Radii ergò per conuexum C D E. congregantur in communi basi M N, quod fuit propositum.

### T H E O R E M A V I I.


*Basis communis radiorum non ponitur in centro periphæriæ conuexi diaphani.*

**D**etur A radians punctum, B centrum periphæriæ conuexi diaphani G E C. rectæ ductæ ex centro B ad superficiem conuexi diaphani sunt eidem perpendiculares, B G. B L. B E. B D. B C. Projiciuntur ergò radii à puncto A ad superficiem conuexi. G E C, quod cùm densius sit aëre per quem prius ferebantur



## T H E O R E M A T A.

bantur, refringentur radii. A G. A C & alij ad perpendiculares B C. B G. concurrentq; in communi basi in H, ultra centrum B, propius aut remotius à centro, pro-  
ut superficies diaphani, maioris vel minoris Sphæræ portio fuerit, ut nos quo-  
tidiana ferè experientia docuit. Porro radii puncti A (idem de omnibus aliis  
dicendum est) communem basim habere nequeunt in puncto B centro con-  
uexi, ob debilem refractionem, & simul ob refractionem à perpendiculari post



conuexum diaphanum. Contendet quispiam radiorum omnino in ipsas vsq; perpendiculares fieri refractionem, do; ast simul extremum naturæ malum im-  
minere prænuccio, tunc enim omnia & singula obiecta, quantumuis magna  
quantumuis multa, per experientiam theorematis 6. in vnico puncto B basi  
communi repræsentabuntur, cum omnes perpendiculares, ad superficiem dia-  
phani conuexi erectæ ad punctum B tanquam ad suum centrum concurrere est  
necesse, quod quantum malum sit, patebit ex theor. 54. ubi ostendam in casu  
in quo refractione contingit in ipsas perpendiculares, præter meram lucem nihil  
videri posse, eo quod totius obiecti omnes species in vnum punctum concur-  
rant.

## T H E O R E M A V I I I.

*Conuexum diaphanum maioris Sphæræ portionem habens propius  
centro sui conuexi, minoris Sphæræ e contra proportionatè  
remotius, communem basim radiorum ponit.*

O mnes motus naturales qui fiunt secundum lineas perpendiculares fortiores  
esse omnibus aliis motibus, notiùs est quàm vt probatione egeat, id vel  
vnica sagitta ex arcu missa perpendiculariter descendens conuincit. Inter ob-  
liquos, ij sunt fortiores qui magis ad perpendicularem accedunt. Radii itaq;  
ab obiectis obliquè venientes, cum sufficientem in linea incidentiæ vim non ha-  
beant, ad permeandum medium diaphanum magis densum, ideò refringun-  
tur ad perpendiculares vt magis fortiores euadant, qui verò magis obliquè in  
superficiem diaphani incidunt minus refringuntur, magis, qui minus obliq; ean-  
dem superficiem allabuntur. Igitur cum radii ab obiectis venientes magis obliq;  
allabuntur superficiem conuexâ minoris Sphæræ, ob eius latera magis inflexa,  
quàm superficiem maioris Sphæræ; fit vt illius debilius refringantur, ac conse-  
quen-



quenter tardius atq; adeo remotius a centro sui diaphani conuexi in vnam basim communem concurrunt, quam concurrunt radii minus oblique allabentes superficiem conuexam, a sui diaphani centro.

## EXPERIENTIA

Certam & proportionatam differentiam inter distantias basium communium quorumlibet conuexorum a centrīs suarum periphæriarum, facilius est experientiā, difficillimum ratione definire. Sumptis itaq; duobus conuexis vitris diuersæ magnitudinis Sphæræ portionem habentibus, vnius semidiameter, 11. alterius 38. digitos continebat, reperi primum retruisse basim communem a se 20. secundum 63. digitis. Distantia igitur basis communis a centro minoris conuexi, erat ad semidiametrum vt 9. ad 11. maioris vero vt 25. ad 38. Ex quo patet theorema propositum.

## THEOREMA IX.

*Basis communis radiorum non consistit in indiuisibili.*

Schonerus cui multum Optices amatores debent in suo Oculo asserit, basim communem conorum in distantia a conuexo diaphano, strictè & Mathematicè sumendo, consistere in indiuisibili, Physicè tamen & laxè sumendo habere notabilem laxitatem, vt experientiā theoremate 6. posita constat, nam siue admoveatur, siue remoueatur charta a conuexo diaphano in notabili satis latitudine, variatio tamen in pictura aut parum, aut nihil ad sensum immutatur. In cuius viri, verè & solide docti sententiam libenter eo, si de basi communis, seu potius de concursu duorum radiorum sit sermo, nam per pronunciarum Io. 1. 1. Euclid. duæ rectæ se interfecantes non habent vnum, & idem segmentum commune; ast si sermo sit de omnibus radiis conuexum tangentibus, vnius v. g. puncti obiecti: Dico, quod & virum doctissimum sentire autumo; Basim communem radiorum non consistere in indiuisibili, sed habere latitudinem maiorem vel minorem a conuexo diaphano radios congregante, iuxta portionem periphæriæ maioris, vel minoris Sphæræ; conuexum enim diaphanum quaecunq; illud fuerit omnes radios in vnum punctum geometricum, imo in Physicum cogere nequit, quandoquidem radii vnius puncti obiecti totum conuexum occupant, & in toto refringuntur, ad perpendicularem; verum cum non æqualiter omnes superficiem conuexi tangunt, alij minus oblique alij magis, non æqualiter etiam omnes refringuntur, magis oblique superficiem tangentes, minus per theor. 8. refringuntur, & ideo tardius & remotius a centro conuexi conueniunt; minus oblique, per idem theor. 8. magis refringuntur, & ideo citius & proprius centro conuexi concurrunt. Sumptis ergo duobus radiis, radio puncti radiantis perpendiculariter superficiem tangenti vicinis, hi quia minus oblique eandem superficiem allabuntur, vicinius centro conuexi concurrent, alij verò duo, qui in extremitatibus conuexum tangunt, atq; adeo magis oblique, minus refringuntur, tardius & remotius a cetro conuenient. Spatium ergo erit inter concursum primorum & posteriorum radiorum communis basis vnius puncti, quod cum suam latitudinem habeat, habebit & basis communis eandem, ac consequenter non consistet in indiuisibili; quod demonstrandum erat.



# THEOREMATA


## EXPERIENTIA.

**M**anifestum est radios Solis non posse congregari per conuexum diaphanum quantumuis parua Sphaera portionem habens in vnum punctum, quod tamen fieri deberet, si radii omnes quicunq vitrum conuexam allabuntur, in basi indiuisibili congregarentur, sed potius circulus luminosus in corpore opaco efformatur, quicquid maior erit quo conuexum diaphanum maioris Sphaera portio fuerit. Cuius hanc ex theoremate nostro eruo adaequatam rationem; dum enim punctum concursus radiorum, minus oblique conuexum tangentium, opacum adaequatè attingit, radij extrema conuexi tangentes nondum congregati, sed a se adhuc distantes, opacum circa punctum concursus primorum radiorum illuminant, quando verò remouetur opacum ad punctum concursus radiorum extreme conuexum tangentium, remanet idem luminosus circulus, quia tum radii prius concurrentes, iam iterum post concursum dissipati, idem opacum allabuntur, atq ita necessario per theorema nostrum circulus luminosus esse debet.

## THEOREMA X.

*Conuexum diaphanum maioris Sphaera, ampliorem communem basim ponit, quam conuexum minoris Sphaera.*

**F**undamentum huius ex intersectione radiorum magis & minus obliqua desumitur. quamuis enim per pronuntiati 10 l. 1. Euclid. duæ rectæ se intersectantes, non habeant vnum & idem segmentum commune, tamen lineæ se oblique intersectantes, ad sensum se videntur interfecare. Cùm ergo conuexum diaphanum maioris Sphaera ABC. in maiore a se distantia G. communem basim retrudat, conuexum minoris sphaera DBE in minore distantia F, sit vt magis oblique se lineæ in G a conuexo ABC, quam in F a conuexo DBE. secant,



quam obliquam radiorum intersectionem sequitur in maiore ad sensum spatii longitudinis, radios se intersectantes coniunctos esse. Radiorum autem coniunctio communem basim causat, quæ quo ad sensum longior fuerit, longior, quo breuior, breuiorem eandem communem basim efficit.

THEO.




# OPTICA

## THEOREMA XI.

*Obiecta propinqua basim communem à centro retru-  
dunt, remota eandem adducunt.*

**T**heorema hoc eidem cum Theoremate 8. fundamento innititur, videlicet magis & minus obliquæ incidentiæ in superficiem conuexi, obiecti siquidem propinqui magis obliquè, longinqui minus, allabuntur radii superficiem



conuexam. Detur obiectum duplex A B & A C. eiusdem magnitudinis, sed in diuersa distantia, obiectum A B, utpote longius distans, minus obliquè tanget Crystallinum E F. in L & O; obiectum verò minus distans A C, magis obliquè in F & E (Radii A E, B F. ad visionem sunt impertinentes non enim per pupillam P. oculum ingrediuntur) Ergo per theorema 8. obiecta propinqua basim communem à centro conuexi retrudunt, remota eandem aduocant, quod est propositum. Constat amplius ex theor: 35. & 56.

## EXPERIENTIA

**I**n Experientia Theorematis 6. manifestè apparet, à centro eiusdem conuexi inuariabili, bases variè distare ab obiectis variè distitis, nam dum in charta obiectorum distitorum species distincte, tū proximorum confuse repræsentantur, & è contra. Quare ut obiectorum distitorum species viuaciter charta recipiat, ad mouenda est vitro conuexo, remouenda, ut vicinorum veras excipiat imagines.

## THEOREMA XII.

*Obiectum in communi basi radiorum perfectius repræsen-  
tatur quàm extra eandem.*

**Q**vandoquidem basis communis sit pars illa medi, in qua post conuexum diaphanum omnes pyramides totius obiecti in vnam, radiorumque innume-


B 2

ra pe-



## T H E O R E M A T A

ra penè multitudo in vnum punctum concurrant, manifestum est nostrum theorema. Sit obiectum A B, cuius omnia & singula puncta per theor. I. radiant rectis lineis ad singula diaphani conuexi puncta D G C. ita vt bases pyramidum radialium a punctis A & B & aliis omnibus ( quæ tot erunt quot sunt puncta obiecti ) sint in conuexo diaphano vt A D C, B C D. Obiectum item totum A B radiat similiter ad singula puncta eiusdem conuexi diaphani, sed modo punctis diuerso, vertices enim pyramidum totius obiecti sunt in singulis punctis conuexi diaphani, bases verò in ipso obiecto vt A B G, A B D, A B C, pyramides hæ in communi basi inuertuntur, pyramis A B C in pyramidem C E F, & A B D, in D E F, & tandem A B G, in E F G, ita vt bases pyramidum totius obiecti, vertices



verò pyramidum singulorum punctorum constituentur in communi basi. Cum ergo puncti A (idem de omnibus aliis iudicium formetur) radii in toto conuexo sparsi in vno puncto E communis basis congregentur, & totius obiecti pyramides ad omnia & singula puncta conuexi erectæ in communi basi F E vna super aliam ponantur, fit illa admiranda distinctio specierum visibilium: quemadmodum enim lumen, in medio à pluribus productum luminosis fit clarius, ita species debilis, aliis pluribus debilibus seorsim sumptis coniuncta, fit intensior, quæ intensio non contingit ante aut post communem basim, cum hæc radii iam iterum dissipati, ibi autem nondum congregati, sed adhuc aliis permixti referant species obiectorum.

### T H E O R E M A XIII.

*Occultata aliqua particula conuexi diaphani tota pictura in charta representata obscuratur absq; ulla mutatione in figura, aut quantitate specierum.*

EX præcedenti theoremate hoc clarum est. cum enim in communi basi, tot bases pyramidum pictarum sint sibi superpositæ, quot in conuexo diaphano euerſionis seu intersectionis puncta, quarum vna alteram eidem superposita intendit in picturæ viuacitate, ac consequenter sublata aliqua pyramide totius obiecti (quod fit per obumbrationem punctorum conuexi diaphani) tollitur etiam intensio picturæ, & quò plura puncta conuexi tegentur, eò etiam pictura minus decora apparebit; quod in experientia theor. 6. est celebre. Sit obiectum



obiectum A B. conuexum diaphanum D. G. C. excipiens in singulis suis punctis singularum pyramidum totius obiecti vertex. Ocluso ergo puncto conuexi diaphani, tollitur vertex C, atq; adeo & ipsa pyramis A B C. impeditur, quâ impedita tollitur pyramis eius inuersa. C E F quæ cum ad intensionem picturæ in communi basi F E conducebat, minuetur intensio picturæ seu specierum in communi basi, remanente totius obiecti specie, quandoquidem adhuc pyramides D E F & G E F & aliæ penè infinitæ referunt speciem integri obiecti.

*Figura in precedente theoremate sumatur.*

### T H E O R E M A XIV.


*Quodlibet punctum speciei visibilis in opaco, tenebricoso loco receptum, radiat in totum hemisphærium.*

**Q**uod theoremate primo de puncto obiecti radiantis in totum hemisphærium declaratum est, totum huic inferuit, nam & hic vbicunq; & qualitercunq; oculus positus fuerit, omnia & singula specierum puncta conspiciet, quod nequitiam fieret, si non radiaret ad omnem loci positionem.

### T H E O R E M A XV.

*Visio per radium reflexum fit ad angulum reflexionis æqualem semper angulo incidentiæ.*

**D**etur punctum visibile A, speculum B C. reflectens radium A D in puncto D, tunc enim quia punctum A in reflexionis punctum D. incidens, non radiat in totum hemisphærium, sicut punctum cuiuslibet obiecti (etiam specierum in loco tenebricoso visari) radiat, sed tantum ad vnicum locum F: ex nullo etiam loco idem punctum A in superficie speculi B C. in D puncto videbitur, nisi ex loco F, quandoquidem radius D. F reflexus, ad solum locum F tendens, constituit angulum reflexionis F D. C angulo incidentiæ A D B æqualem, vt experientiâ cuilibet speculum intuenti constabit. Visio ergo per radium reflexum &c. quod est propositum.



### T H E O R E M A XVI.

*Mutato loco visus, mutatur species obiecti in speculi superficie.*


**N**otum est ex Theoremate I omne punctum radiare in totum hemisphærium, atq; adeo in totum speculum, ita vt tot recipantur in speculo radii puncti A, quot sunt in speculo puncta. Ex theoremate



## T H E O R E M A T A

mate item 15. constat radium quemlibet ad superficiem speculi non refringi, nisi ad vnicum loci punctum. Radiet itaq; punctū A ad speculum B E radiis A C. & A D & aliis penē infinitis, ex loco F punctū A videbitur in speculi puncto C. & non alibi, ex loco vero G, idem punctum A, iam non in C sed in D & non alibi, in puncto enim C reflectitur puncti A radius ad F, & in puncto D ad G iuxta Theor: 15. vnde ad mutationem loci visus in alia atq; alia speculi parte & punctum A conspicietur, moueri q; ipsum videbitur, quod fuit propositum.

Hinc infero in vno eodemq; loco speculi sit C, varia obiecta cōspici posse simul & semel à variis ex diuersis locis, vnus enim v. g. videbit ex F in puncto C oculum alicuius hominis, alter in eodem puncto, ex G videbit nasum, tertius ex tertio loco aurem, quartus ex quarto loco humerum, & sic de reliquis, ita vt integer homo in vno puncto speculi ex diuersis locis à pluribus conspici possit.



## T H E O R E M A X V I I.

*Quantum à speculi plano obiectum visibile distat tantum in profundo speculi conspicitur.*

Quamuis iuxta rectè Philosophantium sententiam nihil reale ex oculis ad obiectū vsq; in actuali visione exeat, cū visio actio immanens sit, eam tamen ipsam rectis quibusdam lineis, radios visorios denominatiuè tales vocare liceat, nullus fieri dubitabit, qui radij in tantum & protenduntur vltra speculum apparen-ter, quoad vsq; coniungantur cum catheto incidentiæ: id speculum intuentes meridiana luce clarius aduertere possunt, & cū coniungi citius non possint vltra planum reflectens, nisi in tanta distantia, in quanta ipsum obiectum visibile à speculo distat, sequitur necessariò locum visi obiecti, vltra speculum tam profundè videri quàm procul à superficie reflectente plana, res visa distat. Sit planum speculum A C. punctum F radians in punctum speculi B à quo



¶ Vitellio l. 5. theor: 42

¶ Vitellio l. 5. theor: 50.



quo reflectitur per theorema 15. radius obiecti  $FB$  in  $E$ . Protendatur Radius  $B$  in directum vsq; ad cathetum incidentiæ  $FC$   $D$ , quem in  $D$  tangat, tunc  $BD$  æqualis erit ipsi  $FB$ , & recta  $CD$ , æqualis ipsi  $FC$ , per theorema 3. l. 1. Euclid. Addita itaq;  $BD$  æquali ipsi  $BF$ , ad tendentiam visus  $E$   $B$ . erit tota tendentia visus  $E$   $B$   $D$ , ipsi  $E$   $B$   $F$  aggregatæ ex radio incidentiæ & reflexionis æqualis, per pronunciatum 2. l. 1. Euclid. Erit igitur rei visæ  $E$ , locus apparens  $D$ , in tanta profunditate vltra speculum, quantum idem  $F$  distat à superficie speculi reflectente. Quod demonstrandum erat.

### THEOREMA XVIII.

*In speculo conuexo non videtur obiectum in tanta profunditate in quanta longitudine à speculo distat.*

**O** Biecti ante speculum positi apparentem locum vltra speculum, nec esse nec posse esse profundiorē, aut propiorē, quā vbi linea visualis concurret cum linea perpendiculari ab obiecto visibili ad superficiem reflectentem, quæ est cathetus incidentiæ. Sumat quispiam speculum planum, aut diaphanum conuexum, sint ocularia communia, in quorum utroq; obuersus, ad rem videndam, eandem inspiciat, & manifestè intuebitur rem visam in speculo plano profundiorē, quā in conuexo, quod non ob aliam causam contingit, quā quia in illo tardius, in hoc citius cathetus incidentiæ cum linea visuali concurret. Sit Diaphanum Sphæricum  $ABC$ . punctum visibile  $D$  radians in punctum  $B$ , radius  $DB$  reflectitur ex  $B$  in  $F$ ; iam protracta  $FB$ , vltra speculum, concurret cum catheto incidentiæ  $DG$  in  $E$ . Dico punctum  $E$  esse locum visum puncti  $D$ . multo minorem in profundo speculi lineā incidentiæ  $BD$ . atq; adeo punctum  $D$  non videri in tanta profunditate speculi in quanta longitudine distat à speculo  $ABC$  quod probandum erat.

### THEOREMA XIX.

*In speculo plano obiectum tantum apparet quantum ipsum est.*

**D** Vbium cuiuspiam speculum planum intuenti ingessere species reflexæ, quomodo videlicet in palmari aut tripalmari speculo plano, turres altissimæ, ciuitates amplæ, exercitus numerosi, cum vera quam habent quantitate appareant. Dubium resoluo, attem naturæ paucis theoremate apertam facio.


Vitellio 4. 6 theore. 11.

Sit



## THEOREMATA.

Sit obiectum A B, speculum planum C D, erigantur Catheti incidentiæ A D F, B E G, ex obiecti terminis A & B perpendiculariter ad superficiem reflexionis C D, (superficiem autem reflexionis sumendam esse non tantum speculi, sed eandem in amplissimam latitudinem imaginariè protensam) Deinde lineæ re-




flexionis O H & O I protractæ ad Cathetos incidentiæ, cum quibus ubi concurrerint in F & G, erit locus apparens punctorum obiecti A B. Cum igitur Catheti incidentiæ terminorum obiecti A B sint sibi paralleli B C G, & A D F, locus visus G termini B, distabit tantum a loco viso F termini A, quantum distat terminus A a termino B obiecti propositi, ac consequenter, obiectum tantum <sup>b</sup> apparebit in speculo quantum est extra in se, quod demonstrandum erat.

## THEOREMA XX.

*Obiectum in speculo conuexo per radium reflexum minus apparet quam sit in re:*

**P**Ræsupposito ex superioribus, locum visum in visione reflexa ibi esse ubi Cathetus incidentiæ cum radio visuali concurrat; sit obiectum F D, speculum aut aliud conuexum diaphanum A B, termini obiecti D F incidant in superficiem speculi in K & H & reflectantur in C. Ductis itaq; cathetis incidentiæ F E & D E, producantur radii reflexi C H & C K ad Cathetos incidentiæ, quos tangunt in G & I locis visis punctorum D & F. Cum ergo locus visus G a loco viso I minus distet quam terminus F a termino D, obiecti F D, minus



etiam

<sup>b</sup> Vitellio l. 5. theor 52.



## A T O P T I C A

etiam apparebit obiectum *F D.* in speculo quàm sit extra in se, quod fuit propositum. Hinc infero, Sphæricum quò fuerit minoris Sphære portio, minus etiam obiectum in speculo repræsentaturum.

### T H E O R E M A XXI.


*Obiectum rectum in speculo conuexo aut alio diaphano  
conuexo reflexe visum, inflexum apparet.*

**T**heorematis huius & præcedentis facilis est declaratio, quo enim obiectum à superficie reflectente magis distat, proportionatè etiam in conuexis per theor. 13. & absolute in planis per theor. 17. profundius in speculo apparet. Cum ergò Sphæricum diaphanum species reflectens secundum sui partes inæqualiter ab obiecto recto distet (pars enim protuberans obiectum versùs, eisdem vicinior est, alia iam remotiores & remotiores) fit etià vt imago obiecti recti in propinquiore partibus superficièi reflectētis, in propinquiore loco viso appareat, visa verò in remotioribus partibus, in loco remotiore, quam locorum inæqualitatem sequitur necessariò obiecti continui inflexio intra speculum conuexum, quod propositum fuit.

### T H E O R E M A XXII.

*Posito speculo siue plano siue conuexo cui obiectum erectum  
perpendiculariter insistsens inuersum videbitur.*

**H**ucusq; de radiis refractis & reflexis qui superficiem horizonti perpendicularem allabuntur; hoc theoremate paucis de radiis reflexis ad superficiem horizonti parallelam. Intuitus quispiam aquam, in qua turres, arbores, suam staturam, ipsum cælum inuersum miratur, ne posthac miretur, genuinam causam pando. Detur turris erecta *A B* super Aquam *B D*, oculus in *E* consistat, radius ex obiecti summate *A* incidat in superficiem aquæ in punctum *I*, ex *I* reuerberatur in *E*. Radius visualis ex *E* in punctum *I* intendens per theor. 17. protenditur in profundum aquæ, donec concurrat cum Catheto incidentiæ *A B C*, in *C*, vbi locus visus erit summatæ turris *A*. similiter punctorum turris.





## T H E O R E M A T A

K L M incidentium in H G F, locus visus erit N O P. videbitur ergo tunc A B sub aquis inuersa; quod probandum fuit. Hinc infero rem quò altior fuerit à superficie reflectente, eò profundius sub aquis apparere, non quidem directè speciebus in Aquæ superficie receptis respondendo, sed perpendiculariter sub ipsa re super superficiem reflectentem erecta.

## T H E O R E M A XXIII.

*Organum formale potentie visive non est Humor Crystallinus.*

**F**ormale organum potentie visive esse non potest quod diversimodè species recipit, quam a potentia ipsum obiectum videatur, cum tamè necessario requiratur ad formale organum, ut ita recipiat speciem, qualis actus visionis elicitur, ordinatam, si obiectum ordinatè & dilucidè, confusam si perturbatè & obscurè videatur, alias quæ assignabitur causa, cur obiectum semel confusè, alia vico distinctè percipitur. Sed humor Crystallinus diversimodè percipit species quam potentia obiectum videt, dum enim obiectum ordinatè, dilucidè in crystallino recipitur, confusum non sit visio, è contra distinctissima, cum eadem species obiecti confusissimi in crystallinum allabuntur. Declaratur id ad sensum experientiæ theor. 6 & 12. posito enim oculo in loco chartæ dilucidissimè recipientis species, eò quod ibi sit communis basis radiorum, recipientur eadem species in humore Crystallino sicut in charta ordinatissimæ, & tamen obiectum, per conuexum vitrum in foramine positum, non videtur, sed tantum in non confusissimum: posito vero oculo extra basim communem, ubi sicut in charta, ita & in humore Crystallino confuse species recipiuntur, obiectum per dictum vitrum videtur distinctissimè. Crystallinus ergo humor formale organum potentie visive nec est, nec esse potest, quod demonstratum fuit. Et hæc ipsa demonstratio arguit tunicam corneam non esse formale organum visus, nec aranéam prout voluit Agullonius & Nec Pupillam prout plerique volunt, nec ullam Tunicam aut humorem, præter Retinam.

## T H E O R E M A XXIV.

*Tunica Retina est formale Organum potentie visive.*

**R**iectis omnibus partibus oculi à formali Organo visus, superest tunica Retina, quam verum & vnicum & formale organum visus sic demonstro. Organum potentie formale est, quod simul & semel, eodemq; modo speciem obiecti tam impressam quam expressam recipit, hoc enim extreme necessarium est, ut species impressa in eo lem recipiatur cum expressa subiecto, quandoquidem absente specie impressa à formali organo, nullo modo naturaliter visio fieri potest, nam & potentia non moueretur ad sensationem, & actio in distans daretur, cum obiectum nec per se, nec per sui vicarium præsens esset. Et dato non concesso, posse elici visionem licet non recipiatur in formali organo species impressa, alit tunc iam organum formale visionis certum & determinatum assignari non posset. Sed sola Retina speciem impressam simul & semel & eodem modo recipit, quod hac vltiore experientia declaratur. Sumatur globulus vitreus

tantus  
 & l. 1. Cap. 17. & Schonerus in Oculo & Herberus in Decade theorematum theo. 9.




tanta magnitudinis, quantæ est humor Crystallinus vel etiã ex bouis oculo ipse Crystallinus, cui in tanta distantia postponatur Charta in quanta Tunica Retina à Crystallino distat, tum remoueat globulus ille cum charta simul à conuexo diaphano in foramine posito, donec species obiectorum in charta viuide appareant, positosq; oculo in eodem loco ita, vt Crystallinus occupet locum globuli & Retina locum chartæ, res mira, distinctissime videbitur obiectum ex hoc vnico capite, quia viuide recipiuntur species in Retina, sicut receptæ in charta erant. Et è contra remoto globulo cum Charta à conuexo diaphano in tantum vt species chartam confuse allabantur, vel instar meræ lucis, experientia dabit luculentissima, positum in eodem loco oculum nihil visurum præter meram lucem, aut valde confuse prout species in charta receptæ erant; quod inde oritur, quia tunc talis species in Retinam venit, qualis in chartam, ac consequenter & ipsam visionem confusam esse est necesse. Tunica ergo Retina est formale Organum visus, quod fuit propositum.

### THEOREMA XXV.

*Radius formaliter Visorius non est omnimodè indiuisibilis*

**R**adius formaliter visorius est ille sub quo fit visio, quæ cum sit actio immanens radius formaliter visorius in Organo formali potentia visiuæ v. in Retina recipi debet. Data oculi Retina A B C. puncto D radiante, & in puncto B. Retinæ tangente, Oculus punctū B in toto hemisphærio videre deberet nulla

enim causa assignabilis est, cur in D & non in E. aut F, aut alio quocunq; videri debeat, quandoquidem potentia visiuæ non est determinata magis ad D locum quàm ad E, F aut alium quemcunq; ex puncto namq; non minùs ad vnā quàm ad aliam differentiam loci lineæ rectæ protrahi possunt. Quod si radius formaliter visorius diuisibilis statuatur in tota profunditate Retinæ lineam constituens malum proueniens ex opposito adæquatè euitabitur, cum enim linea recta non in quolibet differentia loci in directum extrahi posset, non in quolibet loco etiam obiectum representatum videbitur, sed tantum in eo ad quem radius formaliter visorius extra oculum extractis tenderet, vt theorem. 32. demonstrabitur. Radius ergo. &c. k



### THEOREMA XXVI.

*Experientia theorematiss sexti omnimodè quoad partes specierumq; receptionem oculum exprimit.*

C2

In præ

k Schonerus in oculo.



## T H E O R E M A T A

**I**N prædicta experientia vt species distinctè in charta appareant, occludi fenestra debet aliquo opaco, modico foramine relicto, ne nimium lumen ingrediens totam picturam obscurat. In oculo id officii tunica vnea habet, in cuius medio foramen pupilla dictum pro intromittendis speciebus & modico lumine relicto est. Vitrum conuexum foramini applicatur, vt radii species deferentes in vnam communem basim congregentur per theor. 6. Quod vitrum in hac experientia, humor Crystallinus in oculo præstat, cum enim author naturæ in oculo esse voluit, ne dissipatæ species ad Retinam venirent, sed in vnam basim congregatæ, vt visio distincta & perfecta esse possit. Post vitrum conuexū in experientia, aer per quem species transeunt in vnam basim communem congregantur, efformat humorem vitreum in oculo, quem multo densiorem aëre esse decuit ex eo capite, ne oculus in magnitudinem corpori improporionatam excresceret, quod fieri debuisset si aëri similis fuisset, tunc enim species visibiles in medio raro non tam citò congregarentur in vnam basim communem, quandoquidem inciderent à medio valde denso, videlicet Crystallino, in medium valde rarum, videlicet vitreum, incidentes autem radij à medio denso in rarum refringuntur, quod quò rarius fuerit eò maior est refraçtio à perpendiculari, quò autem maior est refraçtio à perpendiculari, tardior est congressus radiorum, quò tardior congressus, communis basis radiorum vltèrius retruditur, retrusa communi basi, necessariò & Retina vltèrius poni debuisset, posita vltèrius retinà oculus maior efformandus necessarius fuisset, & e conuërto quò densius medium, minor refraçtio, prior congressus specierum in communem basim, tunica magis Crystallino vicina, demū oculus minor. Charta species recipiens vix aspicientem non alloquitur, se tunicam Retinam referre, in qua simili modo species inuersæ recipiuntur. Reliquæ partes oculi non ad visionem, sed ad munimentum & ornatum oculi sunt requisitæ. Huius Theorematis notitia ad sequentia penetranda perquam necessaria est.

### T H E O R E M A XXVII.

*Lumen & color sunt obiectum potentie Visiue.*

**H**Oc adeò clarum est vt illud probare sit plane otiosum, cum nos continua experientia id ipsum edoceat. Lumen quidem videtur per se primò sine auxilio alterius, color verò licet per se primò cum accessione tamen lucis, ita vt color videri non possit, nisi illuminetur.

### T H E O R E M A XXVIII.

*Species Obiectorum visibilium non tantum sunt obiectum potentie visiue vt Quo sed etiam vt quod.*

**P**Aucorum licet, Aguilonii l. 1. Opticorum prop. 42. Schoneri in oculo, Herbelli in decade theorematum Herbipolensium, rectè tamen sentientium sequor sententiam, videlicet species visibiles per se aspectabiles esse. Theorema hoc in abstracto demonstrare nec vtile nec animus est, in assumpta experientia theoremate 6. accuratè enucleabo. In prædicta igitur experientia, dum



dum in charta rerū imagines viuacissimæ ( omnē artē pictorū fugientes ) ad omnem motum obiectorum motæ conspiciuntur, ita vt imaginem hominis ex facie noti minimos gestus facientem, labia mouentem intuearis, viuum profectō affirmares, si dum labia mouet vocem perciperes; quid videtur? Obiectum an species visibiles, an lumen coloribus tinctum? quantum enim nihil datur: de tertio theoremate sequenti, de duobus prioribus hic agetur. Non igitur obiectum extra positum, nam obiectum dupliciter tantum videri potest, vel directē vel reflexe. Refracta enim visio in vtrāq; semper necessariō inuenitur, dum radii per tot media oculi rariora & densiora transeunt, ac propterea distincta à duobus prioribus non est statuenda. Sed in hac experientia obiectum extra positum nec directē nec reflexe videtur: Non directē, nam quod directē videtur & ante oculos esse, & recto situ videri debet; In hac autem experientia, species contemplans, & obiectum retro se habet, & imagines inuerso situ cernit. Non reflexe, nam in visione reflexa, in superficie plana horizonti perpendiculari hæc concurrunt, obiectum videtur situ recto, tantum ad angulos reflexionis æquales angulis incidentiæ ex theoremate decimo quinto, mutato loco visus res visa in superficie locum mutat theor: 16. & tandem in tanta profunditate post speculum apparet, in quanta obiectum visum longitudine à superficie reflectente distat, theor: 17. Horum autem nihil contingit in experientia proposita cum pictura apparente, nam hæc ex omni loci differentia, & inuersa, nec mutat in charta locum ad oculi mutationem, & demum in superficie & non in profunditate chartæ conspicitur. Ergo obiectum non videtur; & cum aliud nil sit quod videri debeat ( vt perfectius ex sequenti theoremate, postquam ab hoc obiecto lumen reiecerō, constabit ) necessariō concedi debet species visibiles videri, quod propositum fuit.

## THEOREMA XXIX.

*Colores secundi non à lumine sed à primis coloribus  
producuntur.*

**A** Guilonius L. 1. Opticorum prop. 42. quamuis colores secundos visibiles esse concedat, negat tamen eos ab villo alio quam à lumine produci, ita vt lumen colores attingens illi stingatur, sicq; tinctum per medium diaphanum transeat. Quod esto de colore corporis diaphani, quod simul & medium est per quod lumen transit, verum sit, vt in radiis solaribus per medium diaphanum coloratum transeuntibus patet, de colore tamen corporis opaci, speciosius quàm veriùs asseritur, color enim corporis opaci ( idem de colore diaphani respectu visus dicendum est ) cum ex omni loci differentia videri possit, in omnem etiam differentiam loci vicariā sui speciem ( cum ipse præsens ubiq; esse non possit ) diffundit, quod lumen attingens colores minimè præstabit: incidens enim radius Luminosus in punctum coloratum, ex puncto incidentiæ non reflectitur nisi ad vnam differentiam loci, vt manifestum est in radiis solaribus incidentibus in aliquod politum planum, ex quo radii reflexi non redeunt, nisi ad angulos reflexionis æquales angulis incidentiæ, prout de radiis species visibiles deferentibus theor: 15. demonstratum est; ac consequenter non possunt deferre colorem nisi eò quò ipsi tendunt. Deinde lumen quò maius est, speciem obiecti venustiorē referre deberet, vt videmus, corpus enim illuminatum à



## T H E O R E M A T A.

sole venustius in charta quam non illuminatum apparet, & quò debilius lumen fuerit minùs venustum; quod tamen contrarium experimur, imagines enim illæ loco tenebricoso venustissimæ conspiciuntur, quamuis modicum lumen illas circumstat, imò variè, quædam magis, quædam minùs venustè prout lumen colores magis vel minùs extra illuminat. Nisi fortè dicas, lumen illud coloratum reflexum in opaco, ad oculum vsq; viuaciter pertingere: ast simul dicere cogeris, lumen illud coloratum in charta directè non videri, sed potius illuminatum obiecti colorem reflecti ad chartam, sicq; eundem reflexum videri, quod theor: 28. reprobatur. Quare verius dixero, colores secundos, qui simul sunt & species intentionales, vt theor: 30. produci à coloribus primis actione intentionali, cùm enim obiecta in omni differentia loci videantur, & non videntur nisi in ratione luminis. & coloris, necessarium est vt colorum species in toto hemisphærio producantur; produci autem non possunt per lumen, vt probatum est, aliussq; modus non supersit, ideo rectè dicitur eos produci à primis coloribus, præterquam quòd species intentionales ab eo cuius sunt species, & non ab alio produci naturale sit.

## T H E O R E M A XXX.

*Colores secundos esse simul species intentionales.*

Cùm colores obiectorum ad hoc vt videantur, coniungi potentia visus necesse sit, coniungi autem sua entitate reali non possunt; quare coniectarium est vt per vicarias sui species coniungantur. Has species Aguilonius L. 1. Opt. prop. 69. ait esse colores per lumen à primis coloribus decriptos. Schonerus verò, eosdem à primis coloribus productos, de quo theoremate præcedenti: & opti ne quidem, quidquid enim speciebus visibilibus adscribitur, id totum colores secundi efficiunt, quandoquidem sublatis omnibus per Dei potentiam, & solo colore obiecti relicto in eo situ in quo fuit, color obiecti repræsentaret æquè obiectum, sicuti antea, ita vt videns deciperetur, putans ibi esse verum obiectum domum v. g. cùm de facto non sit nisi color, sicut de facto decipitur in venerabili sacramento infidelis, non credens sub speciebus panis & vini verum corpus & sanguinem Christi D. Affirmabit quispiam præter illos colores secundos, primos colores producere species intentionales sui vicarias quæ ipsæ visibiles non sunt. Tum quæro, illæ species intentionales vel sunt coloratæ vel non? Si primum? species intentionales vt superfluas concedet, quandoquidem colores illi secundi sufficienter potentia visus obiectum vniunt, eamq; sufficientissimè ad visionem determinant, ita vt positis illis solis in formali Organo visus, nullus omnino excogitari possit defectus propter quem visio fieri non posset. Si secundum; nouum in Philosophiam inuehet, visionem fieri posse non vnito obiecto potentia visus, nec per se nec per sui vicariam speciem; illa enim species non est coloris species, cùm potentiam visiuam ad colorem videndum determinare non possit, non enim est ratio cur per illam non coloratam, album & non potius nigrum videatur, ac proinde est ac si non esset.

## T H E O R E M A XXXI.

*Obiecta*




# O P T I C A

## *Obiecta extra axem Opticum posita videntur per radios decussatos.*

**Q**uandoquidem obiectorum iuxta Theoremā 5 radii ad oculum decussati veniunt, consequens est ut in oppositis oculi partibus recipiantur, ita ut superioris obiecti radii inferiorem oculi partem, & e contra, dextra partis obiecti sinistram oculi partem, & e contra attingant. Verū tamen cum obiecta eo situ quo a parte rei existunt videantur, necessarium est visionem fieri per decussatos radios, ita ut radius visorius ex oculi sinistra parte in dextram partem obiecti, & e superiore in inferiorem, tendat. Quod manifestius declaratur hac

## E X P E R I E N T I A

**S**umat Lamella solida F G H I. in cuius medio foramen parvulum E ac tenui perforetur, tum applicata lamella oculo, per illius foramen inspicatur




obiectū KL, & interea ex quacūq; parte alia lamella D, sensim oculo apponatur, mox occlusa oculi parte A, obiectum K obumbrabitur & e contra, ex eodem modo, quod radius ex oculi parte A in K tendat, & ex C in L. Patet ergo propositum.

## T H E O R E M A XXXII.

*Obiecta extra axem opticum posita non videntur in vero  
sed tantum in viso loco.*

**P**ost multiplicem radiorum obiecti species deferentium in oculo refractionem fieri nequit, ut radii recipiantur in formali Organo visus in linea incidentia, prout reciperentur si aequale in toto oculo medium esset; ex quo nec radius visorius tendere potest hoc modo, ut cadat directe in lineam incidentiā, ac consequenter ut obiectum in vero loco videatur, oculus enim in illo loco videt obiectum, ad quem si radius





## T H E O R E M A T A

formaliter visorius extraheretur, tenderet. Omissis aliis in oculo refractionibus in cornea, Aqueo humore, Aranea, Crystallino humore, rursus in Aranea, tandem in vitreo, vltimam tantum assumo in tunica Retina, refringatur enim radius A D. ad perpendicularem per theor. 3, hic radius vltimò refractus sit B K, qui cum linea sit recta, vtpote in tota Retinæ profunditate receptus, si in directum extraheretur, non ad A locum verum puncti, sed ad F locum visum eiusdem puncti tenderet, ibiq; punctum A videret, quod propositum fuit.

## E X P E R I E N T I A.

**I**D quod insensibiliter fieri ratione demonstraui, nimium sensibilibus experimentum confirmat. Sumantur ocularia conuexa, per quæ obiectum quodpiam inspiciatur, tunc in certa distantia, ocularibus ab oculo & obiecto distitis, multò maius obiectum apparebit, ita vt duplo, triplo, aut quadruplo maiore locum occupare videatur, quam de facto occupat. Si ergò corpus palmare per ocularia tripalmare conspicitur, duo palmi collaterales visus locus corporis illius erunt, cum de facto ibi non sit sed tantum esse videtur. Et è conuerso per ocularia caua, corpus tripalmare in loco palmari conspectum, palmaris locus, in quo conspicitur visus & apparens est, cum verus de facto in quo non videtur, tripalmaris sit. Quod ergò hoc experimento propter nimiam radiorum refractionem per vitrum nimis sensibilibus fieri apparet, sine vitro insensibiliter fieri, ratio conuincit.

## T H E O R E M A XXXIII.

*Obiecta oculo propinqua multò maiora apparent quàm sint in re ipsa.*

**Q**uotidianâ experientiâ, vt alia multa omittam, edocemur, foramen acutum in aliqua chartula, prope oculum positum, in circulum cuius diametrum vnus digiti esse videatur, excrecere. Demonstratio huius pendet à Theor. 11. cum enim obiecta propinqua basim communem radiorum remotius ab humore Crystallino retrudant, fit vt basi communi, quæ fuit in Retina, existente in proportionata distantia obiecto, retrusa vltra Retinam radii nondum congregati sed adhuc dissipati Retinam allabantur, cuius cum maiorem occupent partem, maiores Angulos visorios faciunt, ac proinde maius obiectum videtur, quod propositum fuit. Minus tamen tunc obiectum distinctè apparet ob dictam radiorum in Retina dissipationem & cum aliis permixtionem.

## T H E O R E M A XXXIV.

*Obiecta diffita minora apparent quàm sint in re ipsa.*

**O**ppositum theorema hoc præcedenti, opposito nititur fundamento, cum enim vt ex theorema. 11. constat, obiecta remota basim communem breuiorem causent, angulumq; formaliter visorium minorem faciant, fit vt eandem à Retina Crystallinum versus extractam in vitreo ponant, sicq; propter angulos visorios paruos, paruum, propter dissipatè in Retina receptos, indistinctum apparet.


T H E O.



T H E O R E M A XXXV.

*Angulo Visorio formali maiore constituto maius, minore,  
minus obiectum conspicitur.*


Quandoquidem angulus formaliter visorius, constituitur ex radiis formaliter visoriis, hi vero ibi obiectum visibile ponunt per theor: 32. quorum ipsi in recta linea ex oculo extracti tenderent, sequitur, ut quò magis hi dilatentur maior angulus denominatiue visorius constituatur. In maioribus autem angulis denominatiue visoriis maius obiectum, in minoribus minus conspicitur. Detur obiectum A B & D C, illud maius hoc minus videbitur, ex eo, quia angulum formaliter visorium G H maiorem habet, obiectum verò C D angulum visorium E F minorem, ac consequenter & angulum denominatiue visorium illud maiorem A B I habebit, hoc minorem C D I, intra quem obiectum totum videtur, extra eum nihil penitus.



T H E O R E M A XXXVI.

*Sidera circa Horizontem existentia longius à nobis distant  
quàm dum sunt circa Meridianum.*

Cum in centro vniuersi à quo lineæ ductæ, ad Concavum cælorum sunt æquales, terræ moles consistat, prout in sphaera elementari patebit, lineæ ductæ à centro vniuersi & à superficie terræ æquales esse non possunt, (quod cuius primo constabit intuitu) sed hæ illis integra semidiametro terræ sunt breviores; clarum est, etiam sidera eadem semidiametro viciniore esse superficie terræ, quàm sunt centro vniuersi. Existentibus ergo sideribus circa horizontem, inter oculum nostrum & sidera mediat semidiameter terræ, quæ non mediat existentibus circa Meridianum, ac proinde hic propiores ibi remotiores oculo erunt. Sit enim cælum C B D, Horizon C D, locus oculi A, centrum terræ E, existente itaq; sidere in D, mediabit inter A & D semidiameter terræ E F. quæ non mediat inter A & B. Erit & igitur sidus existens in D, remotius ab oculo A, quàm existens in B, quod demonstrandum fuit.



D

THEO-

a Vitellio lib: 4. theor: 20. Aguilonius lib. 4. prop. 10.

& Aguilon. lib: 4 opt: prop: 4.



## T H E O R E M A T A

### T H E O R E M A X L I .

*Qui breuem visum habent illis est Crystallinus rotundior.*

**O**ppositum hoc theorema præcedenti, opposita etiam ratione est declarandum. Constant hæc duo ex præcedentibus; ex theor: quidem 8. conuexum minoris Sphæræ portionem habens, non procul a se communem basim ponere. Ex theor: verò 11. obiecta propinqua basim communem a conuexo retrudere. Ergo qui humorem Crystallinum rotundio- rem habent, communem basim ponunt in vitreo, quam vt ad Retinam retrudant, obiectum oculis admovent. Ex quo patet propositum.

### T H E O R E M A X L I I .

*Qui ocularibus concavis vtuntur Crystallinum rotundio- rem habent.*

**T**heorema hoc cum præcedente maximam habet affinitatem, cum enim ocularia caua per theor: 39. basim communem prolongent, euident est, e- is qui cauis vtuntur ocularibus, obiecta in proportionata distantia posita, po- nere basim communem in vitreo humore, quam vt ad Retinam retrudant, ca- uis vtuntur; aut obiectum propius oculis admovent. Rotundio- rem igitur Crystallinum habent qui cauis ocularibus vtuntur, quod propositum fuit.

### T H E O R E M A X L I I I .

*Qui conuexis ocularibus vtuntur Crystallinum latiore habent.*

**D**iaphanum conuexum maioris Sphæræ portionem habens longiorem po- nere basim, atq; adeo eandem ultra Retinam protrudere constat ex theo: 8. vnde radii obiecti species deferentes nondum congregatis sed adhuc aliis permixti retinâ allabuntur, ex quo indistincta procedit visio. Vt autem basis co- muni radiorum ad Retinam reuocetur, opus est conuexis ocularibus. Con- uexum enim additum Crystallino humori conuexo, per theor: 38. basim com- muni abbreviat, atq; ita eandem ultra Retinam virtualiter protensam ad Re- tinam reuocat. Patet ergo propositum.

### T H E O R E M A X L I V .

*Qui vtuntur ocularibus conuexis distita communiter bene dignoscunt.*

**D**uplex medium est abbreviandi basim communem ultra Retinam virtua- liter protensam, vel conuexum diaphanum addendo per theor: 38. vel obiectum ab oculo remouendo, per theorema 11. obiecta enim distita, com- munem



## O P T I C A

munem basim breuem faciunt. Itaq; cū ij qui conuexis vtuntur per theor:  
43. CrySTALLINUM planiorem habeant, ab obiectis in proportionata distantia po-  
sitis communem basim vltra Retinam recipiunt, sequitur, vt eandem commu-  
nem basim in Retina ab obiectis distitis suscipiant, quam habentes humorem  
CrySTALLINUM profundiorē in vitreo finiunt, esto enim quod obiecta distita ba-  
sim abbrevient, ac eandem ante Retinam ponant, hunc tamen defectum sup-  
plet planior superficies CrySTALLINI, basim communem ad Retinam protruden-  
do. Habita ergo basi communi radiorū in Retina, optima elicitur visio: ex quo  
patet propositum.

### T H E O R E M A XLV.

*Non omnes omnibus ocularibus uti possunt.*

**Q**uemadmodum non omnium eadem est complexio, ita nec omnium ea-  
dem forma & figura CrySTALLINI esse potest, figura enim CrySTALLINI sequitur  
complexionem, quandoquidem calor naturalis potens conseruat in rotundi-  
tate CrySTALLINUM, quo cum ætate deficiente, sensim deficit rotunditas. Quare  
iuxta planum aut rotundum CrySTALLINUM, magis vel minùs conuexa aut con-  
caua sunt eligenda; quò enim magis planus CrySTALLINUS fuerit, vltèrius basim  
communem retrudit, & ideo magis conuexa ocularia adhibenda, vt potentiùs  
basim ad Retinā retrahant; & quò CrySTALLINUS minùs planus fuerit, conuexa  
maioris Sphæræ portionem habentia: Vice versa, quò magis CrySTALLINUS fu-  
erit rotundus, profundius concauum, quò minùs rotundus, minus profundum  
requiritur. Cū ergo non omnibus eadem sit figura CrySTALLINI, non omnes  
quibusuis ocularibus uti possunt: quod propositum fuit.

### T H E O R E M A XLVI.

*Iuuenes communiter obiecta tam propè posita quàm distita  
optimè percipiunt.*

**C**ū iuuenum oculi toti sint molles, tractabiles, spiritibus vitalibus & ani-  
massicis abundantes, in omnem partem, antrorsum & retrorsum facillimè  
torqueri possunt, nam quando obiecta longinqua sunt videnda, comprimèn-  
do oculum, humorem CrySTALLINUM ad Retinam retrudunt, vt minùs a Retina  
CrySTALLINUS distet, basisq; communis quæ in vitreo finiebatur, in Retina ponat-  
ur; ad obiecta verò propinqua distinctiùs percipiendā (quæ basim commu-  
nem vltra Retinam retrudunt) exerendo oculum, CrySTALLINUM a Retina retru-  
dunt, vt communem basim ad Retinam attrahant, ex quo fit vt tam longinqua  
quàm proxima optimè dignoscant: quod demonstrandum erat.

### T H E O R E M A XLVII.

*Stellæ firmamenti per tubum opticum minores, planetæ  
maiores apparent.*

**O**B magnam ab oculo nostro distantiam stellæ firmamenti, communem ba-  
sim ra-



## T H E O R E M A T A

firm radiorum ante Retinam ponunt, vt constat ex theoremate 37. Planetæ verò, cum sint stellis firmamenti viciniore, aut in Retina aut propè ipsam; vnde stellæ firmamenti magnitudinem visam, planetæ veram, aut propè veram habent. Tubus opticus non magnitudinem visam sed veram auget, nam cum propter concauum vitrum, quod in vsu tubi Optici oculo vicinum est, per theorema 39 basis communis ad Retinam retrudatur, qua in Retina aut propè Retinam posita, obiectum acquirit veram, aut propè veram magnitudinem, vnde & minus apparet, quod cum stellis firmamenti contingit. Planetæ, quia in Retina aut propè eam basim communem ponunt, accedente Optico tubo, eadem basis vitra Retinam retruditur, vnde radii formale organum visus nondum congregati allabuntur, ac consequenter Planetæ maiores, minusq; distincti pleriq; conspiciuntur. Per tubum ergo Opticum stellæ firmamenti minores, Planetæ maiores apparent; quod fuit probandum.

## T H E O R E M A XLVIII.

*Scintillationis stellarum vera causa in oculo est.*

**O**ptimè Aguilonius, a qui formale Organum potentia visus Araneam esse opinatur, causam micationis stellarum admiratus, illam soli, qui cælestes naturas condidit Deo, notam esse ait. Verum cui primùm Diuina sapientia illuxit, vt Retinam formale Organum visus assereret, eidem simul & causam scintillationis aperuit. Quandoquidem enim stellæ firmamenti, communem radiorum basim in vitreo ponunt, radii dissipati & variè permixti Retinam allabuntur, qui cum efficacissimas species luminosas secum deferant, potentiam in varias partes distrahunt, quam distractionem dicta scintillatio sequitur: vnde stella quò est lucidior magis micat, quia species luminosæ efficaciores, vehementius potentiam mouent. Planetæ verò cum communem basim in Retina aut propè Retinam ponant, in formali Organo dictam specierum permixtionem non patiuntur, & ideo nec micant. Quod verò Aguilonius dicat, causam hanc assignari posse, videlicet corpora rotunda stellarum non pari nitore vndiq; perfusa esse, voluiq; in propriis cavitatibus raptu celerrimo, vnde dum lucidæ partes obscurioribus succedunt, dictam scintillationem causant, non persuadet; nam præterquàm, quod singulis sideribus intelligentiæ motrices assignari deberent, & motus cælestes sine vlla necessitate multiplicarentur, dicta scintillatio per tubum Opticum vehementior appareret, quandoquidem obiectum melius per tubum percipitur, cui tamen contrarium experimur.

## T H E O R E M A XLIX.

*Stelle quamuis interdum sint lucidiores quàm noctu, non tamen comparent.*

**L**umen minus à maiore obscurari, accensa fax lucente sole; b corpus opacum magis à corpore luminoso dissitum, minus, eidem propinquum, magis illuminari, eadem fax nocturno tempore accensa nos edocet. Itaq; cum stellæ quæ in nostro hemisphærio simul cum sole commorantur, soli sint viciniore, magis

a L. 5. Opt. prop. 81.

b Vitellio l. 2 Theor. 22.



magis ab eodem illuminabuntur, minus illæ quæ nocturno tempore ( utpote integra diametro cæli Solis, à sole magis distitæ ) nobis apparent: interdiu tamen magis lucidæ non videntur ( nisi aliquando Venus aut Iupiter ob magnum lumen reflexum videri possunt ) ob maius lumen solis oculum nostrum circumstans quod, species astrorum luminosas, in cauitate oculi obfuscant. Manifestè nimis, id tempus Eclipticum Solis & Lunæ declarat, obscurato enim integro sole, dum lumen eius ad oculum nostrum non pertingit, stellæ quandoq; apparent, & obscurata integra luna, stellæ quæ ante Eclipsim propter nimium lumen lunæ vix videbantur, multò clariùs percipiuntur. Amplius idipsum conuincit hæc.

E X P E R I E N T I A.

**I**ngressus quispiam locum profundum & tenebricosum medio die, summa serenitate, ita ut nihil penitus luminis eius oculum circumstet, experientia dabit, eum multò lucidiores stellæ visurum super loco sui visus existentes, quàm si eas nocte serena absente luna contempleretur.

T H E O R E M A L.


*Nocturno tempore diurno latitant ob nimium Solis lumen.*

**Q**vandoquidem lumen nimium species obiectorum extra oculos existentes obscurat, ut per theor: 6. experientiâ patet; si enim foramen magnum in dicta experientia relinquatur, in charta præter lumen nihil penitus conspicietur, obscurabit etiam species in omnium animalium oculis, & præcipuè nocturnæ ( similiter de vespertilionibus sentio ) hæc enim cum lumen innatum oculo copiosum habeat, accedente simul externo lumine copioso, intendi lumen in oculo est necesse, quo posito species in formali organo visus obfuscantur, unde aut debilem, aut nullam penitus visionem elicere possit. Tempore verò nocturno dum lumen circumstans modicum, copioso oculi lumini iungitur, sufficiens lumen aggregatur ad species illuminandas, atq; adeo optimam visionem eliciendam.

T H E O R E M A L I.

*Ad diuisionem specierum in Organo formali vnum obiectum multiplex videtur.*

**S**umat lamella A B C in eaq; fiant foramina, iuxta placitum tria vel plura D F E intervallo minore quàm est pupilla; aspiciatur deinde per foramina vicinissimè oculo applicata, obiectum aliquod, sit foramen exiguum in alia lamina, tribus circiter digitis à priore distante, videbitur foramen illud vnicum, triplicatum, ex eo solummodo, quia vnus obiecti conus species visibiles deferentes, discreti per foramina in Retinam cadunt basibus discretis, & non vna communi. Quod si vitrum conuexum sumatur quantacuncq; magnitudinis, illud aliquo opaco, in quo plurima foramina exigua sunt tegatur, per quod tot v. g. faces videbuntur,





## T H E O R E M A T A

buntur, quot foramina opacum continebit. Hinc etiam ratio patet, quare per ocularia multangula res vna multa apparet, anguli enim varii in diaphano solido, faciunt discriminationem specierum in Retina, quam multiplex visio sequitur.

### T H E O R E M A LII.


*Ebrijs geminantur obiecta in latum non in altum.*

**Q**uod in præcedente theoremate foramina, hoc in ebrijs spiritus vitales & animalici efficiunt, hi enim per nimium potum aucti distendunt & perturbant tam tunicas, quam humores, præcipue Crystallinum globosorem reddunt, inde etiam propter dictos nimios spiritus ebriorum rubescunt & inflammantur oculi, & obiecta in aliqua longiore distantia posita, quæ aliàs sobrii optime percipiunt, non dignoscunt, propter rotunditatem humoris Crystallini. Distensionem autem tunicarum & præcipue Retinæ sequitur distensio, & discriminatio basis communis specierum, hanc autem varia visio vnius obiecti: verum quia ebrii communiter oculos comprimunt, ac consequenter eisdem parte superiore & inferi re palpebris claudunt, capacitas verò totius pupillæ secundum vtrumque oculi angulum semper patet, sit vt species nec partem superiorem nec inferiorem Retinæ attingere possint, sed tantum collaterales partes, ac consequenter tantum collateraliter obiectum geminatum vident, quod propositum fuit.

### T H E O R E M A LIII.

*Axes Optici ad vnum idemque punctum semper tendunt.*

**Q**uamuis pro arbitrio oculos mouere, aut continere possimus, tamen necessitate quadam in eandem simul partem moueri compelluntur, vnum enim sursum alium deorsum, vnum dextrorsum alterum sinistrorsum pro arbitrio distrahere non possumus, authore naturæ id sapientissime disponente, intuitus perfecti causa, vt amborum luminum axes firmissimo societatis vinculo colligentur, alique radii collaterales ad vnum idemque punctum tendant, quod in hunc modum ostendi potest.



Sint duo oculi A & B obiectum visibile ED, iam si vnius axis Opticus AC. in C tendat, etiam BC axis alterius luminis per sympathiam naturalem in idem punctum C tendet; radii item AE & BE in E, & AD, & BD in D. a duobus oculis in vno eodemque puncto terminabuntur. Declarat id ipsum luculenta hæc.

## E X P E R I E N T I A

p Vitellio l. 3. theor. 32. Aguilon: l. 2. Opticorum prop 12. Schonerus in oculo.

Aspicia-




**A**spiciatur quodpiam obiectum & interim vnus oculus manu in partem aliam intorqueatur, manifestè obiectū illud simplex videbitur duplicatum, ex eo quia per intorsionē vnus oculi, axis Opticus à sua naturali tendentia est impeditus, & in alium locum directus, in quo per theor 32 obiectū videt, cū idem obiectum simul & semel, in alio loco vero, ab alio oculo, ad quē connaturali tendentia axis Opticus tendit, conspiciatur. Quare hæc visio est valde imperfecta, nam nec in viso, nec in proprio loco ita distinctè videtur obiectum, prout videtur vtroq; axe Optico in idem punctum concurrente.

### T H E O R E M A L I V.

*Obiectum per vitrum conuexum in certa distantia visum  
inuersum conspicitur.*

**C**onvexum vitrum additū oculo extrahit communem basim à Retina magis vel minus, prout magis vel minus conuexum ab oculo distat, cū enim prope oculum est, vix variat magnitudinem rei visæ, quia vix aliquantum à Retina communem basim remouet, quandoquidem radii in conuexo refracti, post illud immediatè oblique, licet minus quam si vitrum conuexum non esset, allabuntur CrySTALLINUM, quem obliquum radiorum allapsum sequitur per the-



or: 8. longior communis basis: remoto autem vitro conuexo ab oculo obiectum vertus, radij ad communem basim vitri conuexi tendentes sunt magis v. niti, minùsq; oblique CrySTALLINUM allabuntur; vnde etiam vehementius refringuntur, basimq; communem propius CrySTALLINO ponunt, ac consequenter maior multò, licet minus distinctum obiectum apparet. Remoueat amplius conuexum ab oculo, adeò vt radii in ipsas perpendiculares refringantur, quia tunc in vno puncto totius obiecti basis communis ponitur, radiiq; totius obiecti species deferentes sunt confusissimi (idem accidit dum basis communis radiorū in CrySTALLINO ponitur) præter meram lucem nihil penitus videbitur. Remoto tandem conuexo B C. in tantum, vt basis communis radiorum ante oculum F G H in D ponatur, post quam rursus radii dissipantur, sicq; dissipati CrySTALLINUM F G attingunt, post hunc per multas fractiones in communem basim in Retina aut prope eam concurrunt in H. Iam ergò cū radii puncti E plurimis fractionibus superatis, in eadem parte oculi F in formali organo in H recipiantur, in

E

qua parte



## T H E O R E M A T A

qua parte punctum E existit, per theorema 32. obiectum E videbitur in A, & vice versa obiectum A in loco E, atq; adeo totum obiectum A E situ inuerso videbitur quod demonstrandum erat.

### T H E O R E M A L V.


*Cum inter oculum & rem visibilem non intercedit ullum spectabile Corpus, visus in distantia maximè hallucinatur.*

**M**anifestissima huius exempla singulis penè diebus intuemur, Cælum enim circa horizontè terræ contiguum ( quamuis ab ea plurimum distet ) esse videtur, turres altæ & dissitæ quarum tantum cacumina, aut integræ quidem videntur, sed in recta visus linea intercipiuntur, simul esse conspiciuntur. Quod non ob aliam, quàm hanc genuinam causam euenit, quia cum sensus noster longiores distantias, quas per axem Opticum non potest, per interiecta corpora aspectabilia, soleat explorare, falli eum necessario, si huiusmodi corpora aspectabilia desint, quod accidit in adductis exemplis, præter ærem enim nullum corpus aspectabile, inter visum & rem visibilem interuenit. Hoc ipsum per tubum Opticum aspicienti apertum est.

### T H E O R E M A L VI.

*Duæ lineæ parallelæ secundum remotiores partes minus à se distantes videntur, nunquam tamen concurrentes videbuntur.*

**O**biūm est hoc theorema inter longiores parallelas sepium aut parietum existentibus, & quibus sepes concurrere, tabulatum, quod in se quidem æquale est, magis tamen ac magis strictum, trabesq; breuiiores, ab oculo dissitæ



fuerint apparent. Huius demonstratio pendet ex theor: 33. 34. & 35. Detur tabulatum inter duos parallelos B G. & N H. Dico oculus in A constitutus trabem

B N ma-

& Vitellio l. 4. theor. 21. Aguilonio l. 4. Opticorum prop. 45.



## O P T I C A

B N maiorem videbit, trabem C M minorem, hac rursus trabem D L minorem, & sic consequenter, trabem quæ quo ab oculo remotior fuerit minorem spectabit; cùm enim trabs B N oculo vicina sub maiore angulo A B N videatur, quàm trabs C M sub angulo A C M, trabs B N maior videbitur trabe C M. Item trabs C M sub angulo A C M maiore omnibus angulis trabium sequentium A D L, A E K, A F I, A G H, etiam omnes insequentes trabes, ab oculo remotiores minores trabe C M. videbuntur. Nunquam tamen parietes B G & N H concurrentes apparebunt, quia semper quantumvis ab oculo distabunt, sub aliquo angulo licet exiguo videbuntur. Quod demonstrandum erat.

### T H E O R E M A L V I I.

*Lumen solare in subiecta materia ignem producere potest.*

**L**umen solis quo maius fuerit magis calefacere sensus ipse testatur, quod ut ignem producat, vel per radios perpendiculares, vel per radios in vnum locum artificiosè congregatos, in subiectam aptamq; materiam incidere est necesse; radius enim perpendicularis in se rediens, & radii plurimi in vnum congregati lumen intendunt, quo magis ac magis intenso, sufficiens & efficax redditur producendi vltimam dispositionem *b* ad formam ignis. Porro radii solares ad producendum ignem congregantur, vel per medium diaphanum conuexum, cuiusmodi est CrySTALLUS, vitrum, glacies, aqua vitro rotundo inclusa, sal glacialis pellucidus quo Polonia abundat, Succinum pellucidum, & alia huiusmodi, ad quæ radii solares refracti in vnam communem basim congregantur per theor. 6: vel per speculum conuexum benè politum ex vitro aut chalybe præparatum, à quo radii reflexi in vnam similiter communem basim coguntur. Verum cùm in horum experimento sit maxima latitudo, eam ne longior sim, ad talia curiosis relinquo, inuenient *l* conuexum maioris sphaeræ portionem habens in maiore distantia vrere quàm conuexum minoris sphaeræ, è contra *n* conuexum minoris sphaeræ portionem habens potentius vrere, quàm maioris sphaeræ, item per *m* diaphanum densius citius ignem produci, quàm per minus densum & his similia.

### C O N S E C T A R I A.

**P**isces in aquis maiores quàm extra aquas apparent, ob conuexitatem aquæ, quæ centrum mundi suæ periphariæ centrum habet. Obiecta dissita per tubum opticum propinqua esse videntur, noctu *p* ite ignis dissitus propinquior multò conspicitur, illic enim propter angustiam tubi, hic propter medium tenebricosum, distantia inter visum & rem visam non dignoscitur. Baculus in aqua fractus apparet, quia pars sub aquis non videtur in vero sed tantum in apparente loco, eoq; multum à vero dissito, propter magnam radiorum refractione à perpendiculari in superficie aquæ, pars autè extra aquam in loco proximè vero, ex quo necessario sequitur fractio dicta. Per paruulum foramen oculo vicinum res etiam maximæ conspiciuntur, quia cùm radii in pupilla decussantur, totius obiecti radii species deferentes circa punctum decussationis sunt vniti,

E 2

vnde

*b* Vitellio lib. 10 theor. 57.    *l* Per theor. 10.    *n* Per theor. 3.    *m* Vitellio lib. 10. theor. 3.    *p* Vitellio lib. 5. theor. 20.



## T H E O R. O P T.

vnde etiam collatérales foramen illud paruulum ingrediuntur, ac proinde etiam obiecta multa aut maxima videri possunt. <sup>up m</sup> Per vitrum planum nec radii solares ignem producere, nec species visibiles distinctè sub aspectum deduci possunt, ex eo quod radii refracti ad perpendicularem in vnam communem basim, nisi in loco valde remoto idq; imperfectè, & sparsim coguntur, ut patet, ex vitro sphaeræ maioris portionem habentis, & quò maior sphaeræ portio fuerit minùs radii congregantur.

Sub vesperum legentes oculos dilatamus, ut modici luminis oculum circumstantis plus per pupillam dilatatam, ad species sufficienter in profundo oculi illuminandas introeat. E contra verò in lumine positi constringimus oculum ne nimium lumen, species in oculi profundo obscurat.

Inter legendum huc illuc oculos mouemus, ut axis opticus in què irrefractæ species incidunt, incidat super rem quam distinctius percipere cupimus. Sub crepusculum quæ propinqua sunt, remota esse videntur, turres item in nebula longius distare putantur, ex eo quod res in tenebris incertâ & obscuram imaginem oculis ingerunt, quod cum idem accidat cum illis quæ à longè ponuntur, fallitur visus, ac consequenter ea dissita putantur quæ propè sunt.

Motus dissiti etiam velocissimi, tardissimi aut penitus non dignoscuntur; propinqui verò etiâ tardi veloces apparent; sic vnus lapidis descensum multò velociorè, quàm solis motû conspicimus, esto illius ad motû solis rapacissimum nulla penitus detur comparatio. Huius ratio est, quia cum radij in conum exeant, cuius vertex in oculo est, qui quò magis ab oculo remouentur magis dilatantur, magisq; à se distant, fit ut ille motus nobis velocior appareat, qui spatium inter radios visorios conum constituentes citius permeat; & cum propè oculum distantia radiorum visorios denominatiuè talium sit perexigua, in cælo verò maxima, facilius hanc lapidis paruus motus, quàm illam solis rapacissimus pertransit, ac consequenter lapidis velocior, solis tardior motus apparèt. Quod si sol spatium immensum tanto tempore conficeret quanto suum perexiguum lapis conficit, vtriusq; motum æqualem conspiceremus.

Species visibiles quò magis à suis obiectis (quorum sunt species) recedunt, eo magis debilitantur, debilitatæ verò minus aptæ redduntur ad visionem distinctam eliciendam. Hinc nonnullorum pictorum contra manifestam Opticæ veritatem delinquentium arguo ineptiam, multi enim dum dissita penes propinqua effingere laborant, licet in quâtitate rei depingendæ non aberrant, in altero tamen mirè hallucinantur: nam ita dissita quoad claritatem efformant, ut ab illis quæ à propè existentia depingunt nihilo discrepent, ita videlicet, dum homines vel arbores in remota exprimere conantur distantia, pinum à quercu ex fronde optimè dignosces, iuuenis sit an senex probè percipies. Exculationi pictoriæ nullum perspicax Optica concedit locum; si enim æqualem vtriusq; obiecti distantiam prætenderit, quantitas reclamabit, si in-

æqualem quidem, clariorem tamen obiecti in aspectum deductionem opposuerit, obscuritas obiecti dissiti se illuminatam  
gaudebit, & claritas propinqui se obscuratam queretur. Id ipsum iudicio prudentum relatum est.



GEO.




# GEOMETRIA PRACTICA

*V*xta triplicem Quantitatis extensionem in tres quasi species tota Geometria practica diuiditur, illa quæ solum longitudinem considerat, Longimetria, quæ verò longitudinem & latitudinem, Planimetria, & demum quæ longitudinem, latitudinem, & profunditatem, Solidimetria seu profundimetria appellatur. Trium harum dimensionum vt eo facilius illustriorq; praxis sequentibus problematibus enucleanda, euadat, fundamentum totius Geodæsiæ cum descriptione quorundam instrumentorum præpono.

## FVNDAMENTVM GEODÆSIÆ.

**V**niuersum totius Geodæsiæ fundamentum & negotium in duorum triangulorum similitudine positum, quorum vnum ex nota magnitudine & duobus radiis opticis, alterum ex magnitudine ignota, radiisq; opticis ad eam velut quandā basim protensis, consurgit, adeo vt quæcunq; instrumenta negotio Geodætico inseruiencia reperta sint, ea proportioni duorum triangulorum tanquam suo vnico & præcipuo fundamento inniri sit necesse. Cùm ergo duo radii visorii per extremitates duarum parallelarum (vnus notæ alterius ignotæ quantitatis) incidentes sint proportionales, vt optimè a Aguilonijs demonstrat, facillimum erit ei qui aliquantulum in aurea regula est exercitatus, ex datis tribus numeris, quartum quem quærit proportionalem inuenire. Detur iam magnitudo  $AB$ , ad cuius extremitates terminentur radii visorii  $EA$  &  $EB$ , erigatur deinde  $DC$  perpendicularis ipsi  $EB$ , parallela verò ipsi  $AB$ , cuius extremitates similiter radii prædicti visorii tangant: Dico sicut se habet  $ED$  ad  $DB$ , ita se habebit  $DC$  ad  $AB$ . Ecce alternatim <sup>b</sup> vt  $ED$  ad  $DC$  ita  $EB$  ad  $AB$ ; cùm enim  $DC$  &  $AB$  sint parallelæ, erit angulus  $EDC$  æqualis angulo  $EBA$ , vterq; videlicet rectus, & angulus  $EDC$  æqualis angulo  $EAB$ . Angulus verò  $E$  vtriusq; angulo communis. Quare per 4. sexti Euclidis erunt proportionales rectæ, tum quæ sunt circa æquales angulos, tum quæ æqualibus angulis subtenduntur, quod demonstrandum erat.



## DESCRIPTIO QVADRATI GEOMETRICI.

**E**x aliqua solida materia compactis quatuor regulis æqualibus  $ABCD$ , sic quinta volubilis in qua pinacidia directissimè centro quadrati respondentia præparentur, in duabus  $CD$  &  $AD$  ducantur rectæ orthogonales; quæ quanquam a variis variè diuidantur, optima tamen & sufficientissima diuisio <sup>d</sup> cuiuslibet lateris in 10. partes æquales, in quibus facillimè & adæquatissimè partes cente-

E 3


<sup>a</sup> L. 4 Opt. prop. 24. <sup>b</sup> Eucl. 5. prop. 15. <sup>c</sup> Per 29 l. 1. Eucl. <sup>d</sup> Clau. l. 3 Geom. pract.



## P R O B L E M A T A

tesimæ aut millesimæ ( quod summè necessarium est ad perfectam dimensionem ) sumuntur, non secus quàm si re ipsa in 100. aut 1000. partes tota scala diuisa esset hoc modo.

Scindat linea directionis in vsu geodætico scalam integram K D in G, manebitq; abscissa pars scalæ K G. in qua cum duæ partes integræ ex 10. partibus in quas scala diuisa est, contineantur, notentur separatim 2. & particula vltra duas integras partes F G diligentissimè circino sumpta, à principio scalæ seu puncto K decies in scala repetatur vsq; ad O. & quia in K O continentur 5. integræ partes totius scalæ, continebit particula F G. 5. particulas vnus partis scalæ, si hæc in alias 10. particulas subdiuisa supponatur, positoq; 5. iuxta 2. fa-



cient 25. tot enim partes scalæ in particula K G, si tota scala in 100. partes diuidatur, continebuntur. Rursus cum adhuc post integras 5 partes facta denaria repetitione restet particula M O, hæc vt prius circino sumpta, in scala à puncto K vsq; ad P decupletur, & quia in K P 8 integræ partes totius scalæ in 10 partes diuisæ continentur, signum est super 25 partes totius scalæ, si hæc in 100 diuisa supponatur, restare 3 particulas vnus partis ex 100. si quælibet illarum in denas partes sit diuisa, ita vt totius scalæ sint partes 1000. Addita ergo 3. ad 25. continebit particula abscissa K G. partes 253 totius scalæ in 1000 partes diuisæ.

### *Demonstratio precedentis doctrinæ.*

**Q**uam proportionem habet tota scala 10 partium ad vnâ sui partem, eandem proportionem habet recta K O ad particulam F G, cum vtrobiq; sit eadē proportio: permutando, vt tota scala 10. partium ad rectam K O ita vnâ pars scalæ ad particulâ F G, quam enim proportionē habet totum æqualium partium



# GEOMETRICA

partium ad aliud totum, eandem habebit pars ad partem. Quare sicut KO ad totā scalam KD habet se vt 5. ad 10. ita FG ad vnam partem vt 5. ad 10. ac consequenter FG ad KD vt 5. ad 100. quod demonstrandum erat. Eadem demonstratio procedit in vltioribus millenariis particulis.

Porrò in Quadrato stabili (quo tantum in nostris problematibus, vtpote perfectiore vtemur) vmbra recta quæ in omni dimensione Longitudinem refert, semper est Quadrati latus infimum Horizonti parallelum, versa verò quæ altitudini respondet, alia pars scalæ horizonti perpendicularis. In dimensionibus Longitudinum, abscissa vmbra versa 1. loco, 2. tota scala, 3. altitudo oculi mensoris in regula proportionum ponitur. Abscissa verò vmbra recta 2 loco ponitur, primo tota scala, 3. altitudo oculi mensoris. E contra in dimensione altitudinum, abscissa vmbra versa 2 loco, 1. tota scala, 3. distantia inter mensorem & rem erectam: abscissa verò vmbra recta 1. ponitur loco, 2. tota scala, 3. distantia inter mensorem & rem mensurandam.

## MENSURÆ GEODÆTICÆ.

**M**ensurarum Geodæticarum minima est Granum hordei, quod cū non eiusdem magnitudinis sit in omnibus orbis regionibus, sequentes etiam mensuras ex grano hordei procreatas esse inæquales est necesse in diuersis regnis, maxima mensura est. Milliare.

Granū Hordei	Grana Hordei	Digitos		palmos		Pedes		Cubit: Geomet.		Passus Geomet.		Perti- cas		Stadia		Mill. Geom:	
Digit9	4	4	4	4	4	4	4	1 $\frac{1}{4}$	1	2 $\frac{1}{2}$	2	62 $\frac{1}{2}$	62 $\frac{1}{2}$	125	125	8	8
Palm9	16	16	16	16	16	16	16	4	4	8	8	125	125	125	125	500	500
Pes	64	64	64	64	64	64	64	16	16	32	32	500	500	500	500	2000	2000
Cubit9	256	256	256	256	256	256	256	64	64	128	128	2000	2000	2000	2000	8000	8000
Passus Geom:	320	320	320	320	320	320	320	80	80	160	160	2500	2500	2500	2500	10000	10000
Perti- ca	640	640	640	640	640	640	640	160	160	320	320	5000	5000	5000	5000	20000	20000
Stadi- um	40000	40000	40000	40000	40000	40000	40000	1000	1000	2000	2000	32000	32000	32000	32000	128000	128000
Mil. Geome.	320000	320000	320000	320000	320000	320000	320000	8000	8000	16000	16000	250000	250000	250000	250000	1000000	1000000
Mil: Germa.	1280000	1280000	1280000	1280000	1280000	1280000	1280000	32000	32000	64000	64000	1000000	1000000	1000000	1000000	4000000	4000000


## DESCRIPTIO BACVLI LATINI.

**S**umpto baculo cuiuscunq; magnitudinis AB sit vnus, duorum, trium, decem &c. pedum, sumatur alter CD minor vnus aut duorum &c. pedum, cuius quan-



## P R O B L E M A T A

quantitatis in longiore incidatur quoties fieri poterit, minor autem ita maiori adapteatur vt in eo liberè ad angulos rectos moueri possit.



### D E L O N G I M E T R I A .


**Q**uandoquidem in altum & in profundum descendentia secundum lineam rectam mensurantur, rectè altorum & profundorum dimensio ad longimetiam, quæ quantitatem secundum solam lineam metitur, transfertur, ideo & nos praxes dimetiendi lineas Horizonti parallelas, item perpendiculariter horizontem infra aut supra tangentes, sub Longimetria describemus.

#### P R O B L E M A I.

*Longitudinem per Quadratum geometricum metiri.*

**D**ata longitudine mensuranda, erigatur Quadratum ad perpendicularum (quod in omni dimensione pernecessarium est) ita vt umbra versa sit Horizonti perpendicularis, Recta eidem parallela. Deinde per duo foramina pyracidiorum inspiciatur terminus longitudinis, umbraque abscissa diligentissime noteur, quæ continuo erit aut Recta aut Versa, aut etiam linea fiduciæ transibit diagonium Quadrati. Sit terminus B Longitudinis A B

Linea fiduciæ abscindat umbræ versæ 500; Dico lineam A B maiorem esse (quod semper contingit dum versa umbra B abscinditur)



altitudine oculi mensoris A C à terra. Quanto autem futura sit maior longitudo altitudine oculi ex regula proportionum dicto citius constabit. Quare si fiat vt 500. numerus abscissus ad totam scalam 1000, ita altitudo oculi mensoris A, C sit pedum 5. ad Longitudinem A B.

Numeri sic disponuntur,

Altitudo	Longitudo.	Altitudo.	Longit. A B
Numerus abscissus umbræ versæ 500.	Tota scala 1000.	Altitudo oculi 5. pedum.	(10. pedum.

Sit



## G E O M E T R I C A

Sit rursus terminus D lineae fiduciae abscindat in umbra Recta 600. Dico altitudinem oculi maiorem esse (quod in omni abscissione umbræ rectæ verum est) longitudinem A D. Quare si fiat vt 1000 se habent ad 600. ita altitudo oculi A C ad longitudinem A D.

*Numeri sic disponuntur,*

Altitudo	Longitudo	Altitudo
Tota scala 1000.	Numerus abscissus 600.	Oculus mensuris 5. pedum
	Ergo longitudo A D 3 pedum erit.	

Demum cadat linea fiduciae in diagonium; Dico in hoc casu semper altitudinē oculi mensuris a terra æqualem esse rei mensuratae. Erit ergo A E longitudo 5 pedum prout A C altitudo oculi mensuris.

Porro fractiones in hoc tractatu frequenter post operationem aureæ regulæ remanentes ad minorem mensuram hoc modo reducuntur: residuū supra integrā aliquā mensuram pedis v. g. quod fractio vocatur.  $\frac{520}{1000}$  inferior quidem nume-


rus qui fuit diuisor, Denominator, superior verò qui remanebat Numerator vocatur. Iam vt sciatur quantum faciant 520 partes vnius pedis, si pes in 1000 partes diuidatur, multiplicetur Numerator 520. per proximā mensuram v palmi, & quoniam 4 palmi sunt in pede, multiplicetur per 4, & erunt 2080. hoc productum diuidatur per Denominatorem, & prodibit Quotiens 2. indicās 2 palmos in fractione supra pedes contineri. Quoniam verò supra duos palmos adhuc residuū 80 remanet, multiplicentur 80 per mensuram proximē minorem palmum componentem per digitos v., qui cum 4 in vno palmo sint, per 4 multiplicetur dictum residuum, producenturq; 320. quæ cum per Denominatorem 1000 diuidi non possint, signum est nullum digitum in dicta fractione 80. reperiri.

### P R A X I S I.

**D**upliciter Quadratum Geometricum ad angulos rectos constitui potest, vel per perpendicularum vni lateri Quadrati applicatum, vel per aquam hoc modo. Fiat canalis in quadrati parte inferiore aut superiore horizonti parallela, vtrumq; sui terminū occlusum habens, vt aqua in illo contineri possit, tunc enim si aqua infusa totum canalem adæquatē implens non effluat, signum est omni ex parte Quadratum horizonti perpendiculariter constitutum esse.

### P R A X I S II.

**Q**vandoquidem ad absolutam & omnimodē perfectam dimensionem, metiendā. lineā longitudinis omnino horizonti parallela requiritur, ita vt si terminus dimensionis accliuor aut decliuor fuerit statione mensuris, notabilis error in inuestiganda longitudine committitur: ex eo capite, quod altitudo oculi mensuris minor dum locus decliuus est, maior dum accliuus pro aurea regula assumitur. Cum autem huiusmodi longitudo horizonti omnino parallela, vix a parte rei præsertim maior dabilis sit, hac





## P R O B L E M A T A

praxi omnis erroris suspicio tolletur. Detur longitudo mensuranda declivis A B, in cuius termino B erigatur quodpiam obiectum B C, fulcrum verò Quadrati stabilis A D, cui ad angulos rectos transuersa recta linea E applicetur, per cuius planum radius visorius E F transiens, notet punctum F in erecta altitudine B C. Iam ergò si ex D per foramina pinacidiorum radius visorius transeat ad punctum F, operatio adæquatissima instituetur, omnisq; anfa illusionis minus peritis Geometricorum theorematum præscindetur: altitudo tamen oculi mensoris non ab A sed à radio visorio E F horizonti omnino parallelo sumenda est.

### P R A X I S III.


**D** Vm longitudo maior mensuranda venit vna statione, eligendus est locus altus magnitudinis notæ, turris aut domus in qua mensor consistens rectius operationem perficiat.

## P R O B L E M A II.

*Longitudinem horizonti parallelam duabus stationibus per Quadratum Geometricum metiri.*

**S** It longitudo A B cuius terminus videri non possit, sed in termino eius altitudo qua piàm erecta B C, cuius vertex C ex quocunq; loco inspiciatur, & vmbra abscissa, sint 600 in vmbra versa (quæ semper abscindetur si distantia maior, erecta altitudine in fine longitudinis mensurandæ fuerit) notetur simul cum loco stationis. Deinde

transferatur instrumentum in alium remotiorem aut propinquiorem locum, sit remotior 4. pedibus, ex quo similiter per pinacidia vertex C. inspiciatur, A vmbraq; versa



abscissa sint 400, vna cum stationis loco notetur. Peracta hæc duplici operatione, videatur differentia vbrarum abscissarum, quæ in nostro exemplo est 200. Hinc erit sicut se habet vmbra abscissa 600 partiũ ad vmbra alia abscissam, ita A B recta ad B R, quoniã quæ proportio est D F ad F E, eadẽ est D I ad I C, & quæ proportio est O Q ad Q P eadem est O I ad I C vt ex fundamento Geodæiæ constat. Et permutando sicut se habet vmbra abscissa 600, seu Q P ad D I, ita se habebit alia vmbra abscissa 400, seu F E ad O I, Ergò erit etiã reliqua v P. seu differentia vbrarum 200. ad differentiam stationum D O vt tota P Q ad totam D I. Quare si fiat 200. dant 4. Quot dabunt 600.

Nume-



# GEOMETRICA

Numeri sic disponuntur.

Altitudo.  
Differentia umbrarum 200.

Longitudo.  
Differentia Stationum 4. pedes.  
Ergo longitudo A B pedum 12.

Altitudo.  
Umbrarum maior abs. 600.

## PROBLEMA III.

*Altitudinem rei inuestigare adhibito Quadrato.*

**D**etur altitudo A B horizonti perpendicularis, altitudo oculi mensuris C D, ad quam centrum Quadrati applicetur iuxta dicta. Inspecto itaq; cacumine altitudinis per foramina pinacidiorum secabitur scala Quadrati a linea fiducia; quæ si in umbra Recta secetur, altitudo mensurata maior erit distantia inter mensorem & rem erectam, Minor si in uersa, æqualis si in Diagoni, um linea fiduciæ ac consequenter & radius visorius cadat. Cadente ergo linea fiduciæ in umbræ rectæ partem 900, hæc operatio instituatur. 900 dant 1000, quot dabunt 10 perticæ distantiz A C: seu sicut se habet abscissus numerus 900 ad 1000, ita se habet distantia A C ad altitudinem A B.

Numeri sic disponuntur.

Distantia  
Numerus abscissus 900. Tota scala 1000.

Distantia.  
Distantia inter mensorem. pert. 10.

Ergo altitudo A B est perticarum 11.

Cadente verò linea fiduciæ in umbræ versæ partem 500, radioq; visorio punctum E altitudinis A tangente, hæc fiat operatio; 100 dant 500, quot dabunt 10.

Numeri sic disponuntur.

Distantia  
Tota scala 1000. Numerus abscissus 500. Distantia inter menso: 10. pert.  
Ergo altitudo A E est perticarum 5.

Demum cadente radio visorio in Diagonium, altitudo A F æqualis est distantiz A C.

## PROBLEMA IV.

*Altitudinem rei duabus stationibus mensurare beneficio Quadrati.*

**T**riplex in hoc modo mensurandi casus accidere potest, vel enim in una statione umbra recta in alia umbra versa abscindetur, vel in utraq; versa, vel demum in utraq; Recta

In primo casu reducenda est umbra versa ad umbram rectam hoc modo Scala integra per seipsam multiplicetur, productum per maiorem abscissum di-

F 2

uidatur



## P R O B L E M A T A

diuidatur prodibitq. Quotiens, a quo si minor umbra abscissa subtrahatur, remanebit diuisor in aurea regula primo loco ponendus. Exempli gratia; abscindatur in umbra Recta pars 650. distante menfore a re mensuranda 8 perticis, in secunda autem statione abscindatur umbrae versae pars 600. tunc notatis numeris abscissis multiplicetur in se tota scala 1000. eruntq. post multiplicationem 1000000. quae diuisa per maiorem numerum v. per 650. dabitur Quotiens 1538. a quo minor umbra abscissa v. 600 abstracta, relinquitur diuisor 938. primo loco in aurea regula ponendus. Quocirca si fiat. Si-  
cut se habet. numerus residuus 938. ad totam Scalam, ita se habet distantia inter stationes C E ad totam altitudinem D B.


*Numeri sic disponuntur.*

Numerus residuus 938.	Tota scala 1000.	Distantia inter stationes 11. perticarum.
Distantia	Altitudo	Distantia.

Ergo altitudo A D addita oculi mensoris altitudine A D erit perticarum 12 pedum 7.

In secundo casu gnomon seu integra scala 1000. per vtriusq. stationis numerum abscissum diuidatur Quotiens a maiore minor subtrahatur, residuum Diuisor erit pro aurea regula. Erit itaq. vt differentia Quotientum ad differentiam stationum, ita gnomon ad altitudinem mensuratam.


In tertio casu umbra abscissa minor a maiore subducatur, reliquum, Diuisor primo loco in aurea regula ponendus erit. Quare si fiat vt differentia vmbrae ad differentiam stationum, ita latus Quadrati 1000 ad altitudinem mensuratam. vt optime demonstrat Clavius L. 3. Geomet: pract. problem. 6.



## P R O B L E M A V.

*Statuas, cruces, fenestras, & alia huiusmodi in alto posita per Quadratum metiri.*

**D**etur Crux in summitate columnae, cuius suprema parte per pinacidiorum foramina inspecta, linea fiduciae scindat 700. in umbra recta, distante menfore a medietate columnae pedibus 900 fiatq. operatio iuxta problema 3 talis. 700 dant 1000, quot dabunt 90. Et dabunt 128 pedum, duorum palmorum altitudinem A B. Rursus in eadem statione inspecta basi Crucis, abscindantur



800 in




## G E O M E T R I C A

800. in umbra Recta, fiatq; operatio: 800 dant 1000, quot dabunt 90. Dabunt v. 112. pedum, palmorum 2. altitudinem A C. Quo peracto subducatur altitudo A C seu 112. pedes ab altitudine A B, seu 128. pedibus, remanebunt 16. pedes, altitudo Crucis A C. Quod faciendum erat.

### P R O B L E M A VI.

*Altitudinem rei ex eius umbra sine Quadrato inuestigare.*

**H**abita certa magnitudine B C sit pedum duorum, infigatur ad angulos rectos cum horizonte, deinde obseruetur quantitas vmbre quam quantitas nota B C proicit, sit pedum trium. Mox mensuretur quantitas vmbre A D quam altitudo A E inquirenda proicit, quæ sit pedum 10. Iam cognita duplici umbra hæc fiat operatio. Duorum pedum corpus proicit vmbra trium pedum, quantum corpus erit quot vmbra 10. pedum proicit.




Longitudo.	Numeri sic disponuntur.	Longitudo.
Vmbra minor trium pedum.	Altitudo	Vmbra maior 10. pedum.
Ergo altitudo A B quæ sita erit 6. pedum 2. palmorum. 2. digitorum.		

### P R O B L E M A VII.

*Longitudinem per normam inquirere.*

**D**ata distantia A B, infigatur baculus ad angulos rectos horizonti A C, in cuius summitate ponatur angulus rectus, ita vt in Centro liberè moueri possit, Deinde per duos clauiculus in recta linea à centro exeunte, aut per duo foramina pinacidiorum radius visorius transiens terminetur in puncto B longitudinis A B, quo diligenter notato, per alia pinacidiorum foramina in alio cruce præparata radius visorius notet punctum D.





## P R O B L E M A T A

Et quoniam A C est proportionalis distantia A D & A B; Dico sicut D A ad A C, ita A C ad A B.


*Numeri sic disponuntur.*

1. Distantia nota A D 3 pedum. 2. Altitudo baculi 4. pedum. 3. Eadem altitudo 4. pedum.  
Erit ergo Longitudo A B 8. pedum.

## P R O B L E M A VIII.

*Altitudinem per normam modo  
communi inuestigare.*

**S**it altitudo A B mensuranda, erecta ut prius norma ad angulos rectos horizonti, per latus E F aspiciatur vertex A, immotaque norma, ex F per idem Latus E F radius visorius transiens notet punctum in terra D. Tunc si fiat sicut se habet C D ad C F, ita se habebit B D ad A B. Quod ex fundamento Geodæsiæ patet.



## P R O B L E M A IX.

*Altitudinem per normam modo peculiari inuestigare.*

**I**uxta triplicem casum triplex in hoc genere mensurandi operatio instituentur, nam dum vnus radius visorius transiens per vnum latus normæ tanget verticem rei mensurandæ, alter ad basim rei erectæ, vel ad ipsam rem erectam, vel demum ante rem erectam in parallelo horizonti terminabitur.

### C A S V S I.

*Altitudinem rei per normam inuestigare  
tangente altero radio visorio basim rei  
erectæ.*

**I**n fixo fulcro C D horizonti ad angulos rectos, aptetur angulus normæ eidem obuersus ad rem erectam, inspicaturque per lateris C E foramina apex altitudinis, & manente sic angulo immoto, per lateris C F foramina basim A. Mox multiplicetur spatium A D 6 passuum per seipsum, & prodibunt 36. productum per spatium A G, interceptum inter radium visorium A C, & alium horizonti parallelum C G, quod est passuum trium diuidatur, prodibitque Quotiens 12. passuum altitudo G B, cui si altitudo oculi mensuris C D, seu A G addatur, erit tota altitudo A B passuum 15: Cum enim A G, B G, G C, proportionales sint, erit ut A G ad G C, ita G C ad B G.



C A S V S




# GEOMETRICA

## CASVS II.

*Altitudinem rei per normam inuestigare  
tangente altero radio rem erectam.*


**O**peratio hic præcedenti similis instituitur, tangat enim radius visorius C A verticem altitudinis A, & alter punctum O rei erectæ, multiplicetur spatium B D seu C G inter mensorem & rem erectam per seipsum, & productum 36. per spatium G O inter radios visorios C G & C O interceptum diuidatur, prodibit Quotiens 18. passuum altitudo v. rei A G. cui si addatur mensoris quantitas C D erit tota altitudo A B 21. passuum, nam cum GC, G O, G A, proportionales sint, erit vt G O ad G C, sic G C ad G A.



## CASVS III.

*Altitudinem rei inuestigare per normam  
tangente altero radio spatium inter mensorem & rem erectam.*

**C**onspecta per foramina pinacidiorum summitate B, punctum F in quo dalter radius C F incurrit, notetur, Et quoniam ducta recta C E horizonti parallelâ, consurgunt duo triangula D C F, & E C B æquiangula, ex eo quod anguli D & E sint recti, & ex rectis E C D. & B C F, anguli D C F, & B C E. Quare si fiat vt F D ad D C, sic C E ad E B, cui si addatur altitudo oculi mensoris C D consurgit nota magnitudo A B. Numerus pro aurea regula sic disponitur, primo loco ponitur C D. Secundo D F. Tertio C E seu A D.



## PROBLEMA X.


*Altitudinem per baculum mensorium inquirere.*

**E**ligatur prima statio in quocunq; loco sit C, ex quo vertex & basis altitudinis F G videri possit, hoc modo vt existente oculo ad principium baculi C, vnus visorius radius radens transversæ ligni verticem E, adæquatè terminetur ad summitem altitudinis mensurandæ, alter simul & semel radens eiusdem transversæ verticem D, adæquatè similiter basim G pertingat. Quod si id prima statione statim fieri non poterit, tunc tam diu a re mensuranda retro cedatur



## P R O B L E M A T A

cedatur aut accedatur, donec intentum obtineatur, quo obtento, signetur prima statio C, lignumq; tranſuerſum ab oculo vna menſura remoueat, dum ſecunda ſtatio remotior priorē a re menſuranda eligitur in B, admoueat, dum propinquius eidem altitudini ſecunda ſtatio eligitur, tamdiuq; accedatur



aut retrocedatur ab altitudine menſuranda, donec eodem modo radii viſorii radentes tranſuerſi finēs O Q baſim G & verticem F altitudinis menſurandæ attingant. Peracta hac duplici menſuratione, menſuretur ſpatium CB inter duas ſtationes, & habebitur altitudo nota FG, quæ tanta erit quantum ſpatium BC. quod faciendum erat.

Simili operatione Longitudines horiſonti parallelæ menſurantur. Demonſtratio baculi menſorii habetur ex fundamento Geodæſiæ, cum n. in omni menſuratione lignum tranſuerſum baculo longiori ad angulos rectos adaptatum, parallelum ſit aut longitudini aut altitudini menſurandæ, ſit vt quam proportionem habet CV ad VE aut VD partes tranſuerſi, & pars eiſdem baculi longioris BP ad OP aut PQ, eandem habet AC ad AF aut AG & AB ad eaſdem AF aut AG. <sup>b</sup> ac conſequenter, quam proportionem habet VC ad totum tranſuerſum DE, & BP ad totum tranſuerſum OQ, eandem habebit & AC ad FG. & AB ad eandem FG. & itaq; ſicut VC ad DE habet ſe vt 1 ad 1, ita AC ad FG habebit ſe vt 1 ad 1. item vt BP ad OQ habet ſe vt 2 ad 1, ita AB ad FG vt 2 ad 1. Ergo cum FG ſit æqualis ipſi AC, AB verò ſit dupla ipſi FG, erit BC æqualis ipſi AC. & conſequenter <sup>m</sup> æqualis & ipſi FG. Quod demonſtrandum erat. Hinc conſtat ſi tranſuerſum duabus menſuris aut tribus amoueretur aut admoueretur ad oculum a menſura primæ ſtationis, diſtantiā inter ſtationes futuram duplo aut triplo maiorem re menſurara.

## P R A X I S

**V**T locus in terra oculo menſoris directè reſpondens obtineatur, ſumatur ſilum cum bolide, vt cum vterq; radius vtrumq; terminum rei menſuratæ tetigerit, demittatur bolis filo retento, quem enim in terram cadens locum deſignauerit ille directè oculo reſpondebit.

P R O B L E

<sup>b</sup> Patet ex fundamento Geodæſiæ.

<sup>k</sup> Per pron: 19 lib. 1 Eucl.

<sup>m</sup> Per pron: 1 Eucl. Lib. 1.



# GEOMETRICA

## PROBLEMA XI.

*Profunditatem alicuius rei per Quadratum inquirere.*

**P**osito Quadrato super orificio v.g. Putei mensurandi, perforamina pinacidiorum oppositum latus putei ad ipsam aquam inspiciatur, Tunc eandem proportionem habebit profunditas putei ad latitudinem ( aut diametrum si circularis ) putei, quam habet tota scala ad numerum abscissum. Detur puteus Quadratus  $ABCD$ , inspecto puncto  $D$ , numerus in umbra recta 330 abscindatur, latus putei  $AB$  sit 6 pedum.

*Numeri sic disponuntur.*

Numerus abscissus 330. Distantia

Tota Scala 1000 Altitudo.

Latus putei 6 pedum. Distantia.

Ergo profunditas putei  $B$   $D$  ab oculo mensuris  $O$  erit pedum 18.




## DE PLANIMETRIA,

**Q**vandoquidem Quantitatis tres sunt species, Linea, superficies, & Corpus, triplex etiam erit mensura quantitatũ, Longarum, Latarum, & Profundarum; in dimensionibus spatorum mensura mensurans non tantum in longum vt in Longimetria, sed etiam in latum sumenda est, ita vt dum mensuratur res per perticam, pertica mensura planorum 4 lateribus æqualibus constare debet.

## PROBLEMA I.

*Plani Quadrati capacitatem inuestigare.*

**D**ata area Quadrata  $ABCD$  cuius vnum latus sit perticarum 6, multiplicetur vnum latus 6 perticarum per aliud item sex perticarum; & productum 36 dabit totidem perticarum capacitatem esse Areæ  $ABCD$ . Quod si Area vna parte longior fuerit, simili modo inquirentur duorum laterum quantitates, vnumq; minus v. g. in maius, aut e contra ducatur, & prodibit Capacitas totius quadrilateræ areæ.



## PROBLEMA II.

*Aream Rhomboicam metiri.*


G

Inqui-



## P R O B L E M A T A


**I**nquiratur imprimis longitudo diagoniorum Rhombi, quorum vnus in alterius diagonii media in partem ductus, soluit quæstionem. Sic Rhombus  $A B C D$ , Diagonius vnus  $A B$  10, alter  $C D$  6 perticarum, ductis tribus in 10, aut 5 in 6 prodeunt 30, capacitas areæ Rhombi  $A B C D$ . Simili prorsus ratione inquiritur area Rhomboidalis.



### P R O B L E M A III.

*Area Trapeziorum inquirere capacitatem.*


**S**it Trapezion  $A B C D$ , Basis eius  $C D$  perticarum 16, vertex  $A B$  perticarum 8. Erigatur basi perpendicularis  $F G$  6 perticarum, deinde vertex ad basim addatur vt constituent 24, hæc diuisa per 2, prodibit Quotiens 12, qui multiplicatus per 6 videlicet perpendicularem  $F G$ , dabit 72 capacitatem Trapezii  $A B C D$ .



### P R O B L E M A IV.

*Capacitatem areæ triangularis inquirere.*

**S**it triangularis area  $A B C$ , ducatur ex quocunq; angulo ad oppositum latus perpendicularis (expedita magis operatio fiet, si erigatur perpendicularis lateri maximo) vt ex  $A$  ad  $B C$  quæ basis trianguli statuitur. Deinde tota basis  $B C$  18 perticarum ducatur in totam perpendicularem  $A D$  8 perticarum, prodeunt 144, quorum medietas 72 pandit capacitatem trianguli  $A B C$ , esse perticarum 72. Quod si triacula rectangula fuerint, horum facilius est mensuratio, ductis enim duobus lateribus quæ rectum angulum constituunt in se, producti medietas manifestabit eius trianguli capacitatem. Aliæ areæ planorum irregularium resoluendæ sunt in triacula, quadrangula, & similes figuras regulares, de quibus fusè Clavius L. 4 Geometriæ practicæ.



### P R O B L E M A V.


*Capacitatem Circularis areæ inuestigare.*

**S** Vpposita demonstratione Archimedis (Libro de circuli dimensione) de Circu-



# G E O M E T R I C A

Circuli æqualitate cum triangulo rectangulo, cuius vnum latus æquale est circumferentiæ, aliud æquale semidiametro. Detur Circulus A B C D cuius diameter A B sit perticarum 14, erit periphæria 44 perticarum ( vt demonstrat Archimedes prop. 3. ) multiplicetur diameter 14 per periphæriam 44 producentur 616, quæ diuisa per 4 dabunt Quotientem 154. indicantem totidem perticarum esse capacitatem Areæ Circuli A B C D.




## D E S O L I D I M E T R I A

**Q**uemadmodum in Longimetria linea, in Planimetria Superficies quadrata, ita in Solidimetria Corpus sex Superficiebus quadratis costans, est mensura.

### P R O B L E M A I.

*Soliditatem corporum regularium adinuenire.*

**S**it Cubus A B C D cuius omnia latera sint æqualia pedum v.g. 6. Ducatur latus 6 in totam aream vnius superficiei v. 36, & prodit soliditas totius corporis A B C D pedum cubicorum 216. Quod si latera fuerint inæqualia v.g.



FGHI. sit latus FG 15 pedum, latus FI 5 pedum, ducatur latus longius FG in aream minorem, vel minus latus GI in aream maiorem, & prodibit soliditas corporis pedum 375. Pyramidis soliditas oritur si multiplicetur basis in tertiam partem altitudinis eiusdem, cum Pyramis sit tertia pars prismatis aut Cylindri, prismatis autem & Cylindri soliditas oritur ducta basi in totam eorundem altitudinem.

### P R O B L E M A II.


*Soliditatem corporum Sphericorum inquirere.*

**S**phæræ soliditas producetur si eius semidiameter in tertiam partem superfici-



## P R O B L E M A T A

ciei cōuexa ducatur, Superficies autē Sphæra cōuexa habebitur si area Circuli  
 illius maximi Sphæra quadrupletur, nam superficies  
 sphæra (vt ait Archimedes l. 1. de sphæra  
 & Cylindro prop. 31.) quadrupla est Circu-  
 li maximi. Vel si ducatur integra diame-  
 ter, sphæra in circumferentiam Circuli  
 maximi, propterea quod rectangulum sub  
 diametro & circumferentia circuli maximi  
 comprehensum superficiē sphæra con-  
 uexa est æquale, vt optime Clavius de-  
 monstrat lib. 5 Geom. pract. c 5 prop. 2. Sit  
 sphæra A B C D, cuius diameter A B sit pe-  
 dum 14. erit area tota 154, hæc per 4 mul-  
 tiplicata dabit 616. superficiem v. conue-  
 xam eiusdem sphæra, quæ per tria diuisa  
 gignit Quotientem 205  $\frac{1}{3}$  hic demum  
 per semidiametrum multiplicatus producit 1437  $\frac{1}{3}$  soliditatem totius sphæra  
 A B C D.




## D E M V N I T I O N I B V S

**Q**uod in recta gubernatione est ordo, in viuētibz anima, id in quantitate  
 est proportio; absit partium proportio, munitio, corpus sine anima mane-  
 bit, difficillime defendetur, facillime expugnabitur. Cū autem Geometriæ  
 sit, Quantitatis proportionem indagare, partem vnam iam ad totum, iam ad a-  
 liam sui compartem conferre, pauca hic in specie de proportionibus partium ad  
 munitiones ab arte extruendas requisitarum, ex fundamentis Geometricis  
 subiungo.

## P A R T E S M V N I T I O N V M

*Partes munitionum sunt in duplici differentia, interna & externa*

**I**nternæ sunt Propugnacula, Gallis Bastiones. Italis Fulvardæ vt A B C D E  
 quæ sunt in muris pars eminentior, in circumfossione agger protuberans in a-



cumen desinens. Duæ sunt propugnaculorum partes, D C & B C Facies, A B &  
 E D Alæ propugnaculorum appellantur. Reperiuntur passim propugnacula  
 rotun-



## G E O M E T R I C A

rotunda, quæ quamuis satis fortia sint, non tamen adeo laudantur vt acuminata, facilius enim & tormentorum ictus recipiunt, & pars illorum anterior minus defendi potest. Vfus Propugnaculorum præcipuus est, vt facilius & aduersarij tormentorum globis peti, & aliæ munitionum partes tutius defendi possint. Munimenti latus inter duo propugnacula interceptum Gallis Courtina est vt G, Linea ab ala propugnaculi ad aliud latus polygoni Collum nominatur vt A F & E F. Ad maiorem autem fortificationem, diuiditur ala propugnaculi A B in duas partes, quarum remotior O a courtina Humerus, proximior Q Cassamatta Gallis appellatur. -


Externæ partes munitionum sunt Fossæ, harum vsus maximus est ad inuadentium accessum & subitum incursum retardandum & retundendum. Exstruuntur in fossis nonnunquam aggeres triangulares, qui parmulae seu scutula vocantur. Ultra fossas circa Castra aut circa partes impressioni hostium obuias, fiunt viæ quas opertas vocant, ex vna parte aggerem habentes, post quem tuti defensores fossarum & propugnaculorum latent; Germanis *Lauffgraben* dicuntur.

### F I G V R A M U N I T I O N V M.

*Duplex est figura munitionum, alia Regularis alia Irregularis.*

**R**egularis est quæ superficiem Geometricam regularem habet, id est, quæ ex propugnaculis & Courtinis æqualibus æqualiterq; distantibus constat, huiusmodi autem figuræ variae sunt Trigona, Tetragona, &c. prima tribus, 2da 4, Buluardis constat.


Irregularis munitio est quæ nullam habet laterum proportionem & æqualitatem.



#### *Proportio partium munimenti.*

N distantia & magnitudine proportio partium munimenti sumenda & spectanda est. Itaq; Courtina seu interstitium Polygoni inter propugnacula sit minimum 240, maximum 400 pedum, si enim fuerit minus, alæ & facies propugnaculorum longæ erunt, propugnacula nimis acuta, ac proinde facile expugnabilia, pauciores enim tunc tormenta, & pauciores milites capient quam sufficiant ad Courtinarum & mutuam propugnaculorum defensionem, vt patet in exemplo.

Quod si courtina longitudo



G 3

ne 400



## P R O B L E M A T A

ne 400 pedes excefferit, tunc Buluarda à fe mutuò longè distabunt v. angulus alæ à summitate oppositi propugnaculi plus quam pedibus 700, quod cauendum est, quia tunc vnum propugnaculum ab alio defendi non poterit, cùm sclopeta vix ad 800 pedes globos eiciant. In Figura Quadrata courtina ad collum sit vt 3 ad 1. Latus polygoni ad idem vt 5 ad 1. collum verò ad alas propugnaculi vt 5 ad 4. Latustotius polygoni in pentagonis & aliis ad collum vt 9 ad 2, idem verò totum polygoni latus ad alam propugnaculi vt 6 ad 1 seu vt 540 ad 90. (ad alam tandem courtinæ in v. vt 2; ad 1) Facies propugnaculorum ad courtinā habent proportionem vt 3 ad 2. Reliquarum partium ad inuicem in 12 polygonis tabula sequens ex Merio desumpta manifestat proportionem.

### *Lateralia Polygonorum in mensura pedum.*

Figuræ polygoni	IV	V	VI	VII	VIII	IX	X	XI	XII
Radii Circuli.	355	459	648	746	846	947	1048	1151	1400
Lateralia Polygoni:	500	540	648	648	648	648	648	648	720
Collum	100	120	144	144	144	144	144	144	160
Alæ propugnac.	80	90	108	108	108	108	108	108	120
Courtinæ	300	300	360	360	360	360	360	360	400
Alæ courtinæ	23	23	63	85	92	128	148	163	193
Facies propugnac:	256	255	279	260	247	244	242	239	261
Defensionis Lineæ.	565	546	594	555	529	499	479	463	501



## P R O B L E M A I.

*Quomodo munitio cuiuscunq; figuræ regularis proportionate sit delineanda?*


**V**T quodpiam opus exstruatur ad amissum, necesse est, illud idea internæ vel externæ efformata præcedat, eaq; cò exactior quò maius detrimentum ex errore in opere exstruendo commissio timetur. In munitionibus non vnus hominis, sed multorum millium, nonnunquam etiam totius Reipublicæ salus consistit, idcò ad exactam eius erectionem vtilissimum est, eius ideam proportionatè delineatam in charta præhabere, quæ in hunc modum ex tabula præcedenti perficietur. Describenda est munitio in Quadro, ante omnia diuidatur aliqua linea in 100. aut 1000 partes, quæ perticas aut pedes referent; tū 1<sup>o</sup> sumantur in linea diuisa 355 quæ sunt radius circuli, quo occultè descripto. Sumantur 2<sup>o</sup> 500 latus polygoni, & hac apertura circini diuidatur circulus in 4 partes æquales, quarū puncta connectantur rectis A B. 3<sup>o</sup> Sumantur particula 100, quantitas videlicet colli, & ex A & B in C transferantur. 4<sup>o</sup> Ad puncta C. excitentur perpendiculares lateribus polygoni A B, in quibus 80 particula abscindantur quantitas videlicet alæ propugnaculorum C D. 5<sup>o</sup> Sumptis in linea 23, transferantur ex C in lateribus polygoni in O. 6<sup>o</sup> EX O per D producantur rectæ O D E quæ lineæ defensionis erunt, lineæ verò D E. facies propugnaculorum. Sicq; descripta manebit munitio cum suis partibus Internis.

Porro











## G E O M E T R I C A

Porro dum latera polygonorum multo longiora sunt 400 pedibus, tunc in vno latere polygoni plura cum prædicta proportionē propugnacula sunt exstruenda.

### P R O B L E M A II.

*Munitiōi proportionatam fossam circumducere.*

**F**ossæ nec nimis latæ esse debent, ne hostis ultra illas longius à propugnaculis distas, nouas faciat munitiōes; nec nimis angustæ, ne propè accedere possit ad munitiōem. Quare hæc earundem positio erit, diuisa courtina in duas partes æquales, ad punctum diuisionis  $I$  erigatur perpendicularis courtinæ  $IG$ . Deinde à verticibus  $E$  propugnaculorum ducantur aliæ occultæ, quæ rectam  $IG$  secant in  $G$ , per quæ puncta  $G$ , ex punctis  $D$  ducantur rectæ quæ termini fossarum à munitiōe remotiores erunt

### P R O B L E M A III.

*Prædictam munitiōem magis fortificare.*

**Q**uamuis munitiō præcedens sufficiens sit vt hostium incurssiōes reprimantur, nihilominus si vehementiores & frequentiores insultus timentur, ad tutiorem defensionem exstruuntur parmulae seu scutula in medio fossarum, quæ sunt agger triangularis cum suo proportionato vallo; basis horum scutulorum ponitur in  $G$  vbi linea perpendicularis courtinæ intersectat rectam à verticibus propugnaculorum: ante faciem item propugnaculorum in simili quantitate & distantia scutula alia exstruuntur. Quod si magis ac magis munitiō sit fortificanda, sit per laui latissimum opus corniculatum, sic dictum, quod in cornua exeat, cuius structura hac proportionē procedit. Producantur rectæ  $CD$  à propugnaculorum in directum ultra fossas, in quibus sumatur quantitas courtinæ prioris munitiōis 300 pedum, quæ erit latus  $a$   $b$  sequentis figuræ corniculatæ. Aliæ partes vt courtina, collum, alæ, desumentur ex prioribus partibus adhibita aurea regula hoc modo. Existente in ipsa munitiōe polygoni latere 500 pedum, colli quantitas erit 100 pedum; iam si 500 dant 100, quot dabunt 300 latus operis corniculati, dabunt videlicet 60, collum  $b$  corporis corniculati, & sic de reliquis partibus. Porro inter opus corniculatum & fossas, pro maiore adhuc munitiōis defensione, fiunt viæ opertæ cum suo vallo, vt ex illis propinquus hostium accessus ad fossas munitiōis impediatur.

### P R O B L E M A IV.

*Munitiōem in figura Irregulari exstruere.*

**Q**uamuis in regulari munitiōum figura non attendantur partium seu laterum æqualitates, prout in regulari, tamen quoad propugnaculorum distantiam maxima est diligentia adhibenda, ne propugnacula ab inuicem ultra 600 pedes distent, supposito quod maxima vis scopeti eiiciendi globos sit ad 800 pedes, alias enim vnum ab alio defendi non poterit. Proportio verò propugna-



## P R O B L E M A T A

pugnaculorum non ubiq; regularium munitionum seruari potest, sed videnda est positio loci: sufficit ad tutam defensionem castrorum extruxisse munitionem quadrilateram, (probl. 1. descriptam) cum suis propugnaculis, fossis & si necesse fuerit etiam cum opere corniculato, in aliquot locis iisq; magis oppugnabilibus, in tanta distantia, vt vnum ab alio per eiaculationem tormentorum defendi possit: inter has tamen regulares munitiones opus fuerit extruere alia propugnacula non spectata partium regularium proportionem, possunt enim esse, vel tantum angulus, vel opus corniculatum etiam parte anteriore latius, vel cuiuscunq; tandem alia formæ.

## P R O B L E M A V.

*Valli & fossarum erectio.*

**I**N maioribus vallis exstruitur thorax & scamnum. Thorax est eminentia valli minus lata ipso vallo, erigitur ad defensionem sclopetariorum vallum defendentium. Scamnum est parua eminentia super vallo, quam iaculatores ascendunt super thoracem explodentes. Iam quemadmodum vallum ita nec fossæ esse debent quadratæ, sed trapeziæ, vallum quidē infra latius quàm supra, fossæ e contra, ne diffuant. Pro magnitudine vallorum nulla certa regula præscribi potest, in omni tamen, hæc proportionalis latitudo basis & verticis optima videtur, vt 7 ad 3, eiusdem verò basis ad latitudinem superiorem vt. 7 ad 5. Fossæ latitudo superior ad inferiorem vt 7 ad 2 aut 10 ad 4. Latitudo superior ad altitudinem vt 7 ad 6 aut 10 ad 7. Thorax similiter infernè latior quàm supernè, ita vt à parte exteriori inclinet 2, interiore vno pedè, quandoquidem thorax nunquam altior esse debet 5 pedibus Geometricis, eo quod staturam humanam mediocrem excederet, idq; parte interiore, nam exteriori vno aut duobus demissior sit, vt meliùs, propius accedentes aut iam in fossis existentes oppugnari possint: basis autem ad verticem habebit se vt 8 ad 5. Quod si thorax altior fuerit pedibus 5, ad basim illius exstruitur scabellum latum duos pedes, altum vno aut duobus, prout thorax altitudinem 5 pedum exceßerit.

## P R O B L E M A VI.

*Dimensio in effodiendis cuniculis.*

**S**it turris A B puluere tormentario subuertenda, ad quam ex loco K sub terra perueniendum est. Diligenter inquisita per Proble. 1 aut 2 Longimetr: distantia A K sumatur asserculus in quo recta CD ducta, inspiciatur medietas turris A B, ita vt radius visorius transiens per C D medietatem turris tangat, mox notetur, immoto sic asserculo, declinatio magneticæ acus à recta C D, super quam in parte superiore ducatur recta F G, eadem postea in cavitare pro asu magnetica præparata sub loco acus protrahenda. In meatibus ergò subterraneis iuxta lineam C D procedendum est, asserculo semper sic collocato, vt acus F G, lineam nunquā deleat. Verùm cum variis de causis à recta linea meatus subterranei deducendi sint, iam in latus iam in profundum, id summopere obseruandum est, vt ad angulos rectos deflectatur, & iterum in tanta latitudine in quanta est deuiatum ad rectam lineam rede-



## G E O M E T R I C A

am redeatur, ad quam postquam peruentum fuerit in inchoato opere, dirigente recta C D, procedatur. Porro dum post deuiationem, in directum rursus turrim A B versus proceditur, iuxta parallelam C D A procedatur, & simul via subterranea parallela ipsi C D mensuretur: omissa deuiatione ad latus aut in



profundum, idq̃ mensura horizonti parallela, si enim mensuræ finis vnus iam deprimatur iam eleuetur iuxta depressionem & eleuationem viæ, distantia A C 100 v. perticarum propter illam mensuræ variam inflexionem habebitur ante locum A, in loco videlicet O; similiter si deuatio P Q non fiat ad angulos rectos, distantia P O adæquatè sumi non potest, ac consequenter notabilis error continget, laborq̃ irritus reddetur.

### D E T O R M E N T O R V M D I R E - C T I O N E

**N**Otissimum est inueniri peritissimos quosdam artifices, qui sphaeras tormentarias e tormentis ita eiiciunt, vt a scopo sibi præfixo aut nunquam aut raro aberrant, qui tamen cum certas & euidentes causas, ex quibus omnia tanquam ex veris fontibus deducuntur, suæ praxis ignorent, ideo nostri studii est, praxim geometricis immotis demonstrationibus declarare, idq̃ beneficio Quadrantis; cur videlicet in tanta & non in maiore quantitate tormentum eleuandum sit, vt sphaera suum præfixum terminum obtineat.

### T H E O R E M A

*Scientia eiaculandi sphaeras tormentarias fundamento  
Geodesiæ innititur.*

**Q**Uod radius visorius in dimensione Geometrica, hoc sphaeræ tormentariæ e tormentis eiectæ est via; vnde sicut scientia dimensionum per radios visuales in duobus triangulis sibi proportionalibus fundatur, ita & scientia eiaculandi sphaeras tormentarias. Detur tormentum A B cuius sphaera vi puluerum succensorum eiecta teratur in E locum, ex quo deficiente vi impulsua delabatur perpendiculariter horizonti ad O. Ex A ad O ducta recta constituet triangulum A E O, ex B verò loco centri sphaeræ in tormento existentis demittatur recta A Q perpendicularis horizonti aut ipsi A O. Dico vt A Q ad B Q ita A O ad O E, & vt A Q ad A B, ita A O ad A E quæ ex fundamento Geodesiæ supra allato constant, Hoc vnicum discrimen est inter radium visorium &

H

rium &



## P R O B L E M A

num & hypotenusam A E, quod radius visorius directissime tendat ad pun-




etum, sphaera verò tormentaria ob innatum sibi pondus paulatim descendit, hypotenusamq; tormenti obliquam facit, & sic non ad E locum collima- tum, sed paulo inferius ad locum F perueniet.

## P R O B L E M A I.

*Hypotenusam tormenti ex qualibet elevatione in  
Circumferentia inuenire.*

**V**T Hypotenuse quantitas sciatur, necessarium est imprimis adinuenire sub- tensam a centro Quadrantis ad locum in quem sphaera tormentaria deci-



derit



## GEOMETRICA

derit: hæc autem semel prò semper sic inuestigatur, eleuato tormento ad quacumq; eleuationem Quadrantis sint g. 20 / 37, eiiciatur sphaera tormentoria, cadatq; in locum B, a quo ad O passus 600 inueniantur. Inuenta subtenſa, hypotenusa O C sic inuenitur: quandoquidem per 4. sexti Euclidis eadem est proportio D E ad O D, seu sinus complementi arcus ad totum sinum, quæ est subtenſæ O B, ad hypotenusam O C. sinus complementi arcus g; 69 / 23 qui est 93595, diuidat productum ex toto sinu 100000 & 600, quotiens dabit longitudinem hypotenusæ O C.

Numeri pro aurea regula sic disponuntur.

Sinus complementi arcus

Totus sinus

Linea subtenſa.

93595

100000.

600 passuum.


Ergo quantitas hypotenusæ O C. est passuum 641

### PROBLEMA II.

*Quàm altè tormentum sphaeram eiiciat data quacumq; in Quadrante tormenti eleuatione, inquerere.*

Cognita semel alicuius tormenti hypotenusa ex præcedenti problemate, quæ semper æqualis erit, adhibita sphaera æqualis magnitudinis & ponderis, puluerum item æquali mensura; ex hypotenusa habebitur altitudo loci, ex quo sphaera perpendiculariter ad terram descendet: vt enim Sinus totus ad sinum eleuationis tormenti se habet, ita hypotenusa ad altitudinem summam sphaeræ. Eleue-

tur tormentum ad gr: 29 / 15, hypotenusa A B nota ex præcedenti problemate 641 passuum, iam multiplicetur sinus eleuationis tormenti videlicet g. 29 / 15 qui est 48862



per hypotenusæ quantitatem passuum 641, productum per integrum sinum 100000 diuisum, dabit Quotientem, altitudinem B C indicantem. Pro aurea regula

Numeri sic disponuntur.

Sinus totus 100000.

Sinus eleuationis tormenti 48862

Hypotenusa pass: 641.

Ergo altitudo B C. passuum 313.

### PROBLEMA III.

*Distantiam, ad quam sphaera decideret ex quavis eleuatione tormenti, inuenire.*


H 2

Ex



## P R O B L E M A T A

**E**x hypotenusa tormenti colligitur subtensa seu distantia loci in quem globus decedit à loco tormenti, quemadmodum enim totus sinus se habet ad



sinum complementi eleuationis tormenti, ita se habet hypotenusa ad distantiam prædictam. Eleuetur tormentum ad gradum  $30^{\circ} 20'$ , complementum erit  $g. 59 / 40$  cuius sinus est 86310 qui multiplicetur per hypotenuse quantitatem per probl. 1. inuentam, productusq; per sinum integrum 100000 diuidatur, Quotiens dabit distantiam inter casum globi & locum tormenti

*Pro aurea regula numeri sic disponuntur.*

Sinus totus  
100000

Sinus complementi eleuat:  
86310.

Quantitas Q T.  
641. Passuum

Ergo distantia Q R est passuum 553 ped: 1. palm. 1.

## P R O B L E M A I V.

*Ad quam eleuationem tormentum eleuandum sit, ut sphaera ignita per cathetum in locum prefixum descendat, adinuenire.*

**I**nquiratur diligenter per probl. 1. aut 2. distantia tormenti à loco in quem euenienda est ignita sphaera, sit distantia præcedentis problematis 553 passuum, ut eo illustrior & manifestior veritas appareat, suppositaq; hypotenuse tormenti semel inuenta quantitate 641 passuum. Eleuatio tormenti in Quadrante taliter habebitur: multiplicetur distantia Q R per Q O seu integrum sinum, & productum per Q T hypotenusam tormenti, cui in tabula sinuum inuenito respondebunt, supra gradus ad latus minuta Quadrantis, iuxta quæ eleuandum est in dato loco tormentum.

*Numeri sic disponuntur.*

Q T Hypotenusa tormenti.  
Passuum 641

Q R Distantia tormenti à loco  
1211uum 553

Q O Totus sinus.  
100000


Productum 55300000. Quotiens 86271 qui in tabula sinuum est sinus  $g. 59 / 37$  vni autem pedi & vni palmo respondent / 3, quod facillimè constat ex aurea

regula,



## GEOMETRICA

regula si distantia  $QR$  ad aquata, & hypotenusa tormenti  $QT$  ad palmos  $v\bar{6}$  resoluatur, fiatq; operatio; tunc enim sinus  $86310$  aut ei certe proximus in Quotiente prodibit, cui respondebunt in tabula sinuum  $g. 59. / 40$ . Tormentum



ergo positum in  $Q$ , ab  $R$   $553$  passibus, vno pede, vno palmo distans, eleuandum est ad complementum  $g. 59. / 40$  id est  $g. 30. 20$ , vt sphaera ignita in  $R$  cadat.

Hoc vnicum moneo, si distantia a loco tormenti ad locum in quem iacienda est sphaera ignita, maior, vel proxime minor fuerit hypotenusa tormenti, desistendum est ab opere, tunc enim nullo modo ad locum praefinitum sphaera propelli poterit.

### PROBLEMA V.

*Elevationem tormenti inuenire, vt sphaera per hypotenusam in locum praefixum incurrat.*

**D**vplex modus est eiciendi sphaeras tormentis, vt per cathetum in locum praefixum descendat, de quo praecedenti problemate, & vt per hypotenusam eundem allabantur locum, quod hac ratione perficietur. Inquiratur distantia tormenti a loco praefixo  $QO$ ,  $200$ , item altitudo loci  $V$ , quem sphaera tangere debet  $80$  passuum, quadretur  $QO$  eruntq;  $40000$ , item  $80$  eruntq;  $6400$ , hae duo quadrata in vnum componantur & erit  $QV$  quadratum  $46400$ , huius quadrati radix  $215$  pandit hypotenusam  $QV$  esse passuum  $215$ . Hypotenusa quantitate inuenta, eleuatio tormenti habebitur, si  $OV$  passuum  $80$  altitudo multiplicetur per integrum sinum  $100000$ , & per  $215$  hypotenuse quantitatem productum diuidatur, Quotiens enim  $37209$ , est sinus  $G. 21 / 50$ . Gradibus ergo  $21 / 50$  eleuandum est tormentum, vt cum vehementia locum  $V$  allabatur. Sicut enim se habet  $QV$  ad  $vO$  ita  $Q$  ad  $PR$  sinum elevationis.

H3


Nume-

ORTA



# PROBLEM. GEOMETR.


*Numeri sic disponuntur.*  
 Q V. Hypotenuse Quantitas    OV Altitudo tingenda.    Q P Totus sinus.  
 Passuum 215    Passuum 80    100000  
 Tormentum ergo eleuandum est g. 21. m. 30. vt tangat locum v. prae fixum.



## PROBLEMA VI.

*Usus Quadrantis in eleuationibus tormentorum.*

**P**ositionem quadrantis, quā praece dentibus problematibus vsi sumus ad faciliorem demonstrationem, in vsu ipso explosionum non esse commodam, propter eius magnitudinem & difficilem anguli quem hypotenusa cū subtensa facit inuentionem, vnde haec commodior videtur, facto gnomone cuius vnum latus longius sit, in angulo describatur Quadrans, cui perpendicularum applicetur. Dum ergo tormentum eleuandum est ad certam aliquam Quadrantis eleuationem, latus longius tormento imponatur, & tam diu eleuetur tormentum, donec perpendicularum gradum & minutum optatum scindat. patet in schemate sequenti.



ASTRO.




## PROBLEMAT A GEOMETRICA

**ASTRONOMICI** *Quadrantis usu in directione Tormentorū,*  
 vt sphaeravi puluerum tormentariorum ē machinis aeneis electa, a scopo  
 praefixo non aberret, commonstrato, superest vt aliquid attingam, de di-  
 rectione Tormentorum per radium visorium. In hunc finem periti ar-  
 tifices multa excogitarunt instrumenta & directoria, quibus vsi artem suā  
 mirē celebrant. Vnicum hic, nouum vt autumo, modum eiiciendi ē  
 tormentis sphaeras, eumq̃ perfectum, addo: de quo sic

### PROBLEMA VII.

*Ratio dirigendi Tormenta per radium visorium.*

**T**emporibus nostris cōparuit nouus modus succendendi pulueres tormēta-  
 rios, ad eiiciendas sphaeras ē machinis aeneis; non enim de luper vt moris  
 est, sed a retro succenduntur; vt certius, sine commotione & retropulsi-  
 one tormenti vehemētiore, sphaera vltius eiiciantur. Causam huius  
 non inquirō, quandoq̃ iudam & facile redditur, & intentum meum solum-  
 modo directionem tormentorum spectat; vt perfectior sit, foramen pro  
 succensione puluerum, in prima sui fusione, retro in A, tormenti caua me-



dietati



## PROBLEMATICA GEOMETRICA

directissime respondens, fiat. His præhabitis, eicienda veniat sphaera tormentaria ad scopum præfixum, quem ut infallibiliter tangat, hæc operatio instituatur.

Antequam tormentum pulveribus & globo oneretur, sumatur lamina solida circularis, qualis est C, in centro periphæriæ suæ foramen exiguum habens, quâ cavitatis tormenti anterior ita obstruatur, ut foramen illius mediæ cavitati, ac consequenter in linea rectissima foramini A respondeat; quod sine molestia obtinebitur, si lamina C ad angulos rectos cum superficie cavitatis erigatur: deinde per foramina A & B meta præfixa inspicatur, quâ visa, tormentum in eo situ inuariatum relinquatur, nec immoto manente oneretur. Dico metam præfixam sphaera infallibiliter tanget, dummodo hæc non valde procul a loco tormenti distet, alias enim tormentum eleuandum erit supra scopum collimatum magis vel minus, prope maior vel minor distantia metæ a loco tormenti fuerit, propter causam, theoremate hic superius posito, datam: quod enim globus vi expulsus ulterius & ulterius a tormento remouetur, sensim magis ac magis vis impulsua deficit, qua deficiente, globus innato sibi pondere sensim descendit. Tormento verò non procul a meta distante, dum radius visorius tangit metam, tanget & sphaera; nam tunc vis expulsua globo a pulveribus recenter impressa, non finit. globum propter innatum tunc pondus, saltem notabiliter, descendere; maior enim est tunc pulverum vis impulsua, quam grauitas globi. Porro quantum tormenti hypotenusa per radium visorium supra metam eleuanda sit, dum distantia tormenti longior & longior est, experientia docebit.

Modus hic (saluo tamen aliorum iudicio) præ cæteris mihi probatur, duas ob causas. Prima, quia radius visorius dirigens tormentum, coincidit cum via centri ipsius globi, saltem in initio sui motus, ad spatium satis notabile: in aliis vero directionibus, quæ per superficiem tormenti fiunt, radius visorius cum hypotenusa tormenti angulum efficiunt. Secunda, quia in directionibus aliis facilis est deflexio ad latera metæ, nam esto radius visorius directe tangat metam, qui tamen si non transeat per medium tormenti (quod frequenter contingit, difficile enim est visu medietatem tormenti perfectam dignoscere) hypotenusa tormenti, non constituet angulum cum radio visorio, ac consequenter hypotenusa tormenti seu via globi, aliò tendet, aliò radius visorius. In nostro verò modo, cum hypotenusa tormenti, cum radio visorio coincidit, ad latera nullo modo (esto in altitudine deficere possit, quod omnibus modis comune est) viso per foramina scopo deflectere potest. Hinc infero certiore semper esse eiectionem globorum a tormentis vi puluerum tormentariorum ad metam præfixam, iuxta hunc collimandi modum, quam iuxta alios, præsertim si meta fuerit minor, hic enim error tantum in altitudine contingere potest, ut sphaera aut aliquantulum supra, aut infra metam tangat, in aliis verò insuper etiam in latitudine seu ad latera.

ASTRO-



# ASTRONOMIA

**A**strorum scientiam quam ex græco trito iam nomine Theoricam appellamus, consistere præcipue in omnimoda, omniq; ex parte absoluta notitia, de Astrorum ortu & occasu, distantia, mutua coniunctione & oppositione, aliorumq; orbium varia reuolutione. Eximia hæc scientia plurimos sua subtilitate à suauissimo sui amplexu auertit, via enim multiplici eaq; sinuosa per multos Eccentrepicyclos Concentricos, aliosq; varios motus ad eam peruenitur: sinuosa quidem via, iucunda tamen, nullum prouectioris ætatis scrupuli initio occurrentes percellant, dum mætenera ætate via hæc incedentem conspiciunt. Premisso itaq; numero Calorum, Epicyclorum item, Eccentricorum, medijs motus & veri notitia, scrupulos in computationibus motuum occurrentes submo-uebo.

## DE NUMERO COELORVM.

**Q**uamuis à priori numerus calorum decerni non possit, ex motibus tamen communis & verior Astronomorum sententia colligit. Diuersi planetarum motus, 7 calos conuincunt, octauum stellatum à calis planetarum distinctum nullus negabit: his addi debet primum mobile, cum clarum nimis sit omnium planetarum orbis ipsumq; stellatum cælum ab ortu in occasum contra motum proprium intra spatium 24 horarum reuolui, qui motus ab aliquo superiore cælo fieri debet; ab ipso enim stellato fieri nequit, quandoquidem hoc peculiarem suum motum habet ab occatu in ortum, vt in Theoricis ostendimus. Duo reliqui sic colliguntur; multisteculis à peritissimis Astronomis obseruatum est, stellas fixas ab æquinotio vero inæquali motu moueri, obliquitate quoq; Zodiaci successu temporis variari, ideo necessario Cælum nonū & decimū concedendum fuit, hoc mouetur à septentrione in Austrū & e contra, qui motus primæ librationis, illud ab ortu in occasum & e contra, qui motus secundæ librationis appellatur. Duodecimum Theologicum dicitur, eo quod ab Astronomis cognosci non possit, cum non moueatur: & à Theologis felicissima Angelorum Beatorumq; sedes ac patria statuitur. Astronomi vnicum statuantes cælum, omnesq; motus asserentes & saluantes, cum id non improbabili-ter asserant, non sunt arguendi.

## DE ECCENTRICIS ET EPICYCLIS.

**V**arii sunt partiales orbis in profunditate calorum totalium, in quibus Planetæ peculiariter mouentur, quorum notitiā, ante Theoricæ vt summæ necessariam præsupponimus. Eccentricus itaq; duplex est, alter Eccentricus simpliciter, qui & Eccentrepicyclus, Homocentrepicyclus, Deferens seu Delator Epicycli appellatur, estq; orbis ille cuius tam concaua quam conuexa superficies diuersum centrum habet à centro mundi, quem C in figura denotat: alter Eccentricus secundum quid, cuius vna superficies idem centrum cum centro mundi habet alia diuersum vt K E, huius concaua illius conuexa est mundo concentrica, & hi dicuntur deferentes Eccentrepicycli Apogæum & Perigæum. Epicyclus est sphaera inter crassitiem Eccentrepicycli ita immersa, vt tamen liberè circa suum proprium centrum circumuolui possit vt F. Circulus vero per motum Centri Epicycli vel Solis descriptus, circulus Eccentricus dicitur.

In Epi-



P R O B L E M A T A

In Epicyclo affixus est planeta G, & transfertur circa centrum Epicycli, sicut ipse Epicyclus ad motum Eccentrepicycli circa centrum mundi. Porro Eccentrepicycli punctum L. quod est a terra remotissimum Aux, Apogzum, Summa absis appellatur, punctum verò D eiusdem Eccentrici incidens in apogzi diametrum, Oppositum Augis, Perigzum, Infima absis: quæ puncta aliquis planetarum tenens, dicitur esse in Apogzo aut Perigzo. Linea demum M N ducta per centrum Eccentrepicycli Q, Linea Apogzi nuncupatur.



DE MOTV VERO ET MEDIO.

**M**otus stellæ ab Astronomis appellatur spatium illud circuli vnde cunq; in choati, quod stella aliqua conficit: hic autem motus alius est verus seu apparens, alius medius seu Æqualis. Verus est quæ linea ducta à centro mûdi vel oculo aspicientis per centrû sideris designat in Zodiaco. Mediû describit linea ducta à cêtro mûdi ( parallela à cêtro Eccêtrici per cêtrû Epicycli ductæ) ad Zodiacû, in quo mota æquali tēpore æquale cōficit spatium, vnde & æqualis motus vocatur; medius autem respectu motus veri, qui iam maior iam minor est, ille, tantum medium excedit, quantum hic eundem non attingit. Motus medii seu Æquales ab Astronomis necessario supponuntur, vt eorum auxilio veri & inæquales motus stellarum inquirentur. Hi duo motus, verus & medius in apogæo aut perigæo sidere existente non differunt, quandoquidem linea veri & medii motus in vnam coincidunt; post tria autem signa à perigæo aut apogæo maximè ab inuicem distant, quæ distantia æquatio aut prosthaphæresis motuum appellatur: hæc omnia in sequenti schemate consideranti constabunt. Ab apogæo ad perigæum antecedit medius motus verum, à perigæo ad apogæum antecedit verus medium.


THEORICA MOTVS PRIMII MOBILIS.

**V**ndecima sphaera immediate sub Empyreo caelo posita, extrema est omnium mobilium sphaerarum, unde & primum mobile appellatur. Vnico motu eoq; inuariabili intra spatium 24 horarum ab ortu in occasum voluitur & reuoluitur; qui motus primus vocatur, & in 10 inferioribus insuper motus raptus, rapiuntur enim caeli inferiores ab ortu in occasum a primo mobili, & reuoluuntur circiter intra 24 horas. In hoc primo mobili omnes circuli sphaerae imaginariè descripti supponuntur, qui sunt Aequator, Zodiacus, Meridianus, Colu.



## A S T R O N O M I C A

Colurus, Solstitionum & Æquinoctiorum, Tropicus Cancræ & Capricorni, circuli polares Arcticus & Antarcticus; Ecliptica æquatoris secatur in duobus punctis, quæ puncta sunt verorum æquinoctiorum, quia sole sub alterutro horum punctorum constituto, verè fit æquinoctium in vniuerso mundo (excepta sphaera parallela) sub vno Æquinoctium Vernum ad initium Arietis, sub alio Autumnale ad initium Libræ. Declinatio Eclipticæ maxima ab Æquatore in primo mobili (eadem est in inferioribus cælis ab æquatoribus propriis) est g. 23. / 40. eaq; semper inuariabilis; media declinatio vocatur ad differentiam aliarum Eclipticarum inferiorum cælorum, quæ ab æquatore primi mobilis supra gradus 23 maximè / 52 minimè / 18 declinant, inter quos terminos medium est / 40. Similem distantiam habent poli Eclipticæ primi mobilis à polis mundi, quantum enim Ecliptica ab æquatore declinat, tantum & poli Eclipticæ à polis mundi, quæ distantia polorum in primo mobili inuariabilis est, variabilis in inferioribus sphaeris iuxta declinationem Eclipticarum ab æquatore primi mobilis.



### T H E O R I C A D E C I M I C O E L I.

#### § I.

**D**ecima sphaera causa est mutationis Eclipticarum in omnibus inferioribus cælis ab æquatore primi mobilis; cùm enim hæc præter motum quo à primo mobili ab ortu in occasum intra spatium 24 horarum rapitur, proprio insuper motu eoque tardissimo à septentrione in Austrum, & e contra super punctis æquinoctiorum suorum, quæ inuariabiliter punctis æquinoctiorum primi mobilis respondent, libretur, quo suo proprio motu omnes inferiores cælos secum trahit, quemadmodum primum mobile ab ortu in occasum: fit vt æquatore primi mobilis immoto manente, æquatores inferiorum cælorum iam directè respondeant æquatori primi mobilis, iam eundem polos mundi versus / 12 excedant, iam infra eundem meridiem versus / 12 descendant. Motis æquatoribus motu librationis seu motu accessus & recessus / 12 ab æquatore primi mobilis, mouebuntur & Eclipticæ ab Ecliptica primi mobilis / 12 ultra eandem polos mundi versus, & ex alia parte æquatorem versus, / 12, ita vt minima declinatio Eclipticarum inferiorum cælorum ab æquatore primi mobilis sit g. 23 / 23 maxima g. 23 / 52.

#### § II.

**A**d saluandum inæqualem accessum & recessum polorum inferiorum cælorum à polis Eclipticæ primi mobilis, ipsiusq; Eclipticæ ab æquatore, excogita.



PROBLEMATICA

Radices primæ Anomalie ad longitudinem g. 30. & meridiem  
ultima diei Decembris.

Anni	1632.	S.	5.	G.	27.	/	52	//	39
Anni	1633.	S.	5.	G.	27.	/	53	//	56
Anni	1634.	S.	5	G.	28	/	5	//	14
Anni	1635	S.	5	G.	23	/	11	//	31
Anni	1635	S.	5	G.	28	/	17	//	49.

Tabula hæc prolongatur in annos vltiores per additionem / 6 // 17 hæc tamen cautela, vt singulis annis bissextis insuper motus diei videlicet // 1 addatur.

§ III.

**M**otus accessus & recessus 10 sphaera in linea librationis M N, quæ est pars coluri solstitionum 724, qualium totius colurus partium est 360, inæqualis est, quamvis motum poli Eclipticæ in circumferente æqualem habeat; velocior enim est dum poli D Eclipticæ veræ sunt circa polos O Eclipticæ mediæ, quia tunc in anomalia polus proximè ad parallelam lineæ librationis voluitur: tardior, dum poli propè lineam librationis existunt, tunc enim ad lineam librationis poli quasi perpendiculariter accedunt. Huius motus dimensio sic



## A S T R O N O M I C A

fit in lineis subtensis ad duplum complementum  $T D.$  &  $T L.$  arcus anomaliz; cuius subtensa semissis est æquatio seu prosthaphæresis anomaliz obliquitatis; est autem hæc prosthaphæresis arcus coluri solstitionum interceptus inter polum Eclipticæ primi mobilis & polum Eclipticæ 10 sphaeræ, qualis arcus est  $C O$  æqualis semissi subtensæ  $D L.$  quæ æquatio nulla est post tria aut 9 signa, quia tunc linea anomaliz  $O D$  perpendiculariter existet: si lineæ librationis  $M N$  coniungit polum verum Eclipticæ 10 sphaeræ cum polo medio primi mobilis. Porro prosthaphæresis obliquitatis additur ad mediam obliquitatem quæ est  $g. 23. / 40$  quando anomalia maior est dodrante aut minor quadrante, demitur verò, quando eadem anomalia maior est quadrante, aut minor tribus quadrantibus, prout proximis seculis contingit.

### P R O B L E M A I.

*Ratio inuestigandi veram & maximam obliquitatem Zodiaci.*

**Z**odiacus frequenter ab Astronomis pro sola Ecliptica sumitur, cuius in 10 sphaera & aliis inferioribus maxima obliquitas ab æquatore primi mobilis sic inquiretur. Detur dies 31 Decemb. hora 12, Anni 1633; inueniatur in primis ad tempus propositum anomalia quæ est  $S. 5. g. 27. / 58.$  huius anomaliz ex tabula sinuū inquiretur sinus, 99937 respondens.  $g. 87 / 58.$  ( tria enim signa tanquam negotio huic non necessaria abiicienda sunt ) deinde inuento sinu respondente mediæ lineæ librationis  $/ 12,$  qui est 20791, ducantur hi sinus in se, productum 2077790167 diuidatur per integrum sinum 100000, Quotiens 20777 in tabula sinum quærat, qui quoniam præcisè non habetur, sumatur sinus ei proximè minor 20762, cui in superiore ordine respondent  $/ 11,$  in collateralis verò  $/ 59;$  & hæc est prosthaphæresis obliquitatis, quæ eum subtrahenda sit, subtrahatur a media obliquitate  $g. 23 / 40,$  remanebunt  $g. 23. / 28 / 1$  declinatio Eclipticæ 10 sphaeræ ab æquatore primi mobilis. Verum quia sinus 20777 præcisè in tabula sinuum non inuenitur, consequenter ex sinu proximè minore adæquata obliquitas Eclipticæ haberi non potest; quæ vt habeatur quærenda sunt scrupula proportionalia ( qui modus pro sequentibus summe est necessarius ) sinui eidem respondentia, hac ratione. Sumpta differentia inter sinum 20762 assumptum & proximè sequentem 20791, quæ est 29, sumatur differentia inter sinum in tabula non inuentum 20777 & inter sinum loco eius assumptum, quæ est 15, & talis fiat operatio, 29 dant  $// 1$  seu  $/// 60$  ( sinus enim 20762 superatur a sinu sequente 20791 vno secundo ad latus posito aut  $/// 60$  ) quot dabunt 15, ex aureæ regulæ operatione in quotiènte prodibunt  $/// 31$  quæ abstracta ab inuēta obliquitate  $g. 23. / 28 / 1$  remanet  $g. 23 / 28 / 0 / 1 / 29.$  vera obliquitas Zodiaci ad diem & horam propositam.

### P R O B L E M A II.

*Ratio inuestigandi ab æquatore veram declinationem  
cuiuslibet gradus Eclipticæ.*

**S**it inquirenda declinatio  $g. 5. / 46$  Tauri; huius in primis arcus sinu inuento



## P R O B L E M A T A

58443, qui in tabula sinuum respondet  $g \frac{35}{46}$  (tot enim gradibus propositus Tauri à principio Arietis distat) inueniatur sinus respondens maximæ declinationi  $g. 23. \frac{1}{28}$  qui est 39821; deinde hi duo sinus in se ducantur, & productum 2327457808, per integrum sinum 100000 diuidatur, tandem quotienti 23274, qui in tabula præcisè non inuenitur, proximè minor 23259 sumatur, cui in superiore parte respondent  $g. 13$  in latere / 27: pars proportionalis // 32 modo præcedentis problematis inquiretur; quæ adiuncta priori declinationi, prodit adæquata  $g. 13 \frac{1}{27} // 32$ . declinatio Tauri  $g. 5. \frac{1}{46}$ . Eadem declinatio est  $g. 5 \frac{1}{46}$  Scorpii, item  $g. 24 \frac{1}{14}$  Leonis & Aquarii, quandoquidem quatuor signorum gradus & minuta prædicta, æqualiter à punctis æquinoctiorum in arcu Eclipticæ remouentur.

## T H E O R I C A N O N Æ S P H Æ R Æ.

### § I.

**M**otus nonæ sphaeræ, Libratio secunda, seu recessus & accessus secundus octauæ sphaeræ vocatur; mouetur enim nona sphaera ad latera mundi, seu secundum longitudinem Zodiaci, iam ab ortu in occasum iam ab occasu in ortum, quem motum omnibus inferioribus cælis communicat. Mouetur eodem modo super 4 circellis sicut 10 sphaera, sed maioribus, horum enim circumferentiæ à suis centris distant  $35 // 41 // 15$ , ita vt tota linea librationis, quæ est arcus Zodiaci, sit  $g. 2. \frac{1}{22} // 45$ , qualium partium totus Zodiacus est 360. Duo primi circelli describuntur circa puncta æquinoctialia 10 sphaeræ, quæ perfectissimè semper punctis æquinoctialibus primi mobilis respondent, alii duo ex periphæria horum primorū magnitudine prioribus æquales describuntur, in horū periphæria circumuoluuntur capita Arietis & Libræ nonæ sphaeræ, quæ æquinoctia media vocantur, eò quod, quando ea sol motu proprio attingit, non fit æquinoctium, sed vt plurimum vel paulò ante, vel paulò post.

### § II.

**M**otus huius secundæ librationis integer duplus est ad motum primæ librationis, sub vni enim Zodiaci restitutione hæc æquinoctiorum libratio bis absoluitur, v. periodus anomaliz perficitur intra annos 1717 & dies 5. singulis diebus conficiendo  $112 // 4 // 4$  singulis annis  $112 // 34 // 48 // 18$ . Porro initium librationis secundæ sumendum est non à linea librationis, prout in libratione prima, sed à linea perpendiculari ipsi arcui librationis. Hoc vtriq; librationi est commune; dum caput Arietis & Libræ in 9 sphaera & poli in 10, à linea librationis ad eadem perpendicularem in anomaliz arcu feruntur; seu dum æquinoctia media ad vera, poliq; veri ad medios accedunt, tunc sinus complementorum ad integros quadrantes, sumendi sunt, quod in secunda libratione in secundo & quarto, in prima in primo & 3 quadrante contingit; quando verò æquinoctia media seu intersectiones Eclipticæ cum æquatore in 9 sphaera, recedunt ab æquinoctiis veris seu intersectionibus æquatoris cum Ecliptica in primo mobili, quod fit in primo quadrante contra consequentiam signorum, & 3 in consequentia, aut quando poli veri à mediis elongantur, quod contingit in secundo quadrante dum libratio est in austrum, & in quarto dum in septentrionem, gradus à principio quadrantis anomaliz pro sinibus inueniendis assumendi sunt.

### § III.


Motus



# ASTRONOMICA

**M**otus librationis secūde fit per g. 2. / 22 // 45 // 10 Eclipticę, cuius pars inter duos arcus interclusa, quorum vnus transit per polos Zodiaci & per intersectionem æquinoctii veri, alter per eosdem polos & per puncta medii æquinoctii, vocatur æquatio seu posthaphæresis æquinoctiorum, quę in primo & secundo anomalie quadrante demitur a vero æquinoctio, quia tunc verum æquinoctium antecedit, in 3 vero & 4. additur propter rationem oppositam.

Porro linea anomaliz O S D in principio motus B & in medio C, vbi motus librationis velocissimus est, semper incidit ad angulos rectos cum linea librationis I F, quia tunc nonę sphærę capita Arietis & Librę D coincidūt cum veris æquinoctiis O, ac consequenter æquinoctia media a veris non discrepant, aut vbi linea motus anomaliz O D vnitur lineę librationis in I & F dum motus est librationis tardissimus, quod fit post primum & 3 quadrantē, maxima accidit posthaphæresis æquinoctiorum.



## § IV.

**D**um circulus deferens caput ♈ mouetur per superiorem partem borealem contra consequentiam signorum, Deferens caput ♎ mouetur per inferiorem partem australem secundum consequentiam signorum, ita vt dum caput Arietis erit in C parte australi, caput Librę erit B parte septentrionali, & e contra, vtrumq; tamen caput simul in fine lineę librationis ponitur. Initium & numeratio graduū huius 2. anomaliz a motu Capitis Arietis, a B sumendum est non a capite Librę.

### Radices secunde anomaliz.

Ad Anni 1633 Diem 31 Decembris Horam meridiem. Ad longitudinem g. 47 m 30.

Anni Dñi	S	G	M	S
1632	11	25	45	18
1633	11	25	57	52
1634	11	26	10	26
1635	11	26	23	0
1636	11	26	35	36

## PROBLEMA I

### Ratio inuestigandi posthaphæresim æquinoctiorum.

**P**osthaphæresis æquinoctiorum, seu distantia æquinoctij medij a vero sic inquiritur. Inuento motu anomaliz ad diem quā æquinoctiorum æquatio quæritur, sic anni 1633 meridiana hora diei 31 Decembris quę est S. 11.



## P R O B L E M A T A

g. 25 / 57 // 52, fumatur huius anomaliz complementum ad signa 12, iuxta  
 2 huius, quod est g. 4 / 2 // 8, huius complementi sinus 7033 multiplicetur  
 per lineam librationis, quæ est g. 1 / 11, sinum 2065, productum 14523145 di-  
 uidatur per integrum sinum, & quotiens 145 in tabula quærat, cui respondent  
 in linea superiore g. 0. in latere / 5 præcisè sine ullis secundis. Et hæc est pro-  
 sthaphæresis æquinoctiorum sumpta anomalia in gradibus & minutis, lineæq;  
 librationis medietate g. 1 / 11. Verum cum ultra g. 1 & / 11 sint adhuc // 22  
 /// 30 quæ negligi non debent: quare iterum per sinum anomaliz 7033 mul-  
 tiplicetur sinus 38268 respondens // 22 /// 30 (numerus maior in superiore linea,  
 minor in laterali sumendus est, numeri enim superiores iam gradus, iam minuta,  
 iam secunda &c referunt) productum 267138344 per integrum sinum 100000 diuidatur,  
 quotiēti 2691 (cum ipse præcisè non inueniatur) sumatur proximè minor 2675  
 cui respondent in parte quidem superiore // 1. in collateralī verò /// 32. quæ  
 addita ad superiorem prosthaphæresim, prodit ad annum, diem, & horam pro-  
 positam, adæquata prosthaphæresis æquinoctiorum g. 0. / 5 // 1 /// 32.

## P R O B L E M A II.

*Ratio inuestigandi verum motum annuum nonæ sphære*

**S**it inuestigandus annuus motus secundæ librationis ab hora meridiei 31 De-  
 cemb. anni 1633 ad horam similiter meridiei 31 Decemb. Anni 1634 Inquirat-  
 ur in primis ad utrumq; propositum tempus prosthaphæresis æquinoctiorum,  
 quæ anni quidem 1633 ex præcedenti problemate habetur g. 0. / 5 // 1 /// 32.  
 anni verò, 1634 simili modo inuenitur g. 0. / 4 // 44 /// 53. Deinde abstra-  
 hat minor a maiore, residuum // 16 /// 39 verum motum indicat nonæ spha-  
 ræ intra terminos assumptos.

## T H E O R I C A O C T A V E S P H O E R E.

2 I

**P**reter motum diurnum ab ortu in occasum, & motum primæ & 2 libratio-  
 nis a 10 & 9 sphaera impressum, mouetur octaua sphaera seu cælum stella-  
 tum ab occasu in ortum motu proprio eoque tardissimo, in axe & polis suæ  
 Eclipticæ sub qua perpetuo sol incedit. Motus octauæ sphaeræ ex natura sua  
 æquabilis est, singulis enim diebus, si aliud nil obstaret, conficeret /// 8, sin-  
 gulis annis // 50 /// 12. verum quia immediate cælum stellatum est sub nona  
 sphaera, quæ sua libratione motum æqualem perturbat, ideo hunc annuum mo-  
 tum // 50 aliquando non attingit aliquando excedit, cum enim caput Arietis  
 seu æquinoctium medium mouetur in circulo boreali, seu quando mouetur in  
 præcedentia, retardatur motus proprius cæli stellati, augetur dum idem æqui-  
 noctium mouetur in circulo australi, seu in consequentia signorum. Porro mo-  
 tus proprius cæli stellati retardatur & adiuvatur inæqualiter, propter inæqua-  
 lem motum 9 sphaeræ, nam dum Caput Arietis est propè initium aut finem ano-  
 maliz (prout his temporibus contingit) conficit cælum stellatum annuo motu  
 verò seu apparente ab occasu in ortum // 35 aut 34, quando verò est circa me-  
 dium, // 1 // 6, demum quando idem æquinoctium est circa lineam librationis  
 // 50, atq; adeo tunc motus verus non discrepat a medio, quia tunc æquinocti-  
 um medium nec accedit nec recedit a prima stella Arietis, sed quasi in transuer-  
 sum fertur, Perficit autem stellatum cælum totam revolutionem annis 25816.

Motus



# ASTRONOMICA

## § I I.

**M**otus proprius 8 sphaeræ, iam medius & æqualis, iam verus & inæqualis vocatur; Medius numeratur & pendet ab æquinoctio medio, vago & instabili, estq; sæper annuus // 50: Verus numeratur ab æquinoctio vernali vero, estq; inæqualis iuxta dicta. Vnde elongationem primæ stellæ Arietis ab æquinoctio medio verno, vocat Copernicus Præcessionem æquinoctiorum mediam, elongationem autem eiusdem ab æquinoctio vernali vero Præcessionem æquinoctiorum veram. Differentia inter motum medium & verum 8 sphaeræ, Prosthaphæresis motus appellatur, quæ ablativa est à medio motu seu à // 50, quando æquinoctium medium versatur in 1 & 4 quadrante, adiectiva quando idem æquinoctium medium versatur in 3 & 2 quadrante.

*Radices mediæ præcessionis æquinoctiorum ad horam meridiei 31 Decembris.*

Anni Dñ.	Signa.	Gradus	Minuta	Secunda	Tertia
1632	0	28	18	48	72.
1633	0	28	19	39	4
1634	0	28	20	29	16
1635	0	28	21	19	28
1636	0	28	22	9	48

Tabula hæc per additionem // 50 / // 12, prolongatur in anno tamen bissexto adduntur insuper /// 8.

## PROBLEMA I.

*Ratio inquirendi verum motum cæli stellati.*

**Q**vandoquidem verus motus octavæ sphaeræ ab æquinoctio vero, pendet à 9 sphaera, ideo cognito motu huius, octavæ sphaeræ verus motus sine labore cognoscetur. Sit inquirendus verus & proprius motus siderum fixorum à 31 Decemb: horâ meridiei, Anni 1633, ad 31 Decemb: similiter horam meridiei anni 1634: inquiretur in primis, per præced: theor. problema 2, verus motus 9 sphaeræ intra terminos temporis positi, qui est / / 16; hic motus cum sit prosthaphæresis motus octavæ sphaeræ, & quidem abstractiva, quandoquidem æquinoctium medium est in 4 quadrante, & movetur in præcedentia signorum, abstrahatur à medio motu //, 50 remanent // 34, motus verus octavæ sphaeræ intra terminos temporis propositi.

## PROBLEMA II.

*Ratio inquirendi veram processionem æquinoctiorum.*

**I**nventa mediâ præcessionem æquinoctiorum ad tempus datum sit 31 Decemb: hora meridiei 1633. quæ est S. o. g. 28 / 19 // 39, inveniatur prosthaphæresis æquinoctiorum per præced: theoricæ probl. 1. quæ est g. 0 / 5 // 1, hæc cum



## P R O B L E M A T A


cū adiectiua sit; æquinoctium enim medium intercipitur inter æquinoctium verum & primam stellam Arietis, addatur ad mediam æquinoctiorum præcessionem, & prodit vera præcessio S. o. g. 28 / 24 / / 40.

### T H E O R I C A S A T V R N I J O V I S E T M A R T I S

§ I.

**S**ub una theorica trium superiorum planetarum seriem comprehendo, quandoquidem hi tres planetæ, orbes in numero & dispositione similes habent; constant enim tribus orbibus, duo D F sunt Eccentrici secundum quid, deferentes perigæum & apogæum planetarum; Tertius G Eccentricus simpliciter, æqualis crassitie deferens Epicyclum: Quartus L est ipse Epicyclus deferens corpus planetæ. Quintus M non est orbis realis, sed circulus æquans vocatus, eo quod centrum Epicycli ab Eccentrepicyclo delatum, æquales in illo æquali tempore conficiat partes

Centra Eccentricorum deferentium Epicyclos inæqualiter à centro vniuersi distant, Saturni quidem p. 3. / 25, Iouis verò p. 2. / 45. Martis demum p. 6, qualium tota semidiameter Eccentricorum est 60. Centra verò æquantium, cū in tanta distantia a centrīs Eccentricorum distent, in quanta hæc à centrīs mundi, distabit centrum æquantis Saturni à centro vniuersi P. 6. / 50. Iouis P 5. / 30 Martis p. 12.



O est centrum mundi. P. centrum Eccentricorum. Q centrum æquantium, I apogæum, K perigæum, O K linea perigæi, O I linea apogæi Eccentrici: est etiam



## A S T R O N O M I C A

etiam aliud apogæum in Epicyclo, illudq; similiter duplex medium & verum, Medium designatur in circumferentia Epicycli per lineam ductam ex centro æquantis per centrum Epicycli, vt S. verum designatur in eadem superiore Epicycli parte per lineam ductam ex centro mundi O per centrum Epicycli vt T. Linea medii motus planetæ est illa quæ ex centro mundi ducitur parallela lineæ ductæ ex centro æquantis per centrum Epicycli vt O N. Linea veri motus planetæ est illa quæ ducitur ex centro mundi per centrum planetæ & ad Zodiacum terminata, vt O V. sicut linea veri motus centri Epicycli est quæ ducitur ex centro mundi per centrum Epicycli, & in zodiaco terminatur. Æquatio centri seu Prosthaphæresis Eccentrici est arcus zodiaci interceptus inter lineam veri & medii motus X N. Æquatio argumenti seu orbis quæ Ptolomæo Prosthaphæresis Anomalix, Copernico Parallaxeos vel cōmutationis, arcus in Zodiaco interceptus inter lineam veri motus Centri, & lineam veri motus planetæ vt X V.

### § II.

#### *Motus Eccentricorum secundum quid.*

**E**ccentrici secundum quid, seu deferentes absides trium planetarū. mouentur super axe & polis Zodiaci ab occasu in ortum seu in consequentia signorum motu tardissimo, Saturni singulis diebus conficiunt /// 6 /// 2. Singulis annis /// 36 /// 40 /// 48. Iouis singulis diebus /// 1. /// 47 singulis annis /// 10 /// 49 /// 26 Martis demum singulis diebus /// 4 /// 43 singulis annis /// 28 /// 44 /// 37. Et hic est motus medius deferentium apogæa planetarum, verus autem eorundē motus confurgit, si ad hunc addatur verus motus octauæ sphaeræ, eo quod secum deferentes apogæa ab occasu in ortum trahat.

#### *Radices mediorum motuum deferentium apogæum à 1. \**

Saturni.						Iouis						Martis					
Anni Domini	S.	G.	l.	///.	///.	S.	G.	l.	///.	///.	S.	G.	l.	///.	///.		
1632	8	1	38	26	33	5	8	50	31	13	4	0	47	53	8		
1633	8	1	39	3	13	5	8	50	42	2	4	0	48	21	52		
1634	8	1	39	39	53	5	8	50	52	51	4	0	48	50	36		
1635	8	1	40	16	33	5	8	51	3	40	4	0	49	19	20		
1636	8	1	40	53	19	5	8	51	14	30	4	0	49	48	8		

*Tabula hæc prolongatur per additionem.*

/// 36 /// 40 in bissexto insuper /// 6 /// 10 /// 49 in bissexto insuper /// 1    /// 28 /// 44 in bissex. insu. /// 4

### P R O B L E M A.

#### *Ratio inquirendi apogæum verum horum trium planetarum.*

**H**abito medio motu apogæi, facilius inuenitur locus verus apogæi veri, si enim ad prædictum motum addatur æquinoctiorum vera præcessio, confurgit verus locus apogæi in Zodiaco. Detur diei 31 Decemb. Anni 1633 hora meridiei, ad quod tempus cū vera præcessio æquinoctiorum sit S. o. G. 28 / 24 / 40, quæ addita ad motum apogæi planetarum medium ad idem tem-

K

pus



## P R O B L E M A T A

pus propositum, confurgit apogeorum distantia ab æquinoctio verno vero. Saturni S. 9. G. 0 / 3 / 1 / 43. Iouis S. 6 g. 7. / 15 / 1 / 22. Martis S. 4 G. 29 / 13 / 1: atq; adeo Saturni verum apogæum ad datum tempus erit G. 0 / 3 / 1 / 43 Capricorni. Iouis G. 7. / 15 / 1 / 22 <sup>54</sup>. Martis G. 29 / 13 / 1 / 1 Leonis.

### § III

#### *Motus Eccentricorum deferentium Epicyclos.*

**E**ccentrepicycli mouentur in consequentia signorū in axe & polis propriis, ad quorum motum centra Epicyclorum describunt æquali tempore æquales in æquantibus partes, qui motus ab Apogæo Eccentrici numeratur diciturq; Anomalia Eccentrici. Inæqualis est anomalie Eccentrici motus in his tribus planetis; nam Saturnus singulis diebus conficit / 2 // 0 // 21. Singulis annis G. 12. // 12 // 9 // 23. Iupiter singulis diebus / 4 // 59 // 15 Singulis annis G. 30 // 19 // 30 // 17 Mars singulis diebus / 31 // 26 // 26 Singulis annis S. 6. g. 11. // 15 // 49 // 44.

#### *Radices anomalie Eccentrici seu Centri trium planetarum.*

Saturni					Iouis					Martis				
Anni Dñi.	S.	G.	/	//	S.	G.	/	//		S.	G.	/	//	
1632	10	29	33	23	7	13	51	22		5	7	12	37	
1633	11	11	50	33	8	14	10	52		11	18	28	27	
1634	11	24	2	42	9	14	30	23		5	29	44	17	
1635	0	6	14	51	10	14	49	53		0	11	0	7	
1636	0	18	29	1	11	15	14	22		6	22	47	23	

*Tabula, hæc prolongatur per additionem.*

g. 12 / 12 // 9      g. 30 / 19 // 30      S. 6. g. 11 / 15 // 49

### § IV

#### *Motus Eccentricorum deferentium Epicyclos relatus ad Zodiacum.*

**M**otus longitudinis planetarum numeratur à prima stella Arietis ad lineam vsq; medij motus, quæ ex cetro mūdi ad Zodiacū protēditur parallela ei quæ ducitur ex centro æquantis per centrum Epicycli. Cōpositus est hic motus ex motu medio centri in æquante, & motu Eccentricorū deferentiū apogæum. Vnde etiam velocior est quàm motus in æquante, citiusq; ad suum terminum redit v. ad primam stellam Arietis, quàm ille ad apogæum. Inæqualis similiter est motus hic longitudinis in tribus his planetis: nā Saturnus conficit singulis diebus / 2 // 0 // 27 in anno communi g. 12 / 12 // 46 // 14. Iupiter motu diurno / 4 // 59 // 18, annuo S. 1. g. 0 / 19 // 41 // 6. Mars motu diurno / 31 // 26 // 31, annuo S. 6 g. 11. // 16 // 18 // 29. Ex motu Anomalie centri & motu Apogæi confurgit motus, longitudinis planetæ.

#### *Radices motus Longitudinis trium Superiorum planetarum.*

Anni



# ASTRONOMICA

Anni Dñi	Saturni				Iouis				Martis			
	S	G	/	//	S	G	/	//	S	G	/	//
1632	7	1	6	49	0	22	41	53	9	8	0	30
1633	7	13	29	36	1	23	1	34	3	19	16	48
1634	7	25	42	22	2	23	21	15	10	0	33	6
1635	8	7	55	7	3	23	40	56	4	11	49	24
1636	8	20	9	54	4	24	5	36	10	23	37	8

Tabula hac prolongatur per additionem

In annos. g 12 / 12 // 46	In annos S 1 g. o. / 19	In annos S 6. g 11. / 16 // 19
In dies / 2 // 0	// 41. In dies / 4 // 59	In dies / 31 // 26
In horas / 0 // 5	In horas / 0 // 12	In horas / 1 // 14

¶ V

## Motus Epicyclorum deferentium corpora planetarum.

Planetæ in suorum Epicyclorum parte superiore existentes, seu ab initio io signi Anomalix orbis, ad tertium inclusiue, mouentur in consequentia signorum, existentes verò in parte eorundem inferiore, seu ab initio quarti signi anomalix orbis ad nonum inclusiue, mouentur contra consequentiam signorum. Initium motus medij planetæ in Epicyclo, sumitur ab apogæo medio Epicycli, vocaturq; Anomalia orbis, Ptolomæo Anomalia Epicycli, Coper-nico Anomalia Parallaxeos, vel Commutationis, Alphonsinis argumentum medium, & arcus Epicycli. Motus medius trium superiorum planetarum in suis Epicyclis hic est. Saturnus conficit diurno motu / 57 // 7 /// 44 Annuo S 11 g 17 / 32 // 3 /// 7 Iupiter diurno / 54 // 19 /// 4 Annuo S. 10. g 29 / 25 // 8 /// 4 Mars diurno / 27 // 41 /// 40, annuo S. 5 g. 18 / 28 // 30 /// 42. In his tribus planetis quo motus Anomalix Centri est velocior eo tardior est motus anomalix orbis, vt patet.

## Radices commutationis seu anomalix orbis trium superiorum planetarum. ad long. g. 47 130

Anni Dñi	Saturnus				Iupiter				Mars			
	S.	G.	/	//	S.	G.	/	//	S.	G.	/	//
1632	1	10	5	16	7	18	40	13	11	3	21	38
1633	0	27	37	19	6	18	5	21	4	21	50	6
1634	0	15	9	22	5	17	30	29	10	10	18	37
1635	0	2	41	26	4	16	55	42	3	28	47	8
1636	11	21	10	36	3	17	14	44	9	17	43	20

Prolongatur hac tabula per additionem.

In annos S 11 g 17 / 32 // 3.	S 10 g. 29 / 25 // 8	S. 5 g. 18 / 28 // 30
In dies / 57 // 7	/ 54 // 19	/ 27 // 41
In horas / 2 // 22	/ 2 // 15	/ 1 // 9.

¶ VI.

## Concordia motus trium superiorum Planetarum cum motu solis.

K 2

Admiranda



## P R O B L E M A T A

**A**dmiranda sanè est Planetarum in suis Epicyclis cum medio Solis motu concordia, in media enim Planetæ cum sole coniunctione, planeta semper obtinet medium apogzum Epicycli, in oppositione verò media semper in perigæo eiusdem epicycli inuenitur. Horum trium planetarum non æquali temporis spatio contingunt coniunctiones & oppositiones mediæ cum sole, quo enim Anomalia centri alicuius planetæ est tardior, citius; quò velocior tardius sit congressus planetæ cum sole. Exempli gratia, ponamus horum trium planetarum mediam coniunctionem cum sole in principio Leonis, sol post vnum annum communem horas 5. / 49 redibit ad idem principium Leonis, à quo intra anni vnus spatium Saturnus recessit g. 12 / 12 / 46. Iupiter S. 1 g. 0 / 19 / 41 Mars S. 6 g. 11 / 16 / 18; quæ elongatio horum trium planetarum à loco primo coniunctionis cum inæqualis sit, sequitur necessario sequentem coniunctionem Solis cum iisdem Planetis futuram diuersis temporibus, vt enim à principio Leonis facta integra reuolutione Sol Saturnum atsequatur, eiq; rursus media coniunctione iungatur, requirit dies 12. H. 15. / 47: vt Iouem dies 33 Hor: 15 / 20: vt deniq; Marti iungatur, requirit vnum annum dies 49 H. 19 / 43. Atq; adeò secunda media coniunctio Solis cum Saturno contingeret post vnum annum D. 12 H. 15. / 47 in G. 12. / 28 ~~4~~: cum Ioue post vnum annum à prima coniunctione D. 33. H. 15. / 20 in G. 3. / 19 ~~4~~: cum Marte deniq; post duos annos D. 49 H. 19 / 43 in G. 19 / 6 ~~4~~.

## P R O B L E M A

*Ratio inuestigandi verum locum trium superiorum planetarum in Zodiaco.*

**E**x mente Copernici assumantur ad tempus datum motus medii Anomalix, Centri, Anomalix commutationis, motus Longitudinis ab Arietis cornu. Deinde cum anomalia Eccentrici ex tabulis prosthaphæresium, inquiratur prosthaphæresis seu æquatio Centri, quæ si centrum medium fuerit à signo nullo vsq; ad sextum inclusiue, auferatur ab Anomalia centri medii, vt sit verum centrum, & eadem anomalix Commutationis seu orbis addatur, vt consurgat argumentum verum: quod si Anomalia Eccentrici fuerit à sex signis vsq; ad 12 completa, addatur Centro medio vt verum exurgat, & auferatur ab argumento medio vt similiter verum argumentum prodeat. In Martis tamen calculo assumantur insuper scrupula proportionalia ad vsum insequentem seruanda. His adiuuentis, inquiratur ex tabula prosthaphæresium per argumentum verum æquatio argumenti, atq; æquatio excessuo (pro quo Maginus separatas erexit tabulas) semper æquationi argumenti addenda, & consurget æquatio argumenti adæquata: Verum in Marte excessus æquationi argumenti adiacens assumendus, de quo cum scrupulis proportionalibus seruatis semper assumenda est pars proportionalis æquationi argumenti addenda, vt adæquata euadat. Hæc adæquata æquatio argumenti adiicienda est anomalix orbis, si hæc fuerit à sex signis ad 12, demenda si fuerit à nullo signo ad sex completa. Sic argumento coæquato, abiiciatur illud ipsum à medio motu Solis, & resultat distantia vera planetæ à cornu Arietis contra consequentiam, ad quam distantiam veram si vera præcessio æquinoctiorum adiiciatur, dabitur verus locus planetæ in Zodiaco.

Suppu.



# ASTRONOMICA

## Supputatio Saturni.

*Ad anni 1633 diei 31 Decembr: horam meridianam ad longitudinem g 47 m. 30.*

Medius motus Solis S. 8 g. 11 / 6 // 55  
 Anomalia Eccentrici S. 11. g. 11. / 50 // 33  
 Medius motus longitudinis Saturni. S. 7. g. 13 / 29 // 36  
 Anomalia commutationis. S. 0 g. 27 / 37 // 19  
 Prosthaphæresis centri. g. 1 / 55 // 47 addenda centro medio & auferenda  
 ab argumento medio.  
 Centrum verum. S. 11. g. 13 / 46 // 20.  
 Argumentum verum S. 0 g. 25 / 41 // 32  
 Æquatio argumenti cum S. 0. g. 25. / 40 est g. 2 / 15 // 20  
 Pars proportionalis respondens / 1. est // 5 additiua.  
 Æquatio argumenti correctæ g. 2 / 15 // 25 sublatiua ab argumento vero.  
 Æquatio excessus seu diuersitatis centri // 17 semper argumenti æquationi  
 adiicienda.  
 Æquatio argumenti absoluta g. 2 / 15 // 42 subtrahenda ab argumento vero.  
 Vera distantia Saturni à medio motu Solis contra consequentiam signorum S. 0  
 g. 23 / 25 // 38 quæ sublata à medio motu Solis relinquit.  
 Verum locum Saturni à prima stella Arietis. S. 7. g. 17 / 41 // 17  
 Æquinoctiorum præcessio vera addenda S. 0 g. 28 / 24 // 40  
 Ergo verus locus Saturni ad tempus propositum g. 16 / 5  
 // 57 ~~29~~

## Supputatio Iouis.

*Ad anni 1633 diei 31 Decembr: horam meridianam ad longitudinem: g. 47 m. 30.*

Medius motus Solis S. 8, g. 11. / 6 // 55  
 Anomalia Eccentrici. S. 8 g. 14 / 10 // 52  
 Longitudinis motus à cornu ~~S~~ S. 1. g. 23 / 1 // 34.  
 Argumentum medium S. 6. g. 18 / 5 // 21  
 Prosthaphæresis centri cum S. 8. g. 14 / 10 est g. 5 / 5 // 36.  
 Pars proportionalis respondens // 52 est // 1  
 Correcta prosthaphæresis S. 0. g. 5 / 5. // 37 addenda centro medio & au-  
 ferenda ab argumento medio.  
 Centrum verum S. 8. G. 19. / 16. // 29.  
 Argumentum verum S. 6. G. 12. / 39 // 44.  
 Prosthaphæresis argumenti cum S. 6. g. 12. / 55. est g. 2. / 50 // 12  
 Pars proportionalis respondens / 4. // 44 est // 1 additiua  
 Correcta æquatio argumenti g. 2. / 5. 1 // 12.  
 Æquatio excessus seu diuersitatis centri / 10. // 48. semper æquationi argu-  
 menti adiicienda.  
 Æquatio Argumenti absoluta g. 3. / 2. // 0 addenda argumento vero vt fiat.  
 Vera distantia Iouis à medio motu solis in præcedentia signorum S. 6. g. 16. / 1  
 // 44. quæ abstracta à medio motu solis relinquit.  
 Verum locum Iouis à cornu Arietis S. 1. g. 25 / 5. // 11. huic additur.  
 Præcessio æquinoctiorum vera S. 0. g. 28. / 24. // 40 & consurgit  
 Distantia Iouis vera ab æquinoctio vero S. 2. g. 23. / 29. // 51.  
 Ergo ad tempus propositum erit Iupiter g. 23. / 29. // 51. Geminorum



## P R O B L E M A T A

### *Supputatio Martis ad idem tempus*

Medius motus Solis S 8 g . 11 16. // 55  
 Anomalia Centri medi S 11. g 18 // 28. // 27.  
 Anomalia commutationis mediæ S 4. g. 21. // 50 // 6.  
 Longitudinis motus à prima stella Arietis S 3. g 19 // 16 // 48,  
 Æquatio Centri cum S 11. g 18. // 25 est g 2 // 3 // 15.  
 Pars proportionalis respondens // 3. // 27. est // 36 subtractiua.  
 Correcta centri æquatio est g 2. // 2. // 39. addenda centro medio & auferenda  
 ab argumento medio.  
 Centrum verum S 11. g 20 // 31. // 6  
 Argumentum verum S 4. g 19. // 47. // 27.  
 Scrupula proportionalia // 18.  
 Prosthaphæretis argumenti veri cum S 4. g 19. // 45 est S 1 g 5 // 36 // 45.  
 Pars proportionalis // 2 // 27 respondens est // 32 subtractiua  
 Prosthaphæretis argumenti correctæ S 1. g 5 // 36. // 13  
 Excessus æquationis g 10. // 55 // 40 respondens S 4 g 19 // 45 correctus per //  
 30 hæc enim est pars proportionalis æquationis excessus, respondens  
 // 2 // 27 est g 10 // 56 // 50  
 Pars proportionalis de excessu orta ex multiplicatione scrupulorum pro-  
 portionalium prius seruatorum cum excessu, & ex productio per 60  
 diuisione est g 3 // 16 // 51 semper addenda æquationi argumenti  
 Æquatio argumenti completa S. 1 g 8. // 53 // 4 abstrahenda ab argumento  
 vero, vt prodeat.  
 Distantia vera Martis à prima stella Arietis S 3. g 11. // 54 // 23.  
 Æquinoctiorum præcessio vera S. 0 g 28 // 24 // 40 addenda distantia à cor-  
 nu Arietis vt prodeat.  
 Distantia Martis ab æquinoctio vero verno S. 4. g 10. // 19. // 13  
 Ergo ad tempus propositum Martis locus verus g. 10 // 19. // 3 Leonis.

§.

### *Motus latitudinis trium superiorum Planetarum.*

Certum est præter Solem nullum alium Planetam (vt omnium ætatium A-  
 stronomi obseruauerunt) sub Eclipticæ cursum suum absoluere, sed ab eadem  
 magis vnum, minus alterum, iam in septentrionem iam in Austrum deuiare. Et  
 quidem in tribus superioribus Planetis hæc deuiatio ab Epicyclo & ab Eccen-  
 trico deferente Epicyclum qui Eclipticam interfecat, causatur, cuius interseccio-  
 nis Eccentrici cum Ecliptica puncta nodi, seu caput & cauda dicuntur; Caput  
 seu nodus Boreus illud interseccionis punctum dicitur, à quo Planeta Boream  
 versus, cauda seu nodus Austrinus à quo in austrum ab Ecliptica incipit deuiare:  
 Puncta vero Eccentricorū quæ maxime ab Ecliptica distant ventres vocantur,  
 incidens in plagam Borealem, Boreus, in Australem, Austrinus appellatur, quæ  
 semper à nodis tribus integris signis distant. Hi nodi non semper vni eidemq;  
 parti Zodiaci respondent, sed iuxta motum apogæorum secundum conse-  
 quentiam mutant locum. Porro Saturnus Austrinus esse incipit ab anomaliæ  
 centri veri signo secundo gradu 10 vsq; ad gradum 10. signi 8. Boreus verò à g.  
 10. octauo signi. Iupiter incipit esse Austrinus à g. 20 quarti signi; Boreus à g.  
 20 Decimi signi vsq; ad complementum circuli, & ab hoc vsq; ad g. 20 signi  
 quarti



# ASTRONOMICA

quarti. Mars deniq; per anomaliam Centri signa 4 5. 6. 7. 8. 9. Austrinus est, per 10. 11. 12. 1. 2. 3. Boreus.

## PROBLEMA I

*Ratio inuestigandi veram latitudinem trium superiorum Planetarum.*

**E**X tabulis latitudinum Pruthenicis, vel quibuscumque aliis, cum anomalia Centri coequata, seu cum Centro vero desumantur ex prima tabula scrupula proportionalia, deinde ex alia tabula cum anomalia commutationis seu argumento vero decerpatur latitudo planetæ, de hac latitudine eruatur pars proportionalis cum scrupulis ex prima tabula desumptis hoc modo. Resoluantur scrupula proportionalia, item latitudo inuenta quantacumque illa fuerit vsq; ad secundam; deinde latitudo sic resoluta, multiplicetur per scrupula proportionalia similiter resoluta, productum per 60 seu rectius per 773600 (minuta enim 60 supposita resolutione priorum etiam ipsa resolui debent) diuidatur, Quotiens erit pars proportionalis quæ simul erit ipsa Latitudo vera planetæ. Hoc ipsum exemplis melius constabit.

*Supputatio Latitudinis Saturni ad anni 1633, diej 31  
Decembr. Horam meridianam.*

Anomalia Eccentrici coequata seu Centrum verum S 11. g 13 / 46. // 20  
Anomalia commutationis coequata seu argumentum verum S 0. g 25 / 41. // 32  
Scrupula proportionalia latitudinis respondetia Centri veri S 11. g 13 sūt // 50 // 20  
Pars proportionalis respondens / 46 // 20 est // 24 abstractiua.  
Scrupula proportionalia correctæ / 49 // 56.  
Latitudo septentrionalis cum argumenti veri S 0. g 25 est. g 2 / 7  
Pars latitudinis proportionalis respondens / 41. // 32 est // 41 additiua  
Latitudo septentrionalis correctæ g 2 / 7 // 41  
Pars proportionalis ex multiplicatione scrupulorum proportionalium cum latitudine planetæ g. 1. / 46 // 15  
Ergo latitudo Saturni Borealis ad tempus propositum g. 1. / 46 // 15.

*Supputatio latitudinis Iouis ad idem tempus propositum.*

Anomalia Centri coequata seu Centrum verum S. 8. g. 19. / 16. // 29.  
Anomalia coequata argumenti seu argumentum verum. S. 6 g. 2 / 59 // 44.  
Scrupula latitudinis proportionalia respondentia Centri veri S. 8. g. 19 sunt  
130 // 52  
Pars proportionalis respondens / 16 // 29 est // 11 abstractiua  
Correctæ scrupula proportionalia / 30 // 41  
Latitudo Iouis Australis cum argumento vero eruta g. 2 / 7  
Pars proportionis orta ex multiplicatione scrupulorum proportionalium cum latitudine Planetæ g. 1. / 4 // 56  
Ergo latitudo Australis Iouis ad tempus datum est G. 1 / 4, // 56

Suppu.



## P R O B L E M A T A

### *Supputatio Martis latitudinis ad idem tempus.*

Anomalia Eccentrici coæquata seu Centrum verum S. 11 g. 2 / 31. / 16  
 Anomalia Orbis coæquata seu argumentum verum S. 4 g. 19 / 47 / 27.  
 Scrupula proportionalia latitudinis Martis respondentia centri veri S. 11. g. 2.  
 sunt / 52 / 156.  
 Pars proportionalis respondens argumenti veri / 31 / 16 est / 13 additiua.  
 Scrupula proportionalia correctæ / 53 / 9.  
 Latitudo Septentrionalis cum argumenti veri S. 4 g. 19 desumpta g. 2 / 22.  
 Pars proportionalis latitudinis respondens / 47 / 27 est / 2 / 17 additiua  
 Latitudo correctæ g. 2 / 24 / 17.  
 Pars proportionalis orta ex multiplicatione latitudinis per scrupula proporti-  
 onalia g. 2. / 24 / 28.  
 Ergo Mars ab Ecliptica ad diem propositum distat septentrionem versus g. 2  
 / 24 / 28.

## P R O B L E M A I.

### *Ratio inquirendi L imites & nodos Boreos trium superiorum Planetarum.*

**I**uxta calculū Ptolomæi & Copernici Boreus limes Saturni distat ab apogæo  
 vero sui Eccentrici in præcedentia g. 50 vnde demptis 50 gradibus resulta-  
 bit locus verus limitis seu ventris Borei Saturni ab apogæo vero. Limes  
 vero Boreus Iouis in consequentia distat ab apogæo vero g. 20, vnde si ad a-  
 pogæum verum adiciantur gradus 20 resultabit locus verus Borei ventris Io-  
 uis. Martis deniq; Limes Boreus cum apogæo sui Eccentrici semper eundem  
 occupat locum. Caput Draconis horum trium Planetarum seu nodus Boreus  
 habebitur si ex loco limitis borei inuenti abiiciantur 3 signa in præcedentia.  
 Austrinus vero si totidem addantur signa in consequentia, vbi simul indica-  
 bitur locus caudæ draconis seu Limes Austrinus.

### *Supputatio nodorum & limitum ad datum tempus 31. Decemb:*

#### SATVRNI

Apogæum g. 0. / 3 / 43  
 Limes Boreus g. 10 / 3 / 43      Limes Austrinus g. 10. / 3 / 43  
 Nodus Boreus g. 10. / 3 / 47      Nodus Austrinus. g. 10. / 3 / 43

#### IOVIS.

Apogæum g. 7. / 15 / 22  
 Limes Boreus g. 27. / 15 / 22      Limes Austrinus g. 27. / 15 / 22  
 Nodus Boreus g. 28. / 15 / 22      Nodus Austrinus g. 27. / 15 / 22

#### MARTIS

Apogæum g. 29. / 13 / 1.  
 Limes Boreus g. 29. / 13 / 1      Limes Austrinus g. 29 / 13 / 1  
 Nodus Boreus g. 29. / 13 / 1      Nodus Austrinus g. 29 / 13 / 1.

THEO.



# ASTRONOMICA

## THEORICA SOLIS

§ I

### Orbes Cæli Solis.

**Q**uamuis optimè peritissimi Astronomi ad saluandam varietatem motus Solis statuant Eccentricos (vt alios omittā qui eandem per vnum concentricum vnumq; Epicyclum saluant) duos v. secundum quid deferentes apogæum medium, duos Eccentrepicyclos inæqualis crassitie deferentes apogæum verum, & quintum æqualis crassitudinis ipsum corpus solare circumuoluentem: tamen placuit hic ingeniosissimi Copernici mentem sequi, qui duos Eccentricos secundum quid, deferentes absides, vnum Eccentrepicyclum deferentem Epicyclum solum, & deniq; Epicyclum ipsum in quo corpus solis circumuoluitur. Linea ducta ex centro mundi per centrum planetæ, linea veri motus dicitur, ducta verò ex centro mundi per centrum Epicycli, est linea medii motus: Differentia inter has duas lineas A C & A D. seu inter verum solis locum C. & medium D dicitur æquatio argumenti. Absides sunt duplices sicut in planetis superioribus Eccentrici & Epicycli; Apogæum Eccentrici est punctum in Eccentrico summè remotum a centro terræ: perigæum punctum eiusdem medii Eccentrici propinquius terræ. Apogæum & perigæum Epicycli est duplex, medium & verum, per lineam ductam ex centro Eccentrici B per centrum Epicycli in superiore eius periphæria, designatur apogæum medium, ducta verò linea ex centro mundi per centrum Epicycli, denotat in eadem superiore periphæria apogæum verum, & per eandem lineas denotantur in periphæria Epicycli inferiore, perigæa verum & medium. Differentia inter verum & medium apogæum æquatio Centri appellatur.



§ II

### Motus deferentium absides Solis.

**D**uo Eccentrici secundum quid mouentur in consequentia signorum, singulis diebus conficiendo  $///4 \quad ///12$  singulis annis  $///25 \quad ///33 \quad ///12$ , qui est ipse excessus quo motus Eccentrici superat motum Epicycli. Ab horum deferentium motu pendet apogæi mutatio, & variatio Eccentricitatis Solis; nam ad motum apogæi describit paruum circellum, Eccentrici centrum, transeuntem per centrum mundi, & per aliud punctum p. 2.  $/30 \quad ///7$  qualium semidiameter Eccentrici est 60, a centro terræ distans, in cuius paruo

L

circelli



## A P R O B L E M A T A

circelli periphæria ( in qua etiam ad motum centri Eccentrici numeratur anomalia apogæi ) dum centrum eccentrici centrum mundi attingit , minima est eccentricitas Solis. p. 1 / 55 // 53 qualium tota semidiameter eccentrici est 60, media tunc est. p. 2. / 13 // 0 quando centrum obtinet tria & 9 signa. Differentia inter maximam & minimam Eccentricitatem Solis est p. 0 / 34 // 14. Motus hic deferentium absides Anomalia apogæi aut Eccentricitatis appellatur, aut etiam mutatio centri.

### Radices Anomalie apogæi.

Anni Dñi.	S.	G.	/	//	Anni Dñi.	S.	G.	/	//
1632	5	27	52	39	1635	5	28	11	31
1633	5	27	58	56	1636	5	28	17	49
1634	5	28	5	14	1637	5	28	24	7

Tabula hæc prolongatur in annos per additionem / 6 // 17 // 24. In dies per additionem // 1 // 2

### § III.

### Motus Eccentrici deferentis Solis Epicyclum.

**M**ouetur Eccentricus deferens Epicyclum Solis in consequentia signorum, motu medio singulis diebus conficiendo / 59 // 8 // 11, qui totum Zodiacum peragrat 365 diebus horis 6. / 9, a quo motu medius seu Longitudinis motus emanat. Motus Longitudinis duplex est, vel enim illius initium a prima stella Arietis ad lineam medii motus ductam ex centro mundi per centrum Epicycli usque ad Zodiacum, numeratur, & tunc motus medius simplex appellatur; vel a puncto æquinoctii medii ad eandem lineam medii motus, & hunc Copernicus Compositum appellat, eo quod componatur ex motu medio seu longitudinis simplici & media æquinoctiorum præcessionem, seu medio motu octauæ sphaeræ. Vterque motus medius tam simplex quam compositus ad verum reducitur, ille quidem si a prima stella Arietis, hic si ab æquinoctii veri puncto, ad lineam veri motus ductam ex centro mundi per centrum Solis numeretur.

*Radices motus medij seu Longitudinis Solis a prima stella Arietis ad diem 31. Decemb: horam meridianam. long. g. 47. / 30.*

Anni Dñi.	S.	G.	/	//	Anni Dñi.	S.	G.	/	//
1632	8	11	22	5	1635	8	10	36	20
1633	8	11	6	55	1636	8	11	20	30
1634	8	10	51	44	1637	8	11	5	20

Tabula hæc prolongatur in annos per subtractionem / 15 // 11. In bissexto tam loco subtractionis adduntur / 43 // 57.

### § IV.

### Motus Epicycli Solis.

**E**picyclus cui corpus solare infixum est mouetur motu æquabili singulis diebus / 59



## A S T R O N O M I C A

bus / 59 // 8 conficiendo, & est /// 4 minor motu longitudinis; totam reuolutionem absoluit diebus 365 H. 6. / 20. Mouetur sol in superiore parte sui Epicycli contra consequentiam signorum, in inferiore verò secundum signorum consequentiam: vnde fit vt motus verus seu apparens solis velocior sit circa perigæum Epicycli existente sole, est enim diurnus / 61. tardior existente eodem circa apogæum, in die enim tantum / 57 conficit, ex eo quod sol in superiore parte epicycli contraheniat motui longitudinis qui fit ab eccentrico æqualiter centrum epicycli deferente, ac consequenter non minuat motum medium qui tenet se ex parte motus centri Epicycli, minuit tamen motu suo contrario motum suum longitudinis verum qui se ex parte motus centri ipsius solis tenet. Motum hunc solis in Epicyclo Copernicus vocat Anomaliā annuam vel simplicem, alii qui non ponunt Epicyclum in sole æquiualentem huic motui reuolutionem argumentum medium appellant.

*Radices argumenti Solis ad 31 Decemb. horam merid. ad  
long. g. 47. 130.*

Anni Dñi	S.	G.	/	//	Anni Dñi	S.	G.	/	//
1632	5	28	55	48	1635	5	28	8	58
1633	5	28	40	9	1636	5	28	52	28
1634	5	28	24	33	1637	5	28	36	52

Prolongatur hac tabula per abstractionem / 15 // 36. In bissexto tamen, loco abstractionis adduntur / 43 // 31.

### P R O B L E M A I

*Ratio inquirendi veram solis Eccentricitatem.*

**P**ER sinus, problemati hac ratione respondetur, sumpta anomalia apogæi seu Eccentricitatis solis ad tempus supra propositum v. diem 31 Decem. 1633. quæ est S. g. 27 / 58; huius arcus sinus, per sinum mediæ differentię inter maximam & minimam eccentricitatem, quæ est / 17 // 7 multiplicetur, & productum 2941245847 per integrum sinum 100000 diuidatur, quotientis 29412 proximè minori sinui 29404 respondent in superiore ordine / 17 in collateralibus / 6, pars proportionalis per superius datum modum inuenta est /// 16 quæ iuncta prioribus, euadit adæquata prosthaphæresis Eccentricitatis Solis / 17 // 6 / / 16 quæ abstracta à maxima eccentricitate Solis v. p. 2. / 13 // 0, relinquit veram eccentricitatem ad tempus propositum. p. 1. / 55 // 53 // 54 qualium semidiameter eccentrici est 60.

### P R O B L E M A II.

*Ratio inquirendi verum locum Solis in Zodiaco.*

**A**D tempus datū, ad quod verus locus Solis inquiritur, inquirantur mediij motus solis, Anomalia apogæi seu Eccentricitatis, Anomalia annua seu argumē-

L 2

ti &c



## P R O B L E M A

ti, & medius seu Longitudinis motus. Deinde per anomaliam apogæi excerpatur æquatio centri ex tabulis ( si tabulæ non sint constructæ ad modernam eccentricitatem, alias cum argumento medio excerpta æquatione totum negotium perficietur ) quæ iuxta exigentiam tituli addatur vel dematur ab argumento medio, ut verum euadat. Cum hoc argumento vero excerpatur, æquatio argumenti addenda vel minuenda iuxta titulos longitudinis Solis ut vera euadat, verum cum hic tabulis Magini utamur, quæ ad maximam Eccentricitatem Solis sunt compositæ, ubi sunt minimæ æquationis, nostro autem seculo sit eccentricitas Solis propè minimam, in qua maximæ contingunt æquationes, ideo æquatio argumenti primo æquata ex eiusdem tabulis æquationum excessus ulterius est æquanda; hoc modo Anomalia apogæi quæritur in fronte, argumentum verum à latere, in communi angulo prodit æquatio excessus, æquationi primæ argumenti semper addenda, ex eo quod tabulæ sint compositæ ad minimas æquationes, ut secundo & ultimo cœquata euadat. Porro in usu aliarum tabularum compendiosè ad nostra tempora compositarum id ipsum ( ut superius insinuai ) minore labore perficietur, sumpta enim anomalia medii argumenti, cum hac excerpatur æquatio addenda longitudini Solis in posterioribus 6 signis, & demenda in 6 prioribus ut vera longitudo euadat.

*Supputatio veri loci Solis ad diem 31. Decemb: horam merid.*

*Anni 1633 long: g. 47. / 30.*

Anomalia apogæi seu Eccentricitatis. S. 5. g. 27. / 58 / 156.

Anomalia annua seu argumenti medii. S. 5. g. 28 / 40 / 19

Medius seu Longitudinis motus, S. 8. g. 11. / 6, / 55

Æquatio centri cum S. 5 g. 27. / 55. est g. o. / 18 / 127

Pars proportionalis respondens / 3 est / 126 respondens / 156 est / 18  
subtr:

Æquatio centri cœquata g o / 17 / 153 additiua.

Argumentum verum seu anomalia annua cœquata. S. 5. g. 28 / 58 / 2.

Æquatio argumenti cum Sig. 5. g. 28. / 55 est g o / 2 / 10.

Pars proportionalis respondens / 3 est / 16 subtrahenda.

Æquatio argumenti primo æquata g o. / 2 / 4

Æquatio excessus seu diuersitatis centri / 7 // 10. respōdens argumenti S. 5 g. 28.  
respondens autē minutis 53 pars proportionalis est / 3 // 27 abstrahenda.

Æquatio excessus adæquata / 3 // 43. semper æquationi argumenti addenda.

Æquatio argumenti secundo & ultimo æquata / 5 // 47 abstrahenda, à medio  
seu longitudinis motu.

Distantia vera à cornu Arietis. S. 8. g. 11. / 1 // 8.

Præcessio æquinoctiorum vera. S. o g. 28 / 24 // 40 addenda longitudini  
à cornu Arietis

Distantia vera ab æquinoctio vero S. 9 g. 9 / 25 // 48.

Ergo locus verus Solis ad tempus propositum est. g. 9. / 25. // 48 Capri.

## P R O B L E M A III.

*Ratio inuestigandi verum apogæum Solis.*

**A** Pogæi veri locus facili negotio obtinetur si enim argumentum verum  
abstra-



## A S T R O N O M I C A

abstrahatur à media solis longitudine, prodit distantia apogæi à prima stella Arietis cui si addatur præcessio æquinoctiorum vera, habebitur verus locus apogæi & perigæi solis in Zodiaco.

### *Supputatio apogæi solis ad dictum tempus.*

Longitudo solis Media S. 8. g. 11. / 6 // 55.

Argumentum verum, S. 5. g. 28. / 58 // 2

Distantia vera apogæi à cornu Arietis S. 2. g. 12 / 8 // 53. huic addita vera æquinoctiorum præcessione, exurgit

Distantia vera apogæi ab æquinoctio vero. S. 3. g. 10 / 33 // 33

Ergò apogæi locus verus ad datum tempus, g. 10. / 33. // 33 Canceri.

## T H E O R I C A V E N E R I S.

6

## M E R C U R I I.

**C**um Venus & Mercurius motum Centri Epicycli & Longitudinis æqualem habeant, elongatione item à sole sibi affines, ideo sub vna theorica utriusque motum complector. Tribus orbibus uterque planeta constat, ut & superiores, duobus Eccentricis secundum quid, qui in Mercurio apogæum deferunt, & vno simpliciter æqualis crassitie, qui Epicyclum desert, & tandem uterque suum Epicyclum in quo planeta circumuoluitur.

2 I

### *Motus Eccentricorum deferentium absides.*

**E**x mente magni Copernici absidis veneris respectu orbis stellati sunt immobiles, continuo enim vni parti octauæ sphaeræ apogæum v. S. 1. g. 18 / 21 // 0 à prima stella Arietis affixum manet: mouetur tamen apogæum veneris sub zodiaco primi mobilis in quantitate octauæ sphaeræ, hæc enim sicut alios cælos & orbis, ita & Eccentricos veneris ab occalu in ortum deferunt. Mercurii deferentium apogæum motus diurenus est /// 9 /// 31. annuus // 57 /// 50 /// annuus // 57 /// 50 /// 38 in consequentia signorum.

### *Motus Radices deferentium ab sides Mercurij ad diem 31. Decembr: 1633.*

Anni Dñi	S.	G.	/	//	Anni Dñi	S.	G.	/	//
1632	7	2	49	13	1637	7	2	54	2
1633	7	2	50	11	1638	7	2	55	0
1634	7	2	51	8	1639	7	2	56	58

Prolongatur hac tabula per additionem // 57 // 50

## P R O B L E M A.

*Ratio inquirendi apogæum verum horum planetarum.*

**V**eneris quidem apogæum cum immobile sit respectu orbis stellati, continuo

L 3

S. 1 g 18



## P R O B L E M A T A

S. 1 g. 13 / 21 / 70 à prima stella Arietis distans, habebitur si ad dictum locum præcessio æquinoctiorum vera illi tempori congrua addatur. Mercurij vero inquirendus est motus apogæi, ad quem similiter dicta præcessio æquinoctiorum vera addatur ut locus veri apogæi prodeat. Ad datum annum 1633. 31 Decembr: H. merid: æquinoctiorum præcessio vera est S. 0. g. 28. / 24 / 40, quæ addita ad distantiam perpetuam apogæi Veneris à cornu Arietis, prodibit distantia apogæi veri ab æquinoctio vero S. 2. g. 16 / 45 // 40. Eadem præcessio æquinoctiorum addita ad anomaliam apogæi Mercurii, quæ est S. 7. g. 2. / 50 // 11 prodibit vera apogæi ab æquinoctio vero S. 8. g. 1. / 4 // 51. Ergo ad tempus datum est apogæum Veneris g. 16 / 45 // 40 Geminorum. Mercurii vero g. 1. / 14 // 51 Sagittarii.

### § II.

#### *Motus Eccentricorum deferentium epicyclos.*

**M**otus Eccentricorum horum duorum planetarum idem est cum motu Eccentrici solis, centra enim epicyclorum motu medio circa centrum mundi / 59 // 8 singulis diebus conficiunt, unde lineæ medii motus Solis, Veneris & Mercurii nunquam variantur ac consequenter motus longitudinis Veneris & Mercurii ille est qui est & Solis; quare Solis cum Venere & Mercurio semper est media conjunctio. Anomalia tamen Centri licet horum duorum planetarum cum sole æqualis sit, quia tamen solis Veneris & Mercurii sunt distincta initia v. apogæa, idè & anomalix centri diuersæ erunt, non quidem diuersitate motus, cum hic æqualis sit, sed diuersitate signorum, à diuersis enim & dissitis apogæis eadem numero anomalia centri produci non potest; secus est in motu longitudinis, ubi vnum idemq; est principium omnium trium planetarum v. prima stella Arietis. Porro anomalia centri horum planetarum sicut & omnium aliorum habetur, si ex medio longitudinis motu Solis, qui idem est Veneris & Mercurii auferatur motus apogæi, residuum est anomalia Eccentrici seu centri. Exempli gratia Anno 1633 longitudo media trium planetarum est S. 8. g. 11 / 6 // 55, à qua ablatum apogæum Veneris semper inuariabile S. 1. g. 18 / 21 // 0 relinquitur anomalia Centri S. 6. g. 22 / 45 // 55 ablata vero anomalia apogæi Mercurii ad idem tempus v. S. 7. g. 2. / 50 // 11 relinquitur anomalia Centri Mercurii S. 1. g. 8. / 16 // 44.

### § III.

#### *Motus epicyclorum deferentium corpora planetarum.*

**Q**uemadmodum summa est æqualitas motus Eccentricorum istorum duorum planetarum, ita non mediocris est diuersitas motus Epicyclorum, seu anomalix argumenti. Venus enim in suo epicyclo conficit singulis diebus g. 0. / 36 // 59 vno anno S. 7 g. 15. / 11. // 45. Mercurius vero motu diurno conficit g. 3 / 6 // 24 ita ut totus reuoluatur intra dies 115. H. 21. / 15. atq; adeò ter integram anomaliam argumenti percurrit intra annum.

*Radices anomalix argumenti Veneris & Mercurij ad annum 1633.  
31. Decemb. horam merid. Long. 47. / 30.*

Veneris



# ASTRONOMICA

## VENERIS

Anni Dñi.	S.	G.	/	/	/
1632	1	29	35	52	
1633	0	14	37	37	
1634	4	29	39	22	
1635	0	14	41	8	
1636	8	0	19	53	
1637	3	15	21	38	

## MERCVRII

Anni Dñi.	S.	G.	/	/	/
1632	1	29	52	18	
1633	3	23	49	44	
1634	5	17	47	10	
1635	7	11	44	35	
1636	9	8	48	25	
1637	11	2	45	51	

Tabula ha prolongantur in annos per additionem

S. 7. g. 15 / 1. / 45 in bissexto ta-  
men additur in super motus diurnus  
g. 0 / 36 / 759.

S. 1. g. 21. / 57. / 26 in bissexto in  
super motus diurnus g. 3. / 6 / 24  
additur.

### § IV.

### Elongatio Veneris & Mercurij à Sole.

**Q** Vandoquidem Venus & Mercurius medium motum longitudinis æqualem  
cum Sole habeant, ita ut linea medii motus horum duorum planetarum  
super continet, sit cum linea medii motus Solis, fit ut a Sole ita remoueri  
non possint, ut eundem diametrali oppositione aspiciant, quemadmodum alii  
planetae, sed semper ei media coniunctione coniunguntur, vero tamen motu  
ab eo discedunt, magis Venus ob maiorem sui epicycli diametrum, Mercurius  
minus, qui multo maiorem diametrum sui epicycli diametro epicycli Veneris  
habet.

## PROBLEMA I

Ratio inquirendi verum locum horum duorum plane-  
tarum in Zodiaco.

**A** D tempus datum inquirentur medii motus planetarum v. Longitudinis à  
prima stella Arietis, Anomalia Eccentrici seu Centri, Anomalia argumen-  
ti seu conmutationis. Deinde cum anomalia centri excerpatur prostaphæ-  
resis Centri per quam æquetur longitudo planetæ, & argumentum medium ut  
coæquata euadant, quod fit addendo eandem prostaphæresim argumento me-  
dio & demendo à media longitudine, cum anomalia Centri fuerit à signo 0 g.  
0. vsq. ad sex signa inclusivè, addendo verò mediæ longitudini planetæ, & ab-  
strahendo à medio argumento, dum eadem anomalia centri fuerit à 6 signis ad  
finem, non neglecta tamen parte proportionali, si anomalia scrupula adhæse-  
rint. Cum hac eadem anomalia centri ex alia columna excerpantur scrupula  
proportionalia ad vltim servanda. Habito argumento vero excerpatur per illud  
æquatio argumenti ex sua tabula, addenda longitudini mediæ planetæ si fuerit  
argumentum medium à signo 0 vsq. ad 6 completa, demenda si fuerit à 6 ad  
12 signa completa. Hæc æquatio argumenti propter variationem centri corri-  
gi debet, assumendo cum eodem argumento medio excessum centri, hoc mo-  
do, multiplicetur excessus assumptus per scrupula proportionalia, & produ-  
ctum per 60 diuidatur (modo supra in theorica sup: planet: de motu latitud:  
proble: 1. tradito) quotiens dabit partem proportionalem semper æquationi  
argu.



## P R O B L E M A T A

argumenti addendam vt vltimò correctà euadat, Sic correctà æquatione argumenti, addatur longitudini vel subtrahatur ab eadem prout res exigit, & prodibit distantia vera à primâ stella Arietis, cui si præcessio æquinoctiorum vera addatur, exurget distantia vera planetæ ab æquinoctio vero.

*Supputatio Veneris ad annum 1633 D. 31. Decemb.*  
*H. merid long. g. 47 / 30.*

Longitudo veneris S. 8. g. 11. / 6 // 55.  
 Anomalia Centri S. 6. g. 22. / 45 // 55. Anomalia argumenti S. 9. g. 14. / 37 // 37  
 Prosthaphæresis centri cum S. 6. g. 22 / 45 cruta est g. 0. / 47 // 8, cui addatur  
 // 1 pars v. proportionalis respondens // 55 prodibit correctà, addenda  
 Centro medio, auferenda ab argumento medio.  
 Scrupula proportionalia pro vsu seruanda / 57 // 20.  
 Argumentum verum S. 9. g. 13 / 50 // 29.  
 Longitudo planetæ à primâ stella Arietis primo coæquata S. 8. g. 11 / 54 // 4.  
 Equatio argumenti S. 1. g. 0 / 29, // 24. subtrahenda: pars proportio-  
 nalis respondens // 29 sunt // 6 subtrahenda ab æquatione argumenti  
 vt primo correctà euadat. S. 1. g. 0. / 29 // 18.  
 Excessus æquatus g. 0. / 36 // 38.  
 Pars proportionalis orta ex multiplicatione scrupulorum proportionalium cum  
 excessu est / 35 // 10 æquationi argumenti semper addenda vt vltimò æ-  
 quata euadat.  
 Æquatio argumenti vltimò æquata S. 1. g. 1 / 4 // 24 subtrahenda à media  
 longitudine vt prodeat.  
 Vera distantia Veneris à primâ stella Arietis S. 7. g. 10. / 49 // 46 cui si adda-  
 tur, vera æquinoctiorum præcessio confurget.  
 Distantia vera ab æquinoctio vero S. 8. g. 9 / 14 // 26  
 Ergo ad tempus propositum est venus g. 9 / 14 // 26 sagittarii.

*Supputatio Mercurij ad idem tempus.*

Motus Longitudinis à primâ \* Arietis S. 8. g. 11 / 6 // 55  
 Anomalia Eccentrici seu Centrum medium S. 1. g. 8 / 16 // 44  
 Anomalia argumētī aut cōmutationis aut argumentū mediū S. 3. g. 23 / 49 // 44  
 Æquatio centri correctà g. 1. / 43 // 39 subtrahenda à media longitudine  
 addenda argumento medio  
 Longitudo planetæ primò coæquata S. 8. g. 9 / 23 // 16  
 Scrupula proportionalia seruanda / 14 // 51  
 Argumentum verum S. 3. g. 25 / 33 // 23  
 Æquatio argumenti correctà S. 0. g. 18 / 55 // 11 addenda longitudini planetæ.  
 Æquatio excessus correctà g. 4 / 55 // 44.  
 Pars proportionalis orta ex ductu scrupulorum proportionalium in excessum,  
 g. 1. / 13 // 11 semper æquationi argumenti addenda vt euadat.  
 Æquatio argumenti vltimò coæquata S. 0. g. 20 / 8 // 22 addenda longitudini  
 planetæ primò coæquata vt confurgat distantia vera.  
 Distantia vera Mercurij à primâ \* Arietis S. 8. g. 29 / 31 // 38, cui addatur præ-  
 cessio æquinoctiorum vera, prodibit.  
 Distantia Mercurij ab æquinoctio vero S. 9. g. 27 / 56 // 18.

Ergo



## A S T R O N O M I C A

Ergo ad tempus datum Mercurius tenet g. 27. / 56 // 18 Capricorni, & solem sequitur, quare vesperi videndus est.

### P R O B L E M A II.

*Ratio inuestigandi veram latitudinem Veneris & Mercurij.*

**T**riplicem Astronomi latitudinem horum planetarum obseruarunt. Obli-  
quationis seu Reflexionis, Declinationis & Deuiationis; prima tenet se ex  
parte longitudinis mediæ respectu apogæi veris; secunda respectu apogæorum  
Eccentrici & Epicycli, tertia ex parte apogæi veri ipsius Eccentrici ad Eclipti-  
cam. Vt ergo ex his tribus diuersis latitudinibus vna integra & perfecta habea-  
tur, inquirenda sunt per centrum verum ex tabulis Pruthenicis vel aliis tripli-  
cia scrupula proportionalia triplici latitudini respondentia, per argumentum  
autem verum triplex dicta latitudo ex triplici tabula; quibus sic inuentis du-  
cantur seorsim scrupula proportionalia in latitudinem suæ tabulæ, ex quibus  
modo supra dato pars proportionalis, quæ ipsa erit latitudo vera, eruatur,  
quæ cuius denominationis sit, septentrionalis an Meridiana tituli tabularum  
inducant. Ex his tribus partialibus veris latitudinibus vnica eaq; absoluta inue-  
nitur hac ratione: Si omnes tres latitudines partiales fuerint eiusdem denomi-  
nationis, in vnum omnes componantur & vera latitudo habebitur; si di-  
uersæ, tunc duæ eiusdem denominationis in vnā compositæ abstrahantur a ter-  
tia, vel si duæ compositæ maiores fuerint quàm tertia, tunc tertia diuersæ deno-  
minationis abstrahatur a duabus compositis, residuum vera latitudo erit, quæ  
denominationem illam habebit, quam habet illa à qua fit abstractio. In Mer-  
curio tamen vt vera habeatur latitudo, decima pars partis proportionalis seu  
latitudinis veræ obliquationis detrahatur ex ipsa latitudine obliquationis, idq;  
quando Centrum verum est in signo 10. 11. 12. 1. 2. 3. addatur verò cùm idem  
centrum fuerit in signo 4. 5. 6. 7. 8. 9. vt obliquatio æquata euadat. Exemplum  
rem hanc clariorem reddet.

*Supputatio latitudinis Veneris ad tempus supra propositum.*

Argumentum verum S. 9. g. 13 / 50 // 29. Centrum verum S. 6 g. 23 / 33 // 4  
Scrupula proportionalia Declinationis correctæ / 23 / 56. Latitudo g. 0 / 18  
// 40 Meridiana.

Scrupula proportionalia Reflexionis correctæ / 54 // 47 Latitudo g. 1 / 36  
// 50 septentrionalis.

Scrupula proportionalia Deuiationis / 49. // 52. correctæ. Latitudo g. 0. / 9.  
septentrionalis

Pars proportionalis quæ est vera latitudo Declinationis / 7 // 9 Meridiana

Pars proportionalis quæ est vera latitudo Obliquationis g. 1 // 28 // 24 septen-

Pars proportionalis quæ est vera latitudo Deuiationis g. 0 / 7 // 28 septentrionis

Aggregatum ex duabus latitudinibus septentrionalibus g. 1 / 35 // 52 a qua la-  
titudo Declinationis meridiana abstracta, exurgit.

Latitudo Veneris vera g. 1. / 28. // 43 septentrionalis.



## P R O B L E M A T A

### *Supputatio latitudinis Mercurij*

Argumentum verum S. 3. g. 25 / 23 // 23.  
 Centrum verum S. 1. g. 6 / 33 // 5.  
 Scrupula proportionalia Declinationis correctæ / 35 // 38.  
 Scrupula proportionalia Obliquationis correctæ / 48 // 2.  
 Scrupula proportionalia deuiationis correctæ / 38 // 35  
 Latitudo Declinationis g. 1. / 10. // 32 septentrionalis.  
 Latitudo obliquationis g. 2. / 15 // 0 Meridiana.  
 Latitudo Deuiationis g. 0 / 51 Meridiana  
 Pars proportionalis quæ est vera latitudo Declinationis / 41 // 53  
 Pars proportionalis orta ex multiplicatione scrupulorū & latitudine obliquationis g. 1 / 48 // 4, quæ est vera latitudo obliquationis, a qua abstracta pars decima v. / 10 // 48 remanet cœquata latitudo obliquationis g. 1. / 37 // 16  
 Pars proportionalis quæ est latitudo vera Deuiationis / 32 // 47  
 Aggregatum ex latitudinibus meridianis g. 2 / 10 // 3 a quo abstracta latitudo Declinationis vera septentrionalis remanent g. 1. / 28 // 10  
 Ergo ad tempus propositum vitimò cœquata latitudo Mercurij g. 1 / 28 // 10.

## P R O B L E M A III.

### *Ratio inuestigandi nodos & limites Veneris & Mercurij.*

**Q**uandoquidem Astronomi obseruauerunt limites horum Planetarum coincidere cum apogæis & perigæis, nodos verò ab apogæis & perigæis vno integro quadrante distare, facillimum erit inuento apogæo & perigæo per doctrinam superiorem inuenire tam Boreum quam Austrinum nodum, seu caput & caudam Draconis.

## T H E O R I C A L V N Æ

**M**agnus Copernicus vt saluaret varietatem motus Lunæ, posuit vnum Concentricum & duos Epicyclos, in quorum secundo immediatè corpus Lunare deferretur. Oppositam planè dispositionem circulorum ingeniosè in suis Theoricis Maginus asserit, proprium motum Lunæ in eccentrico esse ab ortu in occasum, illum verò quem notabilem ab occasu in ortum conspiciamus esse motum raptus à duobus eccentricis. Hunc motum vt saluet ponit vnum Concentricum, duos eccentricos secundum quid, duos eccentricos simpliciter inæqualis crassitudinis, & tertium eccentricum simpliciter æqualis crassitudinis deferentem corpus Lunare.

Medium tenentes & Epicyclū Copernici & Eccentricos Magini assumimus. Quare in Cælo Lunæ ponimus duos Eccentricos secundū quid deferentes apogæum & perigæum, vnum Eccentricum simpliciter deferentē Epicyclum. 4. Epicyclū deferentē corpus Lunæ 5. Concentricum deferentē nodos & limites Lunares. Centrum eccentrici simpliciter variatur describitq; paruum circulum circa centrum vniuersi ad cuius mutationem mutatur Eccentricitas Lunæ

*Mo.*



# ASTRONOMICA

§ 1.

## Motus deferentium absides.

**M**ouentur Eccentrici secundum quid in præcedentia singulis diebus conficiendo g. 11 / 12. // 18. integram reuolutionem perficiunt diebus 32. horis 3 / 4. Hi motu suo retardant motum Eccentrici simpliciter qui fit in consequentia de quo sit.

§ 2.

## Motus Eccentrici deferentis Epicyclum.

**E**ccentrepicyclus deferens Epicyclum Lunæ mouetur in Consequentia signorum. singulis diebus, si aliorum circularum motus non obstarent, conficeret g 24 / 22 // 53. Initium motus Centri Epicycli Lunæ communiter triplex assignatur. Primum 1. Stella Arietis, qui motus æqualis, medius, & longitudinis Lunæ appellatur: Remouetur autem Centrum Epicycli à 1. Stella Arietis singulis diebus g 13. / 10 // 34. Redit ad eandem Stellam Arietis post dies 27 H 7 / 43 // 17. Secundum est ipsum Corpus Solis, qui motus elongatio Lunæ à sole vocatur, Elongatur singulis diebus Luna à sole g 12 / 11. // 26. si enim motus diurnus solis / 59 // 8 à medio motu Lunæ abstrahatur, relinquitur dicta elongatio Lunæ à sole g 12. / 11 // 26. redit Luna ad solem post dies 29. H 12. / 44. Porro elongatio Lunæ à sole confurgit si medius motus solis abstrahatur a medio motu Lunæ. Tertium initium motus est apogæum Lunæ a quo motus numeratus, motus Centri appellatur, remouetur Centrum Epicycli ab apogæo Lunæ singulis diebus g 24 / 22 // 53, nam dum Centrum Epicycli motu medio in consequentia conficit g 12 / 10 // 34, deferentes apogæum intra idem tempus in præcedentia conficiunt g 11. / 12 // 18, quæ simul iuncta faciunt elongationem Centri ab apogæo g 24 / 22 // 52, ita ut totam reuolutionem Centrum Lunæ redeundo ad apogæum perficiat post dies 14. H 18 / 22.

## Radices Motuum Lunæ ad 31. Decembris Horam meridianam Longitudinem g 47 / 30.

	Centri				Medy motus				Elong: Lunæ à Sole.			
Anni Dñi	S.	G.	/	//	S.	G.	/	//	S.	G.	/	//
1632	4	0	42	55	4	11	43	33	8	0	21	28
1633	0	19	57	40	8	21	5	45	0	9	58	50
1634	9	9	15	25	1	0	27	56	4	19	36	12
1635	5	28	27	10	5	9	50	8	8	29	12	34
1636	3	12	4	48	10	2	22	54	1	21	2	22
1737	0	1	19	33	2	11	45	6	6	0	39	44

Prolongatur hac tabula per additionem

S. 8. g. 19 / 14 // 45. S. 4. g. 9. / 22 // 12. S. 4. g. 9 / 37 // 33

In anno bissexto adduntur.

S. 9. g. 13. / 37 // 33. S. 4. g. 22 / 32 // 46. S. 4. g. 21. / 48 // 48

*M*

*Mo*



# PROBLEMA

23

## Motus Epicycli.

**M**ouetur Corpus Lunæ in superiore parte Epicycli existens in præceden-  
tia signorum, in inferiore autem in consequentia, singulis diebus confi-  
ciendo g. 13. / 3 // 53 qui motus Argumentum Lunæ appellatur; totam reuo-  
lutionem perficit diebus 27 Horis 13.

*Radices anomalie ad 31. Decembris Horam me-  
ridianam, longitudinem g. 47 / 30.*

Anni Dñi	S.	G.	/	//	Anni Dñi	S.	G.	/	//
1632	2	9	48	26	1635	11	5	57	51
1633	5	8	31	34	1636	2	17	44	58
1634	8	7	14	42	1637	5	16	28	1

# PROBLEMA

*Ratio inuestigandi verum locum Lune in Zodiaco ad  
datum tempus.*

**I**nquirantur hi motus, Medius seu longitudinis, centri, & argumenti; tum  
cum centro desumatur æquatio centri & eadem argumento medio addatur  
vel dematur iuxta titulos in tabulis expressos vt verum euadat. Cum argu-  
mento coꝛquato desumatur æquatio argumenti quæ referuetur: Deinde cum  
centro & argumento vero decerpatur excessus ex tabulis, quas satis fufas Magi-  
nus erexit, Hic excessus semper addendus est æquationi argumenti vt absolu-  
ta euadat, addenda vel subtrahenda á medio motu Lunæ, vt prodeat vera di-  
stantia Lunæ á prima stella Arietis, Cui si præcessio Æquinoctiorum addatur,  
prodibit vera distantia eiusdem Lunæ ab æquinoctio apparente: sit exemplum.

*Supputatio veri loci Lune ad 31. Decembr. hor: merid.  
Anni Dñi 1633. longitudinem g. 47. / 30.*

Medius motus Lunæ S. 8 g. 21. / 5 // 45.

Centrum seu motus centri. S. 0. g. 19 / 57. // 40.

Argumentum medium S. 5. g. 8 / 31. // 34.

Æquatio centri absoluta g. 11. / 38 // 44 subtrahenda á medio argumento  
vt euadat.

Argumentum verum. S. 4 g. 26. / 52 // 50.

Æquatio argumenti g. 2. / 54 // 9. subtrahenda.

Æquatio excessus. / 3 // 49. Æquationi argumenti addenda vt euadat.

Æquatio argumenti absoluta g. 2. / 57. // 58. abstrahenda á medio motu  
Lunæ.

Distantia vera Lunæ á primo cornu Arietis S. 3. g. 18 / 8 // 47. cui si addatur  
præcessio



# ASTRONOMICA

præcessio æquinoctiorum S. o. g. 28 / 24 / / 40 confurgit.  
 Distantia vera Lunæ ab Æquinoctio vero S. 9. g. 16. / 33 / / 27  
 Ergo Luna ad datum tempus tenebit g. 16. / 33 / / 27. Capricorni.

## § IV.

### Motus latitudinis Lunæ.

**Q**uemadmodum alii planetæ præter Solem non semper sub Eccliptica versantur, ita nec Luna, sed obliquum circulum Ecclipticam secantem in duobus punctis describit, quæ puncta caput & cauda Draconis vocantur, medium verò circuli inter hæc duo puncta, limites & ventres Draconis dicuntur. Numeratur motus lunæ in latum à Boreo limite unde & motus latitudinis seu à Boreo limite vocatur, estq; diurnus. g. 13 / 13 / / 45 qui motus superat medium lunæ, / 3 / / 10 propter hanc causam; nam circulus concentricus ambiens omnes orbes lunæ mouetur contra consequentiam super polis Zodiaci singulis diebus conficiendo / 3 / / 10 unde motu suo auget medium quoad latitudinem.

### Radices Anomalie motus Lunæ à Boreo limite ad longitudinem g. 47. 150.

Ann: Dñi	S.	G.	/	/	Anni Dñi	S.	G.	/	/
1632.	1.	17.	15.	2.	1635	4.	13.	23.	17.
1633.	6.	15.	57.	47.	1636.	9.	25.	19.	47.
1634	11.	14.	40.	32.	1637.	2.	24.	2.	32.

Prolongatur hæc tabula per additionem.

S. 4. g. 28. / 42 / / 45. In bissexto verò addantur S. 5 g. 11 / 56 / / 30.

## PROBLEMA

### Ratio inquirendi veram latitudinem Lunæ.

**V**T vera latitudo Lunæ ab Eccliptica habeatur, inquiretur in primis medius motus latitudinis, qui iuxta Ptolomæum, Copernicum, à Boreo limite numeratur (Alphonsini eundem numerant a capite Draconis vocantq; argumentum latitudinis) deinde eidem motui æquatio argumenti ad idem tempus inuenta addatur vel subtrahatur, vt exurgat verus motus Lunæ à Boreo limite. Argumentum verum Alphonsinorum habetur, si ad motum verum à Boreo limite addantur S. 3. His sic inuentis vera latitudo Lunæ per sinus sic inquiritur. sumpto sinu distantia Lunæ à proximiorre nodo, multiplicetur per sinum gradus quinti, nam inuariabiliter temper puncta latitudinis circuli quæ ventres Draconis nominantur, ab Eccliptica g. 5. recedunt: productum per integrum sinum diuidatur, quotiens iuxta Probl. 1. in Theor. 10. Cæli in sinibus quæzatur, cui respondebunt supra gradus & ad latus minuta, quæ ipsa erit vera latitudo lunæ.

M;

Suppu.



## P R O B L E M A T A

*Supputatio latitudinis Lunæ ad 31. Decembr. Hor. mer.*

1633. Long. g. 47. / 30.

Medius motus à Boreo limite S. 6. g. 15. / 57. / / 47.

Æquatio argumenti absoluta. g. 2. / 57. / / 58. subtrahenda.

Verus motus Lunæ à Boreo limite S. 6. g. 1. / 59. / / 49.

Argumentum verum. S. 9. g. 12. / 59. / / 49.

Diffrentia Lunæ à nodo euehente seu capite Draconis est S. 2. g. 17. / 0. / / 1.

seu g. 77. / 0 cuius sinus est 97437. qui multiplicatus per sinum g. 5. qui

est 8715. prodeunt 849163455, quæ diuisa per integrum sinum 100000.

remanet sinus 8491, cui adhibita correctione per partem proportio-

nalem respondent g. 4. / 52. / / 16.

Ergo latitudo Lunæ vera est g. 4. / 52. / / 16 meridiana ascendens.

¶ V.

*Motus deferentis nodos.*

**H**omocentricus ambiens omnes orbes Lunæ mouetur circa centrum Zo-  
diaci in præcedentia signorum, singulis diebus conficiendo / 3. / / 10, hic  
motu suo in latum, orbes inferiores secum trahit, ac proinde nodos & limites  
variatur. Et cum limes Boreus qui est initium motus latitudinis recedat singulis  
diebus / 3. / / 10. in præcedentia contra motum centri Epicycli, fit vt etiam  
motus latitudinis / 3. / / 10 (ex motu enim centri & motu limitis conflatur  
motus latitudinis) maior sit motu medio seu longitudinis, cuius initium quod  
est prima stella Arietis motu contrario quemadmodum limes Boreus, non va-  
riatur.

## P R O B L E M A.

*Ratio inquirendi verum locum nodorum & limitum Lunæ.*

**I**nuenta distantia Lunæ à prima stella Arietis abstrahatur ab ea motus latitu-  
dinis Lunæ, consurget distantia limitis Borei à prima stella Arietis, cui si vera  
præcessio Æquinoctiorum addatur, resultabit distantia limitis Borei ab Æqui-  
noctio apparente. Sit exemplum Anni 1633. 31. Decembr. longitudo lunæ est  
S. 8. g. 21. / 5. / / 45. Motus à Boreo limite S. 6. g. 15. / 57. / / 47. abstractus  
motus latitudinis à motu longitudinis, relinquit distantiam limitis Borei à cor-  
nu Arietis S. 2. g. 5. / 7. / / 58. cui præposita æquinoctiorum præcessio g. 28.  
/ 24. / / 40 prodit distantia ab Æquinoctio apparente S. 3. g. 3. / 32. / / 38.  
Ergo ad tempus datum Boreus limes est in g. 3. / 32. / / 38. Cancr. Limes Au-  
strinus g. 3. / 32. / / 38. Capri. Nodus euehens seu caput Draconis g. 3. / 32.  
/ / 38. Arietis, Nodus deprimens seu cauda Draconis g. 3. / 32. / / 38. Libræ.



*Suppu-*



# ASTRONOMICA

*Supputatio motuum cælestium ad long. Varsaviensem g. 43. 148.*

*Anni 1632. diei 13. Nouembris Horam 4. Pomeridianam.*

<sup>QVA</sup>  
**SERENISSIMVS VLADISLAVS IV.**  
HÆREDITARIVS REX SVECIÆ &c. PRINCEPS POLO-  
NIÆ, ELECTVS MAGNVS DVX MOSCHOVIÆ

**MAGNI SIGISMVNDI III. POLONORVM,**  
SVECORVM, GOTHORVM, VANDALORVMq; REGIS  
PRIMOGENITVS FILIVS  
Unanimo omnium voce.

**REX POLONIÆ, MAGNVS DVX LITHVA-  
NIÆ, RVSSIÆ, PRVSSIÆ, MASOVIÆ, SAMOGITIÆ, LIVONIÆ, &c.**  
est denunciatus.

## *Calculus decimi cæli.*

Anomalia obliquitatis & æquinoctiorum simplex S 5 g. 27 / 31 // 49. huic  
respondet sinus 99929.

Sinus mediæ lineæ librationis, quæ est / 12. est 20791.

Productum ex multiplicatione sinuum 20776238.9.

Quotiens ex diuisione producti per integrum sinum 20776 cui in tabula ad-  
hibita correctione respondet.

Prosthaphæresis correctæ obliquitatis Zodiaci / 11 // 59 /// 28 abstrahenda  
a mediâ obliquitate Eclipticæ, quæ est g. 23 / 40.

Ergo ad datum tempus vera obliquitas Eclipticæ ab æquatore est. g. 23 / 28  
/ 10 // 32.

## *Calculus noni cæli.*

Anomalia secundæ librationis S. 11 g. 25. / 43. // 38.

Complementum Anomaliz g. 4. / 16. cui respondet sinus 7439.

Medium lineæ librationis g. 1. // 11. // 22. /// 30. Sinus g. 1. / 11. est  
2065.

Productum ex multiplicatione sinuum 1536155.

Quotiens ex producti diuisione per integrum sinum est 153 cui in tabula.

Sinuum adhibita correctione per partem proportionalem respondet.

Prosthaphæresis æquinoctiorum g. 0 / 5. // 16. /// 33 adiectiua.

Pars proportionalis respondens lineæ lib: // 22. / // 30. est // 11. / // 37.

Prosthaphæresis æquinoctiorum correctæ est g. 0 / 5 // 18 /// 10 adiectiua.

## *Calculus cæli stellati.*

Præcessio æquinoctiorum media S. 0 g. 28 / 18. // 42 // 24.

Prosthaphæresis æquinoctiorum adiectiua g. 0 / 5 // 18 // 10.

Ergo



## P R O B L E M A T A

Ergo præcessio æquinoctiorum vera est S. o. g. 28 / 24. // 0 / 1 / 34.

### *Calculus longitudinis Saturni.*

Medius motus Solis S. 6 g. 24. / 13. // 59.  
 Anomalia Eccentrici seu Centri S. 10. g. 27. / 52 // 27.  
 Anomalia orbis seu argumenti S. 11. g. 35. / 32 // 37.  
 Prosthaphæresis centri correctæ g. 3. / 18. // 29. addenda centro medio & auferenda ab argumento medio ut utrumq; verum euadat.  
 Centrum verum S. 11. g. 1. / 10. // 56.  
 Argumentum verum S. 11. g. 22. / 14. // 8.  
 Æquatio argumenti per partem proportionalem correctæ est g. 3 / 20. // 44. addenda argumento vero.  
 Æquatio excessus // 17. semper æquationi argumenti addenda..  
 Æquatio argumenti absoluta g. 3 / 21 // 1 addenda argumento vero ut euadat.  
 Vera distantia Saturni à medio motu Solis contra consequentiam signorum S. 11. g. 25. / 35. // 9. quæ sublata à medio motu Solis relinquit.  
 Verum motum Saturni à cornu Arietis S. 6. g. 28 / 38. // 50. huic.  
 Præcessio æquinoctiorum vera addenda S. o. g. 28. / 24. // 0.  
 Ergo ad tempus datum tenebat Saturnus g. 27. / 2. // 50. Scorpij.

### *Supputatio latitudinis Saturni.*

Centrum verum S. 11. g. 1. / 10. // 56. Argumentum verum S. 11. g. 22. / 14 // 8.  
 Serupula proportionalia correctæ / 55. // 44.  
 Latitudo Septentrionalis g. 2. / 4. // 0.  
 Pars proportionalis orta ex ductu scrupulorum proportionalium in latitudinem est g. 1. / 51. // 36.  
 Ergo ad tempus propositum latitudo Saturni Borealis g. 1. / 51. // 36.

### *Calculus longitudinis Iouis.*

Medius motus Solis S. 6. g. 24. / 13. // 59.  
 Anomalia centri S. 7. g. 9. / 52. // 59.  
 Anomalia orbis seu argumenti S. 6. g. 5. / 20. // 50.  
 Prosthaphæresis centri g. 3. / 28. // 42. addenda centro & auferenda ab argumento medio ut utrumq; verum euadat.  
 Centrum verum S. 7. g. 13. / 21. // 41.  
 Argumentum verum S. 6 g. 1. / 52. // 8.  
 Prosthaphæresis argumenti additiua / 24. // 57.  
 Æquatio excessus / 2. // 33.  
 Prosthaphæresis argumenti ultimo coæquata / 27. // 30. additiua.  
 Distantia Iouis à Solis medio motu in præcedentia S. 6. g. 2. / 19. // 38. quæ ablata à medio motu Solis relinquit.  
 Veram distantiam Iouis à prima stella Arietis S. o. g. 21. / 54. // 21. huic.  
 Præcessio æquinoctiorum vera addenda S. o. g. 28 / 24. // 0 ut prodeat distantia ab æquinoctio vero.  
 Ergo ad datum tempus Iupiter tenuit g. 20. / 18. // 21. Tauri.

Calculus



## A S T R O N O M I C A

### *Calculus latitudinis Iouis.*

Centrum verum S. 7. g. 13. / 21. // 41.  
 Argumentum verum S. 6. g. 1. / 52. // 18.  
 Scrupula proportionalia correcta / 54. // 49.  
 Latitudo Meridionalis g. 2. / 71.  
 Pars proportionalis orta ex multiplicatione scrupulorum & latitudinis est g. 1.  
 / 56. // 1.  
 Ergo ad datum tempus erat latitudo Iouis Meridionalis g. 1. / 56. // 1.

### *Calculus longitudinis Martis.*

Medius motus Solis S. 6. g. 24. / 13 // 59.  
 Anomalia Eccentrici S. 4. g. 12. / 9. // 2.  
 Argumentum medium S. 10. g. 11. / 17. // 11.  
 Prosthaphæresis centri g. 8. / 47. // 35. subtrahenda à centro medio & addenda argumento medio.  
 Scrupula proportionalia / 43. // 37.  
 Centrum verum S. 4. g. 4. / 21. // 27.  
 Argumentum verum S. 10. g. 20 / 4. // 46.  
 Equatio argumenti g. 14. / 47. // 5. addenda.  
 Excessus g. 1. / 53. // 43.  
 Pars proportionalis orta ex ductu scrupulorum proportionalium in excessum est g. 1. / 22. // 39.  
 Equatio argumenti ultimo coæquata g. 16. / 9 // 44.  
 Distantia Martis à medio motu Solis in præcedentia S. 11. g. 6 / 14 // 30. hæc subtrahenda à medio motu Solis prodit.  
 Distantia Martis à cornu Arietis contra consequentiam S. 7 g. 17 / 59 // 29 huic præcessio æquinoctiorum vera addita S. 0 g. 28 / 24 // 0 resultat distantia ab æquinoctio apparente S. 8 g. 16 / 23 // 29.  
 Ergo ad propositum tempus Martis verus locus g. 16 / 23 // 29 Sagittarii.

### *Calculus latitudinis Martis.*

Centrum verum S. 4 g. 4 / 21 // 27. Argumentum verum S. 10 g. 20 / 4 // 46.  
 Scrupula proportionalia / 33 // 36.  
 Latitudo Meridiana / 13.  
 Pars proportionalis orta ex multiplicatione scrupulorum proportionalium per latitudinem est. / 7 // 16.  
 Ergo Mars ad datum tempus ab Ecliptica distabat / 7 // 16 meridiem versus.

### *Calculus Solis.*

Medius seu longitudinis motus S. 6 g. 24 / 13 // 59.  
 Anomalia apogæi S. 5. g. 27 / 51. // 49.  
 Anomalia argumenti medii S. 4 g. 11 / 47 // 43.  
 Prosthaphæresis centri / 19 // 3 addenda argumento.  
 Argumentum verum S. 4 g. 12 / 6 // 46.

N

rotha.



## P R O B L E M A T A

Prosthaphæresis argumenti primo correctæ g. 1. / 23 / 134 abstractiua.

Æquatio excessus / 0 / 11 semper æquationi argumenti addenda.

Prosthaphæresis argumenti ultimo correctæ g. 1. / 23 / 155.

Distantia vera à cornu Arietis S. 6 g. 22 / 50 / 14.

Æquinoctiorum vera præcessione addita S. 0 g. 28 / 14 / 10 confurgit.

Vera distantia Solis ab æquinoctio vero S. 7 g. 21 / 14 / 14.

Ergo Sol ad tempus propositum tenebat g. 21 / 14 / 14 Scorpii.

### *Calculus longitudinis Veneris.*

Medius seu longitudinis motus S. 6 g. 24 / 13 / 59.

Anomalia argumenti medii S. 1 g. 0 / 0 / 51.

Æquatio centri / 49 / 52 addenda argumento medio & auferenda à centro medio & longitudine media.

Scrupula proportionalia / 57 / 11.

Argumentum verum S. 1 g. 0 / 50 / 43.

Centrum verum S. 5 g. 5 / 3 / 17.

Longitudo à cornu Arietis primo coæquata S. 6 g. 23 / 24 / 17.

Æquatio argumenti g. 12 / 43 / 51 subtractiua.

Excessus / 13 / 55 Pars proportionalis orta ex multiplicatione scrupulorum proportionalium & excessu / 12 / 25.

Æquatio argumenti ultimo correctæ g. 12 / 56 / 16 subtrahenda à longitudine primo æquata vt euadat.

Distantia vera à cornu Arietis S. 6 g. 10 / 27 / 51 cui si addatur.

Præcessio æquinoctiorum vera S. 0 g. 28 / 24 / 10 confurgit.

Vera distantia ab æquinoctio apparente S. 7 g. 8 / 51 / 51.

Ergo ad datum tempus Venus decurrebat g. 8 / 51 / 51 Scorpii Solẽ antecedẽ.

### *Calculus latitudinis Veneris.*

Argumentum verum S. 1 g. 0 / 50 / 43.

Centrum verum S. 5 g. 5 / 3 / 17.

Scrupula proportionalia declinationis / 25 / 18.

Scrupula proportionalia reflexionis / 54 / 11.

Scrupula proportionalia deuiationis / 48 / 46.

Latitudo Declinationis / 57 Septentrionalis.

Latitudo Reflexionis / 41 Meridiana.

Latitudo Deuiationis / 8 Septentrionalis.

Pars proportionalis quæ est vera latitudo Declinationis / 24 / 12.

Pars proportionalis quæ est vera latitudo Reflexionis / 37 / 11.

Pars proportionalis quæ est vera latitudo Deuiationis / 6 / 30.

Conflatum ex latitudinibus septentrionalibus / 30 / 32 quod à latitudine Reflexionis meridiana sublatum relinquit.

Latitudinem veram ad datum tempus / 6 / 29 Meridianam.

### *Calculus longitudinis Mercurij.*

Medius seu longitudinis motus S. 6 g. 24 / 13 / 59.

Centrum



## A S T R O N O M I C A

Centrum medium S. 11 g. 21 / 25 // 39.  
 Argumentum medium S. 9 g. 1 / 15 // 59.  
 Æquatio centri 24 / 33 addenda longitudini mediæ & abstrahenda ab argu-  
 mento medio.  
 Scrupula proportionalia // 49.  
 Argumentum verum S. 9 g. 0 / 51 // 26.  
 Centrum verum S. 11. g. 21 / 50 // 12.  
 Longitudo Planetæ primò æquata S. 6 g. 24 / 38 // 32.  
 Æquatio argumenti g. 17 / 59 // 40 subtrahenda.  
 Excessus g. 3 / 54. // 29.  
 Pars proportionalis orta ex ductu scrupulorum proportionalium in excessu est  
 / 3 // 11 semper æquationi argumenti addenda.  
 Æquatio argumenti vltimò coæquata g. 13 / 2 // 51 subtrahenda à longitudine  
 Mercurii primò æquata, vt euadat.  
 Verà distantia Mercurii à cornu Arietis S. 6 g. 6 / 35 // 41.  
 Cui præcessio æquinoctiorum vera addita S. 0 g. 28 / 24 // 0 confurgit.  
 Distantia vera ab æquinoctio apparente S. 7 g. 4 / 59 // 41.  
 Ergò ad datum tempus Mercurius erat in g. 4. / 59 // 41 Scorpî solem ante-  
 cedens,

### *Calculus latitudinis Mercurij.*

Centrum verum S. 11 g. 21 / 50 // 12.  
 Argumentum verum S. 9 g. 0 / 51 // 26.  
 Scrupula proportionalia Declinationis / 8 // 13.  
 Scrupula proportionalia Reflexionis / 59 // 14.  
 Scrupula proportionalia Deuiationis / 58 // 13.  
 Latitudo Declinationis / 2 Septentrionalis.  
 Latitudo Reflexionis g. 2 / 6 Septentrionalis.  
 Latitudo Deuiationis g. 0 / 45 Meridionalis.  
 Pars proportionalis quæ est vera latitudo Declinationis // 36 Septentrionalis.  
 Pars proportionalis quæ est latitudo obliuationis g. 2 / 4 // 23 a qua pars de-  
 cima eiudem latitudinis obliuationis abstracta v. / 12 // 26 prodit vera  
 latitudo obliuationis g. 1 / 51 // 57 Septentrionalis.  
 Pars proportionalis quæ est vera latitudo Deuiationis / 41 // 48 Merid.  
 Aggregatum ex latitudinibus veris Septentrionalibus g. 1 / 52 // 33 a quo ab-  
 stracta vera latitudo Deuiationis Meridiana, remanet.  
 Vera & coæquata Lunæ latitudo ad datum tempus g. 1 / 10 // 45. Septentr.

### *Calculus longitudinis Lune.*

Centrum medium S. 7 g. 4 / 45 // 22 Argumentum medium S. 5 g. 14 / 57 // 7.  
 Medius seu longitudinis motus S. 7 g. 11 / 36 // 38.  
 Æquatio centri g. 8 / 29 // 34 addenda argumento medio.  
 Argumentum verum S. 5 g. 23 / 26 // 41.  
 Æquatio argumenti / 37 // 0 Subtrahenda.  
 Æquatio excessus / 2 // 30.  
 Æquatio argumenti coæquata / 39 // 30 subtrahenda.  
 Distantia Lunæ à cornu Arietis S. 7 g. 10 / 57 // 8, huic.  
 Præcessio æquinoctiorum addita S. 0 g. 28 / 24 // 0 confurgit.

N2

Vera



## T H E O R E M A T A

Vera distantia Lunæ ab æquinoctio apparente S. 8 g. 9 / 21 // 8.  
Ergo ad datum tempus Lunæ locus verus fuit g. 9 / 21 // 8 Sagittarii.

### *Calculus latitudinis Lunæ.*

Medius motus latitudinis seu à Boreo limite S. 7 g. 28 / 27 // 45.  
Verus motus Lunæ à Boreo limite S. 7 g. 27 / 48 // 15.  
Distantia vera à capite Draconis S. 1 g. 2 / 11 // 45 seu g. 32 / 11.  
Distantiæ huic in tabula sinuum respondet sinus 53263.  
Distantiæ limitum ab Ecliptica quæ semper est g. 5 sinus 8715.  
Quotiens ex diuisione producti per multiplicationem sinuum 4631.  
Quotienti in tabula sinuum respondent facta correctione per partem proportionalem g. 2 / 39 // 16.  
Ergo ad datum tempus vera Lunæ latitudo g. 2 / 39 // 16 Merid: ascendens.

## T H E O R E M A I.

### *Planetæ plures esse quam septem.*

**C**onstans & inuariata fuit omnibus seculis Astronomorum opinio non plures quam 7. stellas erraticas esse. Verum cum seculis ipsis opinio hæc nostro seculo consistere non potest, accedente enim temporibus nostris nouo instrumento (perspectiuam aut tubum opticum moderni nominant) quo res ob nimiam distantiam obtutum humanum fugientes, clarè ac si propinquæ essent in aspectum deducuntur. Cum nouo igitur hoc instrumento nouus pariter numerus planetarum adiacentium principalioribus comparuit. Ante annos circiter 23 Galileus Patavinus Mathematicus prior se obseruasse fatetur circa Iouē 4 adiacētes stellas, quas primo intuitu ratus è numero inerrantiū, cursu tamen earum sæpius considerato, erraticas esse deprehendit. Nec immerito, varius enim & velox illorū syderū motus, nūc vnū, nūc duo, nūc tria, nūc 4 (vt Galileus obseruauit) diuersæ magnitudinis sydera ostendens, eandem tamen lineam, parallelam v. Eclipticæ tenentia, illa è numero erraticorum esse conuincit. Obseruatus est hic cursus & ordo varius dictorum adiacentium planetarum à meo Professore, quem vt veritas theorematismis comprobetur, motusq; velox appareat, hic proponere placuit. Anno itaq; 1632. Mense Decembri hic numerus & dispositio fuit.

D. 18. circa 7 vespertinam Oriens	*	✳			Occidens.
D. 30 H. 9 post meridiem Oriens	*	*	✳		Occidens.
D. 19 H. 9 post meridiem Oriens.	*	✳	*		Occidens.

Anno 1633. Mense Ianuario.

D. 12 H. 1 post mediam noctem Oriens	*	✳	*	*	Occidens.
D. 12 H. 6. post meridiem Oriens			✳	*	Occidens.
D. 13. H. 12. post meridiem Oriens			✳	*	Occidens

Fixa quispiam omnino esseuerabit hæc sydera, sed noua & noua dispositione propter



## A S T R O N O M I C A

propter motum planetæ ad ea accedentis: at quo fundamento? cur semper in parallela Eclipticæ comparent? cur abscedente ab eo loco principaliore planeta, adhibito eodem instrumento amplius non conspiciuntur? cum tamen spectabiliores esse deberent, lumen enim copiosius planetæ, obscurat ad iacentes minores stellas, prout Luna plena in toto hemisphærio, non tantum minores, sed & magnitudinis maioris stellas occultans, nos edocet.

### T H E O R E M A II.

*Sydera quoad aspectum nostrum non equaliter illuminantur.*

**V**eritas est cui nemo sine nota refragari potest, omnia sydera copioso lumine quod conspiciamus, à sole mutuato fulgere, quædam magis quædam minus prout materia illorum densior fuerit. Omnia sydera tam superiora quam inferiora Sole, tam erratica quam fixa, semper media sui parte eaq; maiore vel minore prout à Sole magis vel minus elongantur, illuminantur; tamen sic media illuminata superiora tantum tam erratica quam fixa, semper nobis spectanda obiciuntur, tres verò inferiores planetæ Venus Mercurius & Luna, iam corniculati, iam pleniores, prout in Luna nimis apertè, in Venere & Mercurio adhibito instrumento patet: causam huius aliam non agnosco quam opacitatem syderum, vnde ea tantum superficie lumen Solis reflectunt, quæ solem respiciunt, alia tenebriosa cum natiuo lumine remanente. Cum ergo sol superiora astra ab infra illuminet ea videlicet parte quæ nos respicit, idcirco semper media sui parte illuminata intuemur: tribus verò inferioribus, cum Sol superior sit, fit vt circa conjunctionem suam cum Sole desuper illuminentur, obscura remanente parte inferiore, quæ quo magis a Sole recedunt, magis ac magis illa sui parte quæ nos respicit illuminantur.. Porro corniculationis tum inferiorum planetarum causam pandit rotunditas ipsorum planetarum.

### T H E O R E M A III.

*Parallaxium in Eclipsi Solis non item Lune ratio habenda.*

**Q**uemadmodum motum verum Solis aut alicuius planetæ designat linea in Zodiaco transiens ex centro mundi per centrum planetæ; ita Eclipsim veram Solis linea transiens ex eodem centro mundi per vtrumq; luminare. Hoc tempus veræ Eclipsidis non coincidit cum tempore quo a nobis conspicitur, nisi coniunctio Luminarium circa meridianum fiat, alias enim propter parallaxim seu diuersitatem aspectus, aut citius quam in re est, aut tardius a nobis videtur, propter distantiam enim satis notabilem oculus noster à centro terræ, Luminaria non in vero sed in viso loco videt, qui locus visus à vero maximè differt luminaribus circa horizontem existentibus, minus quo magis ad meridianum accedunt. Vnde Eclipsidis Solis ante meridiem incidens, tardius in re contingit quam a nobis videtur, è contra post meridiem tardius a nobis videtur, quam in se contingit. In Lunæ tamen Eclipsi parallaxis locum non habet lunæ enim obscuratio non tenet se ex parte oculi nostri, sed ex parte interpositionis terræ inter Solem & Lunâ, Solis verò Eclipsidis est interpositio Lunæ inter solem & aspectum nostrum, vnde licet Luna ratione lineæ ex centro mundi



## THEOREMATA

Soli directe opponatur, non semper tamen tunc opponitur ratione lineæ visualis. Quare Luna siue in vero siue in viso loco videatur, talis videtur qualis a parte rei est, obsecrata vel illuminata. Et hinc etiam est quod in Eclipsi Lunæ spectanda sit vera distantia Lunæ ab alterutro nodorum, quam distantiam Ptolemaeus ut aliquomodo Luna obscuretur requirit  $g \frac{15}{20}$ . Tycho vero  $g \frac{12}{55}$ . In Eclipsi Solis latitudo Lunæ apparens superare debet semidiametros utriusque Luminaris simul iunctas.

## THEOREMA. IV.

*Dies apparens & medius necessario ab Astronomis admittitur.*

**N**aturalis seu apparens dies, est tempus interceptum inter meridiem antecedentis & sequentis diei, seu est tempus quo sol a circulo meridiano aliquis loci ad eundem motu vero seu apparente reuoluitur. Intra tempus hoc integer Æquator reuoluitur & insuper eius particula, quæ respondet vero motui solis in Zodiaco, quam sol motu proprio ab occasu in ortum conficit. Hi dies apparentes sunt inæquales, tum propter inæqualem motum solis in Ecliptica, sol enim ratione Epicycli sui, & Eccentrici ut in Theorica solis diximus, iam tardius, iam velocius mouetur: tum propter inæqualitatem Eclipticæ, constat enim æqualibus Æquatoris partibus, inæquales Eclipticæ partes respondere, quo fit, ut cum particula Æquatoris inæqualis sit, quæ singulis diebus ob motum solis integræ reuolutioni Æquatoris adycitur, inæquales quoque dies apparentes esse est necesse. Hi ergo dies cum sint inæquales, regula & mensura motuum celestium esse non potuerunt, ideo Astronomis necessarium fuit excogitare aliud diem medium & æqualem, qui est tempus quo integer Æquator cum particula illa Zodiaci, quam sol singulis diebus, medio motu conficit, videlicet  $\frac{1}{59} \frac{1}{8}$ , ad meridianum reuoluitur: est autem dies hic medius seu æqualis Hor:  $24 \frac{1}{3} \frac{1}{57}$ . Atque ita in 365 diebus numerantur reuolutiones integræ Æquatoris & Zodiaci 366, nam 365 vicibus  $\frac{1}{59} \frac{1}{8}$  repetita, constituunt integrum Æquatoris & Zodiaci circumulum. Hinc manifesta habetur ratio, cur stellæ nunquam æquali tempore oriuntur? illæ enim quæ hodie hora 8 oriuntur, post dies circiter 30 oriuntur circa Horam 6. Differentia qua verus seu apparens dies naturalis, a medio seu æquali discrepat, æquatio dierum appellatur, quæ differentia etsi inter duos proximos dies parum differat, negligenda tamen non est, si fiat comparatio ad dies inuicem distantes.





\* \* \* \* \*

THEOREM A. I.

Numerus & Arena totius Terra.

THEO-



## T H E O R E M A T A

### T H E O R E M A II.

*Tota Terræ moles continuò tremit.*

**C**um Terra omnium ponderum sit grauiſſima, ipſo naturali impetu in unum vniuerſi petit locum, ita vt centrum eius grauitatis centro Mundi coniungatur, quæ centra cum continuò mutantur, continuo etiam Terram Motu trepidationis moueri eſt neceſſe. Hunc terræ continuum motum hæc ratio non ſenſibus ſed Intellectui perſuadet. Quandoquidem centrum grauitatis Terræ geometricè & in omni rigore Mathematico Centro vniuerſi reſponder, debet neceſſario in eodem rigore Mathematico, æqualis eſſe grauitas Terræ circa centrum, ac conſequenter dum aliquod graue, quantulumcunq; illud ſit, vni parti accedit terræ & non alteri, vel ab vna tollitur & non ab alia, centrum grauitatis mutatur; iam enim ex vna parte terra grauior eſt quàm ex alia, ac proinde centrum grauitatis terræ, diſtinctum manet à centro vniuerſi. Centro ſic mutato terra deſinit eſſe in ſuo loco connaturali, cum conſtitutio illius naturalis conſiſtat in geometrica centri terræ cum centro vniuerſi coniunctione; vnde vt vnum alteri iungatur, terram moueri neceſſe eſt; quare cum continuò hæc partium grauitatis fiant mutationes, continuo enim ratione totius terræ ſunt additiones & ſubtractiones partium grauitatis (idem omnino præſtat & motus quilibet vni parti terræ & non alteri impreſſus) continuo etiam tota terræ moles trepidabit.

Noſtram hanc veritatem experientiæ quædam notiſſimæ conuincunt: Eunte aliquo numeroſo & ponderoſo exercitu, poſt aliquot etiam noſtracia miliaria tempore tranquillo, diligens rei indagator terram concuti obſeruabit, Dum ſubterranei aguntur cuniculi, in ſatis bona diſtantiâ acus in tympano poſita ad quemlibet ſolſorum ictum reſiliet, tintinnabula in arboribus ſuſpenſa mouebuntur, quod fieri non poſſet niſi tota terræ moles tremere; pars enim alicuius corporis ſolidi, continui & non flexibilis, moueri ſola non poteſt quin totum corpus moueatur. Hic tamen motus terræ non eſt in omnibus partibus terræ æqualis, ſed maior in illis quæ impreſſioni vicinæ ſunt, minor & minor in remotioribus, ac conſequenter non in omnibus partibus notabiliter ſentiri poteſt, ſed tantum in vicinis impreſſioni: maniſeſtum huius hoc capiamus experimentum; ponantur in alicuius menſæ longioris & ſolidioris vtroq; ſine duo munifmata, factaq; in vno ſine menſæ impreſſione, numiſma proximius tinniet & reſultabit, immoto alio ad ſenſum remanente, eſto tota menſa, cum ſit ſolida, continua & non flexibilis, moueatur.

### T H E O R E M A III.


*Totam terræ molem vnus puſio mouere loco poſſet.*

**O**ptimè & veriſſimè Archimedes audacter pronunciauit, da mihi vbi ſtem (extra terrâ videlicet) & mouebo terram. Huius celeberrimi theorematis demonſtratio pendet ex illo vnico principio, quod videlicet pondera in æqualia, in æqualibus libræ brachiis ſuſpenſa, ſitu ſiant æquipondia, quando eſt ea proportio grauitatis maioris ad minorem, quæ eſt diſtantiarum permutatim. Sit vectis A B. in partes 13. æquales diuiſus, hunc fulcrum (vna parte à principio vectis



## S P H Æ R Æ E L E M E N T A R I S

vectis distans sustentet, pondereq; prius in A suspenso tanto, vt vectis A B in æquilibrio consistat, suspendatur aliud pondus in eodem A vnus v g. Libræ, & aliud similiter æqualis pōderis in E, in æquali parte vectis a fulcro, pondera in A & E, æquipondia erunt. Suspenso vero pondere in A, duarum librarum,



& altero in F vnus libræ, pondus vnus Libræ, & pondus duarum librarum, similiter æquipondia erunt, Et sic consequenter promouendo pondus vnus libræ ad G H. I. K. L. M. N. O. P. semper pondus vnus libræ augebitur, ita vt in Q pondus vnus libræ suspensum, præponderet pondus 12 librarum, in A suspensum. Hoc principium sic ad Theorema propositum applicatur. Supposita terræ magnitudine pedum cubicorum plus æquo maiore (vt manifestior appareat veritas) sit pedum 3000 000 000 000 000 000 0000. Vectis vero sit tantus, qui longitudine exæquet spatium 3000 000 000 000 000 000 0000. stadiorum, tunc suspensio grauissimo pondere Terra vno stadio a fulcro vectis. Pusio, qui vnicum pedem cubicum terræ leuare possit, in fine vectis constitutus facilius moueret vniuersam Terræ molem quàm sine vecte moueret vnum pedem cubicum Terræ. Hæc veritas sic demonstratur. Eadem est ratio distantia potentia Motiua a fulcro, ad distantiam Terræ mouendæ ab eodem fulcro, quæ est ponderis mouendi ad eandem potentiam, imò hæc multo minor, eò quod magnitudinem Terræ æquo maiorem posuerimus. Pusio ille minorem sentiret laborem, quò altius Terram eleuaret, Potentia enim si fursum vecte moueat pondus, cuius centrum grauitatis est supra vectem, eò semper minor ac minor requiritur, quò pondus altiùs eleuatur, quandoquidem pondus quò altius eleuatur, fulcro viciniùs redditur, pondere vero viciniùs fulcro vectis constituto, maior proportio redditur distantia mouentis a fulcro, respectu distantia ponderis ab eodem fulcro, quàm antea fuit.

### T H E O R E M A. III.

#### *Situs ædificiorum exstruendorum.*

**A**D firmam & stabilem ædificiorum erectionem, latera ad perpendicularum erigenda sunt, vt pars superior parietis inferiorem in linea grauitatis premat, quod fit dum latera circa basim ædificii minùs quàm circa verticem a se distant, aliàs totum ædificium repentinæ ruinæ obnoxium erigitur. pars enim, superior ( si oppositè ædificium exstruatur ) non in eadem linea grauitatis, in qua partes circa fundamentum grauitaret, ac proinde durable huiusmodi ædificium, cum pars superior fundamento careret, esse nequaquam posset. Ad salubrem verò & humanæ complexionis fauentem inhabitationem, ædificiorum latera non sunt erigenda directè ad 4. Mundi partes cardinales, ita vt directè Meridiem, Septentrionem, Ortum & Occasum æquinoctialem respiciant, sed potius collateraliter, ortum & occasum æstiuum aut hyemalem versus. Hunc situm ædificiorum persuadet naturalis Philosophiæ efficax ratio, cum



enim enim venti ex 4 partibus cardinalibus flantes, duarum qualitatum prædominio, in excellenti polleant, à Borea Frigidus & Siccus, ab Austro Calidus & Humidus, ab Ortù Calidus & Siccus, ab Occasu Frigidus & Humidus, faciliè ad ædificiorum latera directè opposita allapli per fenestras & portas, humana corpora in temperato aëre, qui ut plurimùm est intra parietes, sua immoderata inclementia alterare possunt; venti verò collaterales, cùm illas duas qualitates ventorum principaliorum refractas habeant, magis complexioni Humanæ ex 4. qualitatibus contemperatæ fauent, ac proinde ratione sui temperamenti, eidem minùs nocere possunt.

#### T H E O R E M A IV.


*Prima dies post Creationem Cæli & Terræ non fuit ubiq̃ equalis.*

**E**st quorundam Theologorum sententia, post creationem Cæli & Terræ intercessisse tempus imaginarium horarum 12; post, creata est lux sub circulo æquinoctiali quæ primos tres dies, quemadmodum sol modo sub æquatore existens, meriebatur: Initium motus lucis prædictæ fuisse orientem terræ Palæstinæ, revolutionem suam integram die naturali, seu intra 24. horas perfecit. De his D. Thomas in opere 6. dierum. Becanus in 1. p. tract. 4. c. 3. de opere 6 dierum. Quæ probabilissima Doctorum sententia admissa, Dico diem primam tam naturalem quàm artificialem non fuisse ubiuis locorum æqualem, nam apud solos Palæstinos, (quibus lux illa hora 6. oriebatur) fuit dies artificialis 12. horarum, nox 12. horarum imaginariarum, atq̃ adeo apud illos tantum dies naturalis, qui initium ab occasu imaginario (tenebræ enim lucem antecesserant) sumebat, fuit 24. horarum, in reliquis mundi partibus iam minor, iam maior; maxima dies prima naturalis fuit 36. minima 13. horarum. In loco Vilnensi in Lithuania, dies artificialis fuit horarum 12. nox (Cum Vilna ab Hierosolymis occidentem versus 23. gradibus distet) horarum imaginariarum 12. verarum 1. / 32. atq̃ adeo prima dies naturalis fuit h. 35. / 32. Romæ in Italia dies artificialis horarum 12. naturalis horarum 26. / 6. Viennæ in Austria, dies naturalis horarum 35. / 48. Cracoviæ in Polonia dies naturalis prima horarum 25. / 52. Madridi in Hispania dies artificialis 12. horarum, nox horarum 15. / 16. dies naturalis horarum 27. / 16. Granatæ in Hispania dies naturalis horarum 27. / 8. Mexici in noua Hispania quæ à meridiano Hierosolymitano ab ortu in occasum g. 175. distat, nox prima H. 22. / 20. Dies naturalis H. 34. / 20. In partibus nouæ Hispaniæ à loco Hierosolymitano g. 180. distitis, prima dies naturalis H. 36. In Iaponia nox fuit H. 12. imaginariarum, dies artificialis H. 5. Dies naturalis H. 17. His lux post creationem sui H. prima post meridiem, iuxta modernum tempus existente sole sub æquatore, comparuit. Goæ, cùm hæc orientem versus g. 33. à loco Hierosolymitano remoueatur, fuit dies artificialis H. 9. / 48. dies naturalis H. 21. / 48. His prima lux comparuit H. 8. / 12. ante meridiem, iuxta tempus nostrum, ut dixi, si enim ante creationem lucis in loco Goano solare existisset, umbra styli immediate post creationem lucis H. 8. / 12. indicasset, in loco verò Iaponiæ Horam 1. post meridiem.



COMPV.





# COMPVTVS ECCLESIASTICVS

**C**alendarium Romanum vt à grauibus erroribus in quos ob in-  
 euales motus solis & Luna prolapsus fuit, vindicaretur, Gregorius XIII. Pontifex Maximus au-  
 su admirando, adhibitis totius orbis Christiani peritissimis Mathematicis, desudauit, & tandem anno  
 1582 non minus feliciter quam sufficienter Ecclesiæq; Catholica vtiliter, opus ad exitum deduxit. No-  
 bis satis erit fundamentum huius eximij operis & necessitatem correctionis Calendarij Romani adno-  
 tasse, adiuncto simul modo perfacili, quo Paschatus, iuxta correctum & verus Calendarium celebra-  
 di dies sunt adinuenienda.

## DE ANNO SOLARI.

**A**nus Solaris alius est Astronomicus alius Ciuilis; Astronomicus alius syde-  
 reus alius Tropicus qui & vertens seu Temporalis dicitur, vterq; alius ve-  
 rus seu apparens & inæqualis, alius medius & æqualis. Annus sydereus æqua-  
 lis, est Solis ab aliqua stella fixa ad eandem motu medio seu æquali reuolutio:  
 hic est D. 365. H. 6 / 9 / 39. iuxta computum Copernici, Verus seu apparens  
 est inæqualis, iam maior, iam minor medio, tum propter annum verum mo-  
 tum inæqualem octauæ sphaeræ, tum propter inæqualem mutationem abli-  
 dum & Eccentricitatis solis. Tropicus annus æqualis, est Solis ab æquinoctio  
 aut Solstitio vero ad idem motu medio conuersio, hic iuxta calculum Co-  
 pernici est D. 365. H. 5. / 49. / 16. Annus verò Tropicus verus seu appa-  
 rens inæqualis est ob has quatuor causas quas solerter Copernicus annotauit 1.  
 Inæqualis annua & vera æquinoctiorum præcessio. 2. Inæqualis verus motus  
 annuus Solis, Sol enim circa apogæum tardius mouetur, velocius circa peri-  
 gæum, ita vt sole in Apogæo existente dum est initium anomalix seu argu-  
 menti, Sol diurno vero motu conficiat 56 / 46. existente verò eodem sole  
 circa perigæum, & anomalia seu argumento sig. 6, vero diurno motu conficit  
 g. 1. / 1. / 6. 3. Inæqualis Apogæi Solis mutatio. 4. Inæqualis mutatio Ec-  
 centricitatis Solis, propter quam continuo æquationes solis mutari debent. Hu-  
 ius anni Tropici inæqualis non æqualem tabulæ Astronomix à variis conscri-  
 ptæ referunt magnitudinem, eo quod quilibet suarum tabularum æquationes  
 composuerit ad eam Eccentricitatem solis quæ eius seculo contigit. Porro  
 annus Tropicus seu vertens Maximus est existente anomalia in principio & fi-  
 ne suæ reuolutionis, seu in principio signi primi & fine duodecimi: Minimus  
 dum anomalia est in fine signi sexti & initio septimi. Medius tenente ano-  
 malia finem tertij & noni, initium verò quarti & decimi signi. Huius  
 ratio ex mente Copernici est inæqualis annua æquinoctiorum præcessio, si e-  
 nim hæc ad tempus, v. horas, minuta &c. reducta abstrahatur ab anno syde-  
 ro medio, qui est dierum 365. H. 6 / 9 / 39. resultat vera magnitudo anni  
 Tropici: præcessio autem æquinoctiorum vera iam maxima, iam minima, iam  
 media est; Minima existente anomalia in principio & fine librationis, tunc e-  
 nim cælum nonum ab ortu in occasum libratur, quod suo motu contraveni-  
 endo motui octauæ sphaeræ eundem retardat, ac consequenter minimam æqui-  
 noctiorum præcessionem causat, quæ quo minor fuerit, resoluta in tempus,  
 pauciora minuta & secunda Horaria producit, hæc abstracta ab anno sydereo  
 magnam relinquunt anni Tropici magnitudinem: Maxima tenente anomalia  
 finem secundi & initium tertij quadrantis, seu finem sexti & initium septimi  
 signi



## C O M P V T V S

signi tunc enim cælum nonum ab occasu in ortum mouetur, ac proinde adiun-  
nat motum octauæ sphaeræ, ita vt vera æquinoctiorum præcessio tunc vnum  
minutum excedat: Media demum est præcessio æquinoctiorum existente ano-  
malia in fine primi & tertii, & in principio secundi & quarti quadrantis, tunc  
enim anomalia veluti in trāuersum fertur, & motus annuus nonæ sphaeræ vix  
vnius tertii reperitur. His itaq; sic positis Ptolomæus suo tempore anno Do-  
mini 130. existente anomalia in S. 1. g. 11. / 10 // 10. deprehēdit veram anni  
Tropici magnitudinem Dierum 365 H. 5. / 55 // 12. Albategnius anno Christi  
880. tenente anomalia æquinoctiorum S. 6 g. 18. / 15. // 10. Dierum 365 H. 5.  
/ 46. // 25. Ex Alphonsinistabulis quæ ortæ sunt anno 1250. decurrente a-  
nomalia S. 9. g. 5. / 44. // 50. colligitur vera anni vertentis magnitudo Di-  
erum 365. H. 5. / 49. // 16. Nicolaus Copernicus tandem ex suis hypothesi-  
bus veri anni Tropici limites præfinit, maximum quidem statuit D. 355. H. 5.  
/ 55. // 37. // 40. Minimum D. 365. H. 5. / 42. // 55. // 7. Medium ( quem  
tabulæ Alphonsinæ ponunt ) D. 365. H. 5. / 49. // 16. // 24. Differentia in-  
ter maximum & minimum annum Tropicum est / 12. // 42. // 33.  
Annis Præsentibus cū Anomalia æquinoctiorum percurrit S. 11 G. 25 & se-  
quentes. Vera anni Tropici magnitudo est propè maximam; est enim dierum  
365 H. 5 / 55 // 37: anno verò 1653 quando Anomalia æquinoctiorum in-  
cipit, erit insuper // 40, qui iuxta mentem Nicolai Copernici est terminus  
maximæ magnitudinis anni Tropici.

Ciuilis annus varius à variis anteactis multis seculis statuebatur. Græci qui  
annum Lunationibus mensurabant, annum dierum 354. statuerunt, verū cū  
viderent singulis annis annum suum deficere diebus 11. horis 6. ab anno solari,  
& quia molestum illis fuisset intercallare singulis annis dies 11. & quadrantem  
diei, idē quolibet octauo anno intercallabant dies 90 ( dies enim 11. & horæ  
6. multiplicatæ per 8. constituunt dies 90 ) & sic annus intercallaris Græco-  
rum fuit dierum 444. Iulius tandem Cæsar videns magnam temporum in-  
constantiam, Græcorum annum ad cursum solis reduxit, addendo anno Græ-  
corum communi dies 11. horas 6. ita vt annus Iulianus communis constaret  
diebus 365. horis 6. verū quia per annos quatuor ex 6. horis vna dies crescit  
idē quarto quoq; anno intercallationem seu additionem vnius diei instituit  
6. Calendas Martii faciendam, vnde annus ille intercallaris 366. dierum Bis-  
sextus seu bissextilis appellatur, eò quod in Calendario & in Romano Marty-  
rologio bis 6. Calendas Martii repetatur.

## D E A N N O L V N A R I.

**Q**uemadmodum annus Solaris ita & Lunar is alius est Astronomicus alius  
Ciuilis, Astronomicus verus & apparens inæqualis ac varius, cuius noti-  
tia ex theoricis petenda. Ciuilis alius communis alius Embolismicus. Com-  
munis constat 12. Lunationibus, seu vt plurimum diebus 354. nonnunquam  
353. vnde annus solaris lunarem superat 11. diebus, Lunatio autem seu reuolu-  
tio Lunę ad Solem ( quę Lunatio Astronomis media appellatur ) motu me-  
dio, constat diebus 29. H. 12. / 44. ita vt plenilunium medium, a coniunctio-  
ne mediæ Solis cum Luna, contingat post dies 14. H. 18. / 22. prima quadra  
post dies 7. H. 9. // 11; Ecclesia propter varias insequentes difficultates, & erro-  
res qui in celebratione Paschatis facillè committi possent, vitandos, non attēdit  
ad horas



## ECCLESIASTICVS

ad horas & minuta sed tantum ad dies: vnde Ecclesiasticum plenilunium est 14. dies à proximiorie die mediæ coniunctioni Solis cum Luna; quæ in calendario Romano in eum diem incidit cui adscripta est Epacta anni currentis, à qua si dies 14. numerentur plenilunium Ecclesiasticum illo die erit, in quem 14. dies inciderit. Embolismicus annus est 384. aut 383. seu Lunationum 13. cum enim annus Solaris superet annum Lunarem communem, qui plerumq; est dierum 354. (dies enim 29. & horæ 12. per 12. multiplicatæ producant numerum dierum 354.) diebus 11. fit vt sequenti anno nouilunia & plenilunia citius diebus 11. contingant, post annos duos diebus 22. post triennium 33 diebus, atq; ita vna lunatio accedit, & insuper tres dies, propter quos frequenter contingit, vt duo anni embolismici vno tantum anno communi mediante ab inuicem distent. Annus autem embolismicus ille est, quo aliqua harum epactarum currit, 19. 20. 21. 22. 23. 24. 25. 26. 27. 28. 29. aliis Epactis currentibus semper annus est communis seu 12. Lunationum, porro Lunationes 13. quæ 383. aut 384. diebus constant hoc modo in anno solari qui 365. habet continetur; cum enim Lunatio ad eum mensem pertineat in quo finitur, iuxta illud.

### *In quo completur mensi Lunatio detur*

fit vt aliquando finis duarum Lunationum incidat in vnum mensem, & sic 13. erunt illo anno Lunationes, sequenti tamen anno 12. similiter numerabuntur. v. g. Annus 1633. est embolismicus currente Epacta 19, prima Lunatio anni præsentis finita est 11. Ianuarii, secunda 10. Febr. & sic in 11. mensibus 11. Lunationes inueniuntur, in Decembri verò Lunationes duæ finiuntur, vna die 1. altera 30; quare Lunationes Decembris duæ hoc anno erunt, quarum vltima, ea videlicet quæ finitur 30. die Embolismica est, quæ quidem tantum 29. dies complecteretur, nisi propter saltum Lunæ vt vocant Computistæ illi dies vna adiceretur; propter quam causam vt sequentis anni Epacta currens habeatur, adiicienda sunt 12. ad præsentis anni Epactam 19. vt sit Epacta 1. anni sequentis.

## DE TEMPORE ANNO MAIORE.

**I**N tempore annuo maiore continentur reuolutiones Aurei numeri, Epactarum, Cycli Solaris, & Indictionis.

Aureus numerus est Cyclus decennouenalis, seu reuolutio 19. annorum ab 1. vsq; ad 19. qua reuolutione peracta iterum ad 1. reditur. Ecclesia vsq; ad annum 1582. in nouiluniis & pleniluniis inquirendis, aureo numero utebatur: verum quia aureus numerus à prima sui dispositione defecit, ita vt nunc iam duobus, iam tribus diebus (vt infra demonstrabitur) tardius nouilunia & plenilunia indicet; ideò in eius locum assumpta est Epacta multo perfectior ad indicanda nouilunia & plenilunia.

Epacta vox græca, idem sonat quod dies interiectus aut additivus, est numerus dierum qui post vltimam Lunationem in Decembri finitam relinquitur, qui ad sequentis anni Lunationem additur; quot enim dies ad finem Decembris, ab vltimo die lunationis præcedentis exclusiue supersunt, illa Epacta sequentis anni erit. v. g. anno currente 1633. finietur vltima lunatio embolismica dierum 29. die 30. Decemb. ideò cum vna dies ad finem mensis supersit, sequenti anno erit Epacta 1. Item Anno 1634. vltima lunatio 19. Decemb. finitur, & quia ad finem mensis 12. restant dies, ideò Epacta anno 1635. erit 12. & sic de reliquis.



Cyclus Solaris seu Literarum Dominicalium est reuolutio 28. annorum; propterea quod post 28. annos eadem literæ Dominicales redeant. literæ enim Dominicales quæ 7 sunt propter 7 dies hebdomadæ non interruptæ current; nisi per intercallationem vnus diei quarto quoq; anno turbarentur, ideo Cyclus hic procreatur si 7. in 4. ducantur.

Indictio Romana qua olim tempora notabantur, est reuolutio 15. annorum qua peracta iterum ad I. reditur. Huius frequens est mentio in Bullis Pontificum & diplomatibus, alijsq; scripturis publicis etiam in nostris partibus.

## REQUISITA AD PASCHA RITE CELEBRANDVM.

**O**bseruanda sunt diligentissime hæc vt ritè Pascha celebretur. Primum Æquinoctium vernum, cuius ab Ecclesia inuariabiliter statuitur sedes 21. Martij. Secundum Luna prima, quæ illa est, cuius decimaquarta incidit, vel in 21. Martij, vel in sequentem quemcunq; diem vsq; ad 18. Aprilis inclusive, debet enim Pascha celebrari proxima Dominica post decimam quartam Lunæ primæ, quæ si in diem Dominicam incidat Pascha in sequentem Dominicam transfertur III. Ne celebretur Luna 14. cum hæreticis Quattadecimanis IV. Ne differatur ultra 21. Lunæ primæ.

## THEOREMA I.

*Aurei numeri antiqua in Calendario dispositio iam inutilis est.*

**A**cuta Astronomorum à Gregorio XIII Pontifice Maximo ad correctionem Calendarii Romani adhibitorum, obseruatione animaduersum est, nouilunia ad eundem diem in Calendario præfixum præcisè, post reuolutionem aurei numeri, seu annos 19. non redire, sed eundem H. 1. / 27. / 31. anteuertere, ita vt post annos circiter 300. vno die naturali, diem per aureum numerum aut aliquam Epactam designatum, antecedant; quod ex hac operatione adhibita regula proportionum manifestum est, si enim H. 1. / 27. / 31. seu secundis 5251. nouilunia per annos 19. anteuertunt sedes suas, vt integro die naturali, seu 24. horis, seu secundis 86400. suas sedes interuertant; quot anni requiruntur? Multiplicentur secunda 86400. per 19. productum per 5251. diuidatur: Quotiens 312 dabit annos, residuum post diuisionem per 24. multiplicatum (tot enim sunt horæ in die naturali) & per 5251. diuisum dabit H. 15. tempus integrum dierum 312. H. 15. intra quod nouilunia sedes suas in Calendario præfixas vno die naturali anteuertant. Cum ergo à Concilio Nicæno quod anno 312. deliberatum est (quo tempore nouilunia Ecclesiastica cum Astronomicis medijs conueniebant) ad præsentem annum 1633 effluerint anni 1311, in quibus 312 quater inueniuntur, & insuper restant Anni 63, intra quos nouilunia anteuertunt sedes suas H. 4; fit vt nunc aureus numerus iam tribus iam quatuor diebus tardius nouilunia indicet; post annos verò 3120 tardius diebus 14 indicaret eadem; quæ grauissimus error est, tunc enim omnia permutarentur, dum esset plenilunium, aureus numerus tunc nouilunium indicaret, & e contra illo die in quem nouilunium incidere, numeraretur ex aureo numero decimaquarta mensis seu Lunæ, sicq; non post 14 Lunæ, sed post nouilunium proxima Dominica Pascha celebraretur.



# ECCLESIASTICVS

## THEOREMA II.

*Epactæ rectius nouilunia quàm aurei numeri indicant.*

**Q**uandoquidē aurei numeri suis semper diebus semel dispositi immoti manent, diu nouilunia rectē indicare non valent, eò quod nouilunia anticipent sedes suas, verū post singulos 312 annos aliter & aliter in Calendario disponi deberent, vt absq; errore nouilunia & 14. Lunæ indicarent. Hanc molestam curam, frequentiusq; recurrentem laborem circa aurei numeri dispositionem, Epacta 30 semel disposita sustulit; nam licet per 300 circiter annos ex 30 Epactis nonnisi 19 sint in vsu, alijs vndecim vacantibus, tamen quia nulla dies in Calendario reperitur quæ suam Epactam adscriptam non habeat, elapso tempore quo nouilunia sedes suas vno die naturali antecurrerunt, sine labore assumuntur illæ residuæ 11 Epactæ quæ in vsu non erant, vt nouilunia vno die in Calendario sedes suas quibus priores Epactæ 19 adscriptæ sunt, nonnunquam antecedentia, vno die citius indicent. v. g. ab anno correctionis Calendarij 1582 vsq; ad annum 1700 currunt hæ Epactæ.

1. 12. 23. 4. 15. 26. 7. 18. 29. 10. 21. 2. 13. 24. 5. 16. 27. 8. 19. vacantibus interim Epactis \* 11. 22. 3. 14. 25. 6. 17. 28. 9. 20. quæ ab anno 1700 resumuntur, suntq; in vsu per 300 annos, vsq; ad annum 1900, decem ex illis, vacante adhuc insequentibus annis 300 Epacta 20, quæ in vsu esse incipiet anno 1901 cum aureo numero. 2.

## THEOREMA III.

*Calendarium Romanum necessario corrigendum erat.*

**E**cclēsia Romana in computatione annorum vtitur anno Iulij Cæsaris qui diebus 365 constat & insuper horis 6, propter quas singulis 4 annis fit intercallatio seu additio vnius diei, ita vt annus intercallaris seu bissextus 366 diebus constet. Verum cū annus Astronomicus Medius tantus reuera non sit, iuxta tabulas enim Alphonsinas & hypotheses magni Copernici est tantum D 365 H. 5 / 49 // 16, ita vt ab anno Iulij Cæsaris / 10 // 44 deficiat: ex quo sequitur etiam æquinoctia & solstitia à suis sedibus initium anni versus retrocedere singulis annis / 10 // 44. Hoc fundameto supposito propositum theorema sic declaro. Ex decreto Ecclesiæ statutum est vt Pascha celebretur primo mense, idq; Dominica post 14 Lunæ, quod nulla ratione omnibus annis iuxta antiquum calendarium seruari potest, quandoquidē & æquinoctium vernum non incidit in 21 Martij iuxta antiquum Calendarium sed in 11, & nouilunia tribus aut quatuor diebus tardius indicantur; ex quo fit vt nonnunquam mense secundo, aut non Dominica proxima post 14 Lunæ primæ, sed vltra 21 Lunæ primæ Pascha celebretur, quæ fiunt contra decreta Ecclesiæ Romanæ.

Aureum numerum tardius tribus nonnunquam quatuor diebus nouilunia indicare, notius est quàm vt probatione egeat, quilibet enim visa Luna dum Aureus numerus nouilunium indicat, ad oculum errorem grauem aurei numeri deprehendere potest. v. g. Anno 1633. in Iunio aureus numerus indicat nouilunium die 12 iuxta nouum, & 2 iuxta antiquum calendarium, cum tamen eodem die Luna vespertino tempore visa, videatur circa primam quadram, quan-



quandoquidem à conjunctione sui vera cum sole, vesperi die 12 Iunij, dies 6 naturales completi numerantur. Similiter eodem anno aureus numerus indicat nouilunium 5 Decemb: iuxta nouum, & 25 Nouemb. iuxta vetus Calendarium, cum tamen eadem die vesperi Luna à vera sui conjunctione cum sole, distet plus quam integris quinq; diebus. Hic error sequentibus seculis magis patebit, semper enim magis ac magis nouilunia sedes suas per aureum numerum in Calendario designatas antecedent, ita vt Anno Dñi 4753 tempore oppositionis Luminarium, seu dum erit plenilunium illo die aureus numerus indicabit nouilunium & e contra, vt patet ex theoremate superiore.

Pari facilitate æquinoctia & solstitia sedes suas a tempore Concilij Nicæni, quod anno 322 celebratum est (quo tempore æquinoctium incidebat in 21 Martij) vsq; ad nostra tempora dictus 10. a sedibus proprijs (æquinoctij verni quod maxime Ecclesia attendit, sedes constituta est dies 21 Martij) versus principium anni recessisse, demonstratur, cum enim annus Astronomicus minor sit anno Ciuili 10 // 44, sit vt intra annos 134 dies 58 vno integro die naturali æquinoctia & solstitia versus principium anni recedant a sedibus suis, quod cuius vel modicum in arithmetica Astronomica exercitato sole clarius apparebit. Verum cum per hanc anticipationem grauissimus error in celebrando Paschate committitur, ideo vt cuius pateat seriem annorum, quibus per vnum diem æquinoctia suas sedes anteuertunt proponam.

Et in primis, quandoquidem vno anno ciuili antecedunt Æquinoctia sedes suas 10 // 44, ita vt dum sol reuoluitur ad Æquinoctium, atq; adeo annus Tropicus completeretur, ad Ciuilem annum complendum defunt 10 // 44, Anno verò sequenti deerunt 21 // 28, ita vt post annos 11, sint defutura hora 1. / 58 // 4, & sic consequenter donec integer dies naturalis compleatur. Ponamus ergo Æquinoctium vernum apparens incidere in horam 12 meridianam diei 21 Martij Anno 1635 (assumo autem annu 1635, quia illo proxime ad meridiem Æquinoctium contingit v. hora 0 / 46 // 4 post meridiem) Anno 1639. incidet æquinoctium in H. 11. / 17 // 4. ante meridiem; multiplicata enim 10 // 44 per 4, distantiam v, Anni 1639 ab anno 1635 producantur 42 // 56, quæ est anticipatio Æquinoctiorum sedes Proprias per 4 annos, hæc abstracta a tempore Æquinoctij quod ad H. 12 posuimus, relinquitur dictum tempus H. 11. / 17 // 4. Itaque anno 1646 incidet Æquinoctium in H. 10 / 1 // 56 ante mer: 1657 die 21 Martij Hora 8 / 3 // 52 ante mer: 1667 die 21 H. 6. / 16 // 32 ante mer: 1679 die 21 H. 4 / 7 // 44 ante mer: 1690. die 21. H. 2 // 9 // 40 ante mer: 1701 die 21. H. 0 // 11 // 36 ante mer: 1711 d. 20 H. 10 // 24 // 16 post mer: 1723 d. 20. H. 8 // 15 // 28 post mer. 1733. h. 6. d. 20. / 28 // 8. post mer. 1745 d. 20 h. 4 / 19 // 20 post mer: 1755 d. 20. h. 22. / 32 // 10. post meridiem 1767 d. 20 H. 0 / 23 // 12 post meridiem, Ex quo calculo manifestum est Æquinoctia versus principium anni intra Annos 132 retrocedere vno die naturali, sine 23 // 12, quæ conficiuntur per annos quidem duos 21 // 28 per dies verò 58, 11. // 44 quæ in vnum composita constituunt. 23 // 12 Atque adeo integra die naturali Æquinoctia anteuertunt sedes suas intra annos 134 dies 58, quod Demonstrandum erat.

### THEOREMA IV.

*Æquinoctia in suis sedibus post Correctionem  
Calendarij retinentur.*



## ECCLESIASTICVS

**S**edes Æquinoctii verni est 21 Martij in qua per omissionem intercallationis trium Annorum centesimorum sine vlllo natabili defectu, per multa millia annorum Æquinoctium verum retinetur, quod sic Demonstro. Notum est ex superioribus diem Civilem & Ecclesiasticum maiorem esse anno Tropico / 10 // 44, atq; adeo totidem minutis æquinoctia singulis annis a suis sedibus recedere. Quæ fractiones horariæ  $v / 10 // 44$ , cum vsq; ad annum 1582 sint neglectæ, ideo à Concilio Nicæno ad annum Correctionis 10 diebus. vt dictum est, æquinoctia versus principium anni a 21 Martij recesserunt. Hic error ne in posterum futuris seculis contingeret, neue elapsis aliquot seculis cum graui difficultate iterum Calendarium corrigere necesse esset, Gregorius XIII Pontifex Maximus statuit vt tres anni centesimi non intercallarentur, (quartus tamen semper intercallaris seu bissextus esset) qui alias bissexti ratione horarum 6 essent, sed inter communes numerarentur, ita vt octo anni continui communes essent; nam quemadmodum Calendarium correctum est per eiectionem dierum 10, eo quod 10 diebus à Concilio Nicæno ad annum Correctionis, æquinoctium vernum a 21 Martij recesserit: ita postquam recedit die vna ab eadem 21 Martij, quod fit post singulos 134 annos, statim corrigatur per eiectionem vnius diei, ex diebus anni, elucitur autem tunc quando dies per omissionem intercallationis omittitur, ita vt annus ille sit 365 dierum, qui si intercallatio accessisset fuisset 366 dierum. Et sic iuxta hunc tenorem anni 1700, 1800, 1900 (nam 1600 intercallaris fuit, nec omissione intercallationis egebat, ob recentem correctum Calendarium) communes sunt, annus 2000 est bissextus. Rursus anni 2100, 2200, 2300, communes sunt, annus vero 2400 bissextus; & sic consequenter. Ratio huiusmodi intercallationis quarto quouis centesimo, & omissionis eiusdem intercallationis tribus continuis centesimis, habetur ex superioribus; Ecclesia enim propter varias molestias & difficultates noluit intercallationem omittere singulis 134 annis elapsis, verum non expectata æquinoctij anticipatione per vnum diem naturalem, statuit intercallationem omittendam esse continuis tribus centesimis annis, eo quod centesimi sint notabiliores, & minor, imò nulla in omissione & intercallatione difficultas oriri potest. quia tamen post singulos annos centesimos restant 34 anni, quibus non expectatis intercallatio facta est, ideo post quatuor centesimos colliguntur anni 136, propter quos quarto anno centesimo intercallatio omitti debet, quandoquidem in annis 400, anni 134 ter tantum reperiuntur; & duo anni supersunt, intra quos annos 400 ter etiam tantum intercallatio (propter tres dies quibus per 400 annos æquinoctium a sua sede recedit) omitti debet, quarto anno centesimo bissexto remanente. Duo anni qui supersunt post quemlibet annum 400 parum sunt curandi; notabilem enim recessum æquinoctiorum intra multa millia annorum non facient, quandoquidem per annos 600000 tantum  $H 49 // 56$  mutationem in præcessionem æquinoctiorum cauant. Porro latitudo æquinoctij veri nostris temporibus, est ferè ab hora 7 pomeridiana diei 20, ad primam pomeridianam diei 21 Martij; ex quo patet rectè æquinoctium ad 21 Martij a Gregorio XIII. Pontifice Maximo ad 21 Martij reductum esse, quod à Concilio Nicæno ad 11 diem Martij delapsum fuit.

### P R O B L E M A.

*Qua ratione dies Paschatis iuxta correctum & verus  
Calendarium inquirantur.*

P

Ante



# T A B V L A

Ad inueniendum Paschatis diem iuxta Nouum & Antiquum Calendarium.

M A R T I V S:

A P R I L I S.

M A I V S,

| D                 | D  | Lit. | E   | AU. |
|-------------------|----|------|-----|-----|
| N                 | A  | DO-  | pa  | NU  |
| C                 | C  | mi:  | cta |     |
| 1                 | 19 | d    | *   |     |
| 2                 | 20 | e    | 29  | 12  |
| 3                 | 21 | f    | 28  | 1   |
| 4                 | 22 | g    | 27  |     |
| 5                 | 23 | A    | 26  | 9   |
| 6                 | 24 | b    | 25  |     |
| 7                 | 25 | c    | 24  | 17  |
| 8                 | 26 | d    | 23  | 6   |
| 9                 | 27 | e    | 22  |     |
| 10                | 28 | f    | 21  | 14  |
| 11                | 1  | g    | 20  | 3   |
| 12                | 2  | A    | 19  |     |
| 13                | 3  | b    | 18  | 11  |
| 14                | 4  | c    | 17  |     |
| 15                | 5  | d    | 16  | 19  |
| 16                | 6  | e    | 15  | 8   |
| 17                | 7  | f    | 14  |     |
| 18                | 8  | g    | 13  | 16  |
| 19                | 9  | A    | 12  | 5   |
| 20                | 10 | b    | 11  |     |
| 21                | 11 | c    | 10  | 13  |
| 22                | 12 | d    | 9   | 2   |
| 23                | 13 | e    | 8   |     |
| 24                | 14 | f    | 7   | 10  |
| 25                | 15 | g    | 6   |     |
| 26                | 16 | A    | 5   | 18  |
| 27                | 17 | b    | 4   | 7   |
| 28                | 18 | c    | 3   |     |
| 29                | 19 | d    | 2   | 15  |
| 30                | 20 | e    | 1   | 4   |
| 31 - 21 - f - * - |    |      |     |     |

| D  | D  | Lit. | E     | AU. |
|----|----|------|-------|-----|
| N  | A  | DO-  | pa    | NU  |
| C  | C  | mi:  | cta   |     |
| 1  | 22 | g    | 29    | 12  |
| 2  | 23 | A    | 28    | 1   |
| 3  | 24 | b    | 27    |     |
| 4  | 25 | c    | 26    | 9   |
| 5  | 26 | d    | 25 24 |     |
| 6  | 27 | e    | 23    | 17  |
| 7  | 28 | f    | 22    | 6   |
| 8  | 29 | g    | 21    |     |
| 9  | 30 | A    | 20    | 14  |
| 10 | 31 | b    | 19    | 3   |
| 11 | 1  | c    | 18    |     |
| 12 | 2  | d    | 17    | 11  |
| 13 | 3  | e    | 16    |     |
| 14 | 4  | f    | 15    | 19  |
| 15 | 5  | g    | 14    | 8   |
| 16 | 6  | A    | 13    | 16  |
| 17 | 7  | b    | 12    | 5   |
| 18 | 8  | c    | 11    |     |
| 19 | 9  | d    | 10    | 13  |
| 20 | 10 | e    | 9     | 2   |
| 21 | 11 | f    | 8     |     |
| 22 | 12 | g    | 7     | 10  |
| 23 | 13 | A    | 6     |     |
| 24 | 14 | b    | 5     | 18  |
| 25 | 15 | c    | 4     | 7   |
| 26 | 16 | d    | 3     |     |
| 27 | 17 | e    | 2     | 15  |
| 28 | 18 | f    | 1     | 4   |
| 29 | 19 | g    | *     |     |
| 30 | 20 | A    | 29    | 12  |

| D                    | D  | Lit. | E   | AU. |
|----------------------|----|------|-----|-----|
| N                    | A  | DO-  | pa  | NU  |
| C                    | N  | mi:  | cta |     |
| 1                    | 21 | b    | 28  | 1   |
| 2                    | 22 | c    | 27  |     |
| 3                    | 23 | d    | 26  | 9   |
| 4                    | 24 | e    | 25  |     |
| 5                    | 25 | f    | 24  | 17  |
| 6                    | 26 | g    | 23  | 6   |
| 7                    | 27 | A    | 22  |     |
| 8                    | 28 | b    | 21  | 14  |
| 9                    | 29 | c    | 20  | 3   |
| 10                   | 30 | d    | 19  |     |
| 11                   | 1  | e    | 18  | 11  |
| 12                   | 2  | f    | 17  |     |
| 13                   | 3  | g    | 16  | 19  |
| 14                   | 4  | A    | 15  | 8   |
| 15                   | 5  | b    | 14  |     |
| 16                   | 6  | c    | 13  | 16  |
| 17                   | 7  | d    | 12  | 5   |
| 18                   | 8  | e    | 11  |     |
| 19                   | 9  | f    | 10  | 13  |
| 20                   | 10 | g    | 9   | 2   |
| 21                   | 11 | A    | 8   |     |
| 22                   | 12 | b    | 7   | 10  |
| 23                   | 13 | c    | 6   |     |
| 24                   | 14 | d    | 5   | 18  |
| 25                   | 15 | e    | 4   | 7   |
| 26                   | 16 | f    | 3   |     |
| 27                   | 17 | g    | 2   | 15  |
| 28                   | 18 | A    | 1   | 4   |
| 29                   | 19 | b    | *   |     |
| 30                   | 20 | c    | 29  | 12  |
| 31 - 21 - d - 28 - 1 |    |      |     |     |



## C O M P V T V S

**A**Nte omnia inquirantur ex Calendario Romano Epacta, Aureus numerus, & Litera Dominicalis anni currentis; quibus inuentis, inquiratur ex tabula proposita nouilunium, quod facile inuenietur, illo enim die nouilunium est, cui adscripta est Epacta currens: deinde à die nouilunii seu à die cui est adscripta anni currentis Epacta, numeretur ætas mensis seu Lunæ vsq; ad decimam quartā diē, quæ si incidat ante 21 Martii, est Lunatio vltimi mēsis, ac proinde à sequēti nouilunio, seu die cui adscripta est Epacta currēs numeretur decimaquarta Luna, quæ incidat post, vel in ipsam sedem æquinoctii v. in 21 Martii. Tandē inuenta decimaquarta Luna videatur in quam diē septimanæ incidat, si enim inciderit in diē Sabbathium, sequens dies Paschalis erit, si in feriam secundam, tertiam, quartam, quintam, sextam inciderit, eodem modo proxima die Dominica Paschæ celebrandum est; si deniq; in diē Dominicum, differenda est Solennitas Paschatis vsq; in sequentem diē Dominicam. Porro dies septimanæ ē prædicta tabulā facile habebitur, habita litera Dominicali.

Eodem modo inquiritur dies Paschatis iuxta vetus Calendarium, per aureum numerum, hac tamen cautela vt æquinoctium seu 21 Martii inquiratur in secundo ordine tabulæ, primus enim ordo est dierum Noui Calendarii, secundus dierum antiqui Calendarii. Sit exemplum.

Anno 1634 currit Epacta 1 Aureus numerus vnum, Litera Dominicalis A. Epacta currens 1 adscripta est diēi 30 Martii, vbi est nouilunium primi mensis seu primæ Lunæ, decimaquarta incidit in 12 Aprilis, feriam 4 septimanæ. Pascha ergo celebrabitur Dominica proxima v. post 4 dies, diē 16 Aprilis (illa enim dies habet sibi annexam literam Dominicalem A) iuxta correctum Calendarium. Aureus numerus similiter qui notatur secunda diē Aprilis iuxta nouum, & 23 Martii iuxta vetus Calendarium, illā denotat esse nouilunium primæ Lunæ; decimaquarta Luna incidit in 15 Aprilis, vel 5, & diē Sabbathium. Pascha ergo celebrabitur sequenti diē v. 16 diē Aprilis, vel 6 iuxta Vetus Calendarium.

### T H E O R E M A V.

*Anno 1636 & 1637 non rectè Pascha iuxta antiquum Calendarium celebrabitur.*

**A**Nno 1636 currit Epacta XXIII quæ Martii diēi 8 est adscripta: Decimaquarta incidit in 21 Martii sedem æquinoctii, & feriam sextam hebdomadæ. Ergo sequiti Dominica 23 Martii anno 1636 iuxta correctū Calendarium Pascha ritè celebrandū est. Aureus verò numerus 3 qui ante proximior est æquinoctio, adscriptus est 11 Martii iuxta nouum & 1 iuxta antiquum Calendarium, à quo diē decimaquarta numerata incidit ante æquinoctium seu ante 21 Martii iuxta vetus Calendarium, ac proinde nouilunium quod incidit in 1 Martii est vltimæ Lunationis, in qua Pascha celebrari non debet. Quare assumendus est aureus numerus 3 sequens, qui adscriptus est 21 Martii iuxta vetus Calendarium: decimaquarta incidit in 13 Aprilis, & feriam quartam. Ergo Pascha iuxta vetus Calendarium celebrandum erit 27 Aprilis, quæ noui Calendarii diēi 17 Aprilis respondet; atq; adeò quinq; septimanis post verum tempus Paschatis.

Hæc Paschatis celebritas 1636 iuxta vetus Calendarium erronea est, ex duplici hoc capite, & quia 22 Lunæ, & quia secundo mense celebrabitur; Cū tamen Pascha, & mense primo, & non post 21 Lunam celebrandum sit. V.



# ECCLESIASTICVS

trumq; caput manifestum est, nam cum nouiluniū Ecclesiasticum per Epactam recte indicatum incidat in 6 Aprilis correcti Calendarii, seu 27 Martii veteris, incidet decimaquarta Luna in 5 Aprilis, & feriam tertiam septimanæ, Pascha celebrandum esset proxima Dominica, v. 10 Aprilis, Lunæ decimanona die, non autem 17 die mensis, Lunæ vigesima secunda. Quod verò anno proposito Pascha iuxta verus Calendarium secundo mense celebrandum sit, constat ex eo, quod æquinoctium incidat in 11 Martii veteris Calendarii (vt supra demonstratum est) in quam etiam decimaquarta incidit, vt ex motu cælesti Lunæ, clare illo tempore constabit; & ideo illa decimaquarta erit plenilunium primi mensis: quibus vt veris admissis, post sequentem decimam-quartam Lunæ Pascha celebrabitur secundo mense. ANNO 1637, quamuis Pascha primo mense iuxta vetus calendarium celebrabitur, error tamen continget, ex hoc, quod incidat celebritas in 24. Lunæ.

## AD MAIOREM DEI GLORIAM VIRGINISQUE MATRIS HONOREM



### TERRATA.

In Opticis theor: 2 leg: Positum sit numisma. theor: 32 in figura A & F sunt locis permutata In Geometria problema. 5 Long: 900 leg 90. Astronomia, in Theor. solis parag: 31 in tabula 1635 secunda 20 leg: 33 In Theor: cœli Radice Anom long g 47 m 30 In calculo long. Saturni Distantia à motu Solis sec 38 leg: 50, à cor: Ari: S. 17 leg: 5. ver: loc se: 57 le: 45 In calc: long. Iouis, Arg: ver: m. 39 leg: 59. In calculo long. Martis, excessus a quatuor sec. 50 leg: 10 Distant: à cornu Arietis g. 11 leg 10 Ab: æqui: verò g. 10 leg. 9. Locus verus g. 10 leg. 9. ibidem ex productio leg e-producto in calculo Latit: in parte prop: & vera latit. leg: m 7 te: 48. In calc solis verus locus leg: m 29 S 31 propter excessum Lu: nae assumptum cum Solis sito. In calculo Long: Veneris aquat: argu vlti. æqui: 5. 24 leg. 18 in Latit: part: prop: m. 56. sec. 40 leg m. 24. se: 20 In supp: Saturni Long ad 14 Nouemb. in arg: med: g 35. leg. 25. In latitud: part: prop: & vera latit: m. 55. 5. 10.





*M*







Oddział Konserwacji  
Zborów Bł  
1990 r.



